

世間所有我盡見
一切無有如佛者



天上天下無如佛
十方世界亦無比

(南無本師釋迦牟尼佛)
(印度菩提迦耶千佛塔內供之佛像)

等分法海 ⑳

廬山蓮宗寶鑑

◎ 編著：元·優曇普度大師

目 錄

印造佛經佛像之十大利益	一	歸依三寶	二〇
普賢菩薩十大願	二	發菩提心	二一
龐居士偈	三	受持戒法	二二
示看經(保寧勇禪師)	四	慈心不殺	二三
靈巖山寺念誦儀規題辭文(印光大師)	五	修十善業	二四
蓮宗寶鑑 法緣	六	深信因果	二五
蓮宗寶鑑		讀誦大乘	二六
序	七	觀進行者	二七
敘	一一	念佛正教	二
念佛正因	一	念佛正教說	二八
念佛正因說	一五	佛為父王說念佛	三一
阿彌陀佛因地	一七	善財參見德雲比丘說念佛門	三二
彌陀釋迦本願因地	一七	智首菩薩說念佛	三二
佛為韋提希聖后說淨業正因	一七	龍樹大士說念佛	三三
孝養父母	一八	念佛功德有七種勝	三三

修持法門.....	三三	李長者華嚴合論 十種淨土 權實宗體.....	六六
離相念佛三昧無住法門.....	三四	念佛參禪求宗旨說.....	六八
天台念佛三昧三觀法門.....	三五	淨土非鈍根權說.....	六九
空觀念佛三昧無念法門.....	三七	真歇了禪師淨土宗要.....	六九
日觀念佛三昧專想法門.....	三八	寂室大師示淨土實見.....	七〇
參禪念佛三昧究竟法門.....	三八	大智律師示念佛事理不二.....	七〇
攝心念佛三昧調息法門.....	三九	文法師淨行念佛宗要.....	七一
一相念佛三昧專念法門.....	四〇	念佛正派 四	
六時念佛功德回向法門.....	四一	念佛正派說.....	七二
懺罪念佛功德繫念法門.....	四二	遠祖師事實.....	七六
晨昏念佛功德信願法門.....	四三	遠祖師歷朝諡號.....	七八
簡徑念佛功德十念法門.....	四三	明教大師題遠祖師影堂記.....	七八
慈照宗主圓融四土.....	四四	廬山十八大賢名氏.....	八〇
念佛正宗 三		貫休禪師題十八賢影堂詩.....	八一
念佛正宗說.....	六二	辨遠祖 成道事.....	八一
定明宗體.....	六五	壁谷釋曇鸞大師.....	八三

天台智者大師	八四	斷疑生信	一〇六
京師善導和尚	八六	勸發信心	一〇九
金臺法照大師	八八	天竺慈雲式懺主往生正信偈	一一一
睦州少康法師	九一	天台智者大師淨土十疑論敘	一一二
省常大師	九三	無為楊提刑直指淨土決疑序	一一三
長蘆慈覺禪師	九四	念佛正行 六	
永明壽禪師	九五	念佛正行說	一一六
天竺慈雲懺主	九六	修進工夫	一二〇
文潞公傳	九七	資生助道	一二三
潞府宗坦疏主	九八	作福助緣	一二四
慈照宗主	九九	去惡取善	一二四
宋朝無為子楊提刑	一〇〇	拔濟幽趣	一二五
龍舒居士王虛中	一〇一	放諸生命	一二七
儀真王侍郎	一〇三	六度萬行齊修	一二七
念佛正信 五		維摩大士示淨土八法	一二八
念佛正信說	一〇四	較明修行難易	一二九

天台示淨土欣厭二行門	一三〇	臨終四關	一五三
淨業道場	一三一	臨終決疑撮要	一五四
自行化他	一三四	僧濟臨終注想西方	一五六
以事檢心	一三六	善導和尚臨終往生正念文	一五六
念佛正願 七		化佛來迎	一五八
念佛正願說	一三九	賢首菩薩臨終讚念佛偈	一六〇
勸發大願	一四一	情想多少論報高下	一六一
慈照宗主示念佛人發願偈并序	一四三	命終善惡感報優劣	一六二
求生淨土要在發願	一四五	臨終十事不剋念佛勉勸預修	一六三
善導和尚修行發願儀	一四六	念佛正報 九	
白侍郎發願求生淨土文	一四七	念佛正報說	一六四
馮濟川施經發淨土願文	一四八	功德莊嚴	一六六
念佛往生正訣 八		淨土增修聖果	一六七
念佛往生正訣說	一五〇	淨土三十益	一六八
父母臨終往生淨土	一五二	淨土成佛	一六九
臨終三疑	一五三	念佛正論 十	

念佛正論說	一七〇	辨明超日月光	一九四
西方彌陀說	一七三	辨明髻中珠	一九五
真如本性說	一七六	辨明無漏果	一九七
辨真妄身心	一七七	辨明趙州茶	一九八
辨明三寶	一七九	辨明教外別傳	一九九
辨見聞覺知	一八〇	辨關閉諸惡趣門開示涅槃正路	二〇一
破妄說災福	一八〇	辨明四生	二〇二
辨明空見	一八三	破妄立十號	二〇四
辨一合相	一八四	誓願流通	二〇六
辨明雙修	一八五	名德題跋	二〇九
辨明三車	一八七	明州天童長老東巖和尚跋語	二〇九
辨明三關	一八八	廬山白蓮宗主悅堂和尚跋語	二一〇
辨明大小二乘	一八九	西峰及菴和尚信公長老跋語	二一〇
辨明不生不滅	一九一	大慶壽寺都總統西雲和尚跋語	二一〇
辨明曹溪路	一九二	饒州薦福長老礪和尚跋語	二一〇
辨佛法隱藏	一九三	姑蘇幻住禪庵中峰和尚跋語	二一一

荆岑普賢接待院不會禪師跋語	二二二	心經	大悲咒	十小咒
天峰祐禪師跋語	二二二	解毒咒	解冤咒	虛空藏菩薩真言
翰林承旨張疇齋題跋	二二三	地藏菩薩滅定業真言	金剛心陀羅尼	二四八
廬山無住道人竺源跋	二二三	天台智者大師觀心誦經法		二五八
廬山優曇普度題	二二四	印光大師開示		二五八
西蜀楚山和尚示眾念佛警語	二二五	印光大師	十念記數法	二五九
淮陽曉山和尚勸修淨業箴	二二六	淨戒十益(月燈三昧經)		二六〇
附錄	二二九	尺牘(信札)規範		二六一
蓮宗九祖省庵法師勸發菩提心文	二一九	妙音印經會	預印經書(一〇六年・二月)	二六三
蓮宗八祖蓮池大師西方發願文	二二九			
蓮宗八祖蓮池大師	二三一			
蓮宗九祖省庵法師	二四一			
佛學名相暨辭彙	二四三			
補闕真言	二四四			
懺悔偈	二四四			
懺悔文	二四四			
三皈依	二四五			
回向	二四五			
慈雲懺主晨朝十念法	二四七			

印造佛經佛像之十大利益

印光大師

- 一、從前所作種種罪過，輕者立即消滅，重者亦得轉輕。
- 二、常得吉神擁護，一切瘟疫、水火、寇盜、刀兵、牢獄之災，悉皆不受。
- 三、夙生怨對，咸蒙法益，而得解脫，永免尋仇報復之苦。
- 四、夜叉惡鬼，不能侵犯。毒蛇餓虎，不能為害。
- 五、心得安慰，日無險事，夜無惡夢，顏色光澤，氣力充盛，所作吉利。
- 六、至心奉法，雖無希求，自然衣食豐足，家庭和睦，福壽綿長。
- 七、所言所行，人天歡喜。任到何方，常為多眾傾誠愛戴，恭敬禮拜。
- 八、愚者轉智，病者轉健，困者轉亨，為婦女者，報謝之日，捷轉男身。
- 九、永離惡道，受生善道，相貌端正，天資超越，福祿殊勝。
- 十、能為一切眾生，種植善根。以眾生心，作大福田，獲無量勝果。所生之處，常得見聞佛法。直至三慧宏開，六通親證，速得成佛。

一

普賢菩薩十大願

- 一者禮敬諸佛
- 二者稱讚如來
- 三者廣修供養
- 四者懺悔業障
- 五者隨喜功德
- 六者請轉法輪
- 七者請佛住世
- 八者常隨佛學
- 九者恆順眾生
- 十者普皆迴向

龐居士偈

一念心清淨

處處蓮花開

一花一淨土

一土一如來

示看經

保寧勇禪師

四

夫看經之法 後學須知 當淨三業。若三業無虧
則百福俱集。三業者 身口意也。一端身正坐 如
對尊顏 則身業淨也。二口無雜言 斷諸嬉笑 則口
業淨也。三意不散亂 屏息萬緣 則意業淨也。內心
既寂 外境俱捐 方契悟於真源。庶研窮於法理 可
謂水澄珠瑩 雲散月明 義海湧於胸襟 智嶽凝於耳
目 輒出莫容易 實非小緣。心法雙忘 自他俱利 若
能如是 真報佛恩。

靈巖山寺念誦儀規題辭文

民國·印光大師述

一切佛經及闡揚佛法諸書 無不令人趨吉避凶 改
過遷善·明三世之因果 識本具之佛性 出生死之苦海
生極樂之蓮邦·讀者必須生感恩心 作難遭想·淨手
潔案 主敬存誠 如面佛天 如臨師保 則無邊利益
自可親得·若肆無忌憚 任意褻瀆^{工せ、クメ} 及固執管見 妄生
毀謗 則罪過彌天 苦報無盡·奉勸世人 當遠罪求益
離苦得樂也·

蓮宗寶鑑 法緣（◎如來禪—遵循經教而修之禪）

【蓮宗寶鑑】凡十卷 元代廬山東林寺之優曇普度師撰·又稱廬山蓮宗寶鑑 廬山優曇寶鑑 廬山蓮宗寶鑑念佛正因 念佛寶鑑·普度師自稱為東晉廬山慧遠白蓮社念佛之正系 基於南宋慈照子元白蓮宗之教旨 編集有關念佛三昧之經說 史傳等·

蓋因慨嘆當時稱蓮宗者多 然不能基於初祖慧遠師之意 不能了悟開祖子元之本旨 更為邪說謬解所惑 為救此流弊 遂集諸書之善言 加以增刪或潤色而成此書·（◎蹟—幽深難見◎揆—道理、審度）

元成宗大德九年（1305）撰集 至大元年（1308）白蓮宗被禁行 普度師針對情勢 上進本書 此書遂得御覽刊行·本書廣述念佛要旨 其綱目與章數依次為：念佛正因十四章 念佛正教十九章 念佛正宗八章 念佛正派二十二章 念佛正信六章 念佛正行十四章 念佛正願七章 念佛往生正訣十二章 念佛正報五章 念佛正論二十五章·每卷初置總說 以下則接經論要文 古德行狀 教語等·

◎三聖—西方三聖：阿彌陀佛、觀世音菩薩、大勢至菩薩·

【蓮宗寶鑑 序】（◎毘首羯磨——司掌建築雕刻的神匠）

禪淨二門 分袒各幟註幾同敵國矣！慈覺蹟禪師註有營田開庫之喻
各隨所好 皆得如心 此亦方便和會之談耳。二物可會 若本非二 和
會奚為？夫禪有如來禪註祖師禪註祖師禪且置 佛語禪那——華言靜慮 所
謂八禪八定也。念佛三昧 曰一心不亂 都攝六根 淨念相繼 非靜定
耶？且念佛 與唱佛不同 唱者口也 念者憶也 母憶子 子憶母 口乎
心乎？所念之佛栴檀耶？閻浮檀金耶？毘首羯磨所作耶註應身耶註報身耶
法身耶 過去佛耶 現未佛耶 淨土在西方耶 舉足下足 即道場耶
觀經金口所宣 而曰是心作佛 是心是佛 故觀心即觀佛也 觀佛即念佛
也。（◎祖師禪——不立文字，直指心性，以心傳心◎應身——化身）
極而言之 念本無念 佛亦無佛 能念空 所念亦空 如來禪即祖師
禪也。故大勢至念佛無生 觀世音反聞自性 二菩薩 似各一圓通 而同
在安養 左右彌陀 接引東土明乎。即淨即禪 眾聖一揆註而後來釋子
分張門戶 譬之祖宗房屋 原只一間 而子孫于中 牆壁夾斷 插籬種
棘 不相往來 其為執迷 顛倒極矣！或難言三聖接引註則淨土在西方明

矣！得無與自性唯心之旨 相矛盾乎？（◎惟一同「唯」）

余曰：彌陀者 眾生之彌陀也。眾生者 彌陀之眾生也。極樂者 彌

陀之唯心也。唯心者 眾生之極樂也。故識自性惟心之旨註謂西方有彌陀

可謂東土皆彌陀；亦可謂法報身是佛 可謂丈六劣應身 與毘首羯磨

所作是佛 亦可謂念過去佛 可謂念現來一切佛亦可 而又何禪淨之分別

為耶？蓮宗寶鑑一書 乃廬山優曇和尚所集 標真正譌尋香討根註實淨

土之指南也。因屬楞嚴白法師 刻而傳之而僭為之引註

紫柏弟子 錢士升書於放下菴之更雨堂

◎僭号—假、超越權限 ◎譌—同「訛」 ◎鏤—雕刻。

廬山東林禪寺蓮宗善法祖堂勸修淨業臣僧普度謹自編集

蓮宗寶鑑一部 發明佛祖 念佛三昧 已蒙諸尊宿 善知識題跋印證

來詣大都 禮拜闍賓國公班的答師父 主盟佛法 得奉法旨教号般若室

利長老賢耶那室利闍羅羅司丞 於至大元年十月十一日 至隆福宮。今上

皇帝潛龍時分月 海法薛第一日 親捧蓮宗寶鑑 啓奉令旨 教刊板印行

者。敬此即於大都明理不花丞相 施到無量壽法王寺內 鏤板已遂畢工

●註所集洪因 端為祝延 皇帝聖壽萬安 皇太后皇后齊年 太子諸王千秋
文武官僚高增祿位 皇圖永固 佛日光輝 凡曰見聞同成佛道。

皇慶壬子正月圓日優曇(普度) 謹識

●蓮宗—淨土宗 ●齋—抱 ●脞—繁雜瑣碎 ●闡提—不信因果者。

按經中說 西方世界 國名極樂 其土有佛 號阿彌陀 巍巍蕩蕩

超太古皇 不令不申 自然而化·瓊池金地 不染一塵 樹林水鳥 皆演

苦空 佛願力故 攝彼群情 一念相應 即登金臺·雖下下品 亦胎華蓮

雁門尊者 社結勝流 策勳淨業 是以念佛之道 唱行於世 迨今千年

謂之蓮宗也●註去古已遠 法流成弊 邪道混淆 微旨曖昧。

由是優曇和尚 乘宿願力 痛嗟正宗 奮真實心 探尋要旨 編次本

末 剖分偽真 定為十門 名曰寶鑑 齋赴大都●註咨扣屬賓班的答灌頂

國師證 無叢脞契合佛經●註乃為聞奏 欽遇皇上金輪皇帝 聖通佛慧 道

合天心 至照無私 獎稱曰善教 刊板印行載上書·乞復教上可之 頒降

聖旨徧行各省 洗佛日 重光於聖世 起祖風 載振於虎溪 策精進而勿

荒·發闡提而必信悟●註覺花開於心地·顯佛性存於本源 咸知極樂之歸。

悉稟無為之化 明教上仁宗正宗論息闢佛之議 於當時優曇獻皇上寶鑑編復白蓮之教·於今日 雖年代相遠 蓋事實相符 其名同芳而不萎 其功並垂而不朽矣！（◎三乘——聲聞、緣覺、菩薩◎妍——美）

延祐甲寅住大仰山 大圓佛鑑禪師傳法沙門希陵 拜手

夫心性 役乎塵勞煩惱 而不為塵勞煩惱之所汨汲；如蓮生淤泥 而不因淤泥染汚其質 故直指之為蓮也·心性通乎三乘諸法註而不為三乘法之所凌奪 由宗分支派 而不因支派 忘失其本 故念佛之為宗也·心性虛空 含育萬有 譬海中四珠 出無盡藏 故標之為寶也·心性明淨 照了色象 喻一鏡當臺 能辨妍醜註故名之為鑑也·

優曇和尚 浙之丹陽蔣氏 家世事佛 積善生而敏銳 弱冠則厭俗

緣註投簪薙髮註初參龍華寶山慧禪師·一見器之 誠其歷叩諸老之門 琢磨淘汰 達心淨土見性彌陀·深惜祖道湮微註述集念佛警要 目之曰蓮宗寶鑑 言言破惑——井井有條·天童東巖圓應日禪師 見而證之曰：「善哉善哉 如是如是。」（◎弱冠——20歲◎薙——剃◎湮——滅沒、久）

繼之京都開法 於法王禪寺 道合灌頂國師捧寶鑑而上奏·金輪興正
宗 而下頒玉旨 忘軀為法 異世龜鑑 開導人天 續佛慧命 實僧中寶
正本齊末 統眾歸宗 不捨悲願 融真混俗 示火中蓮 振復東林遠
公祖師 已墜之風于千古之下 所謂廬山蓮宗寶鑑者 豈徒言哉！宿師名
德公大人 跋讚品題備于卷末 後之修淨業者 披閱是集 洞明佛祖旨趣
弘揚斯道 垂之無窮 其功 詎可比量也耶？延祐改元甲寅孟夏前婺之
明智註崇勝禪寺比丘 大中德合再拜為之敘云·

◎六趣——天、人、修羅、畜生、餓鬼、地獄◎四生——卵、胎、溼、化·

廬山蓮宗寶鑑 敘（◎婺——安徽省縣◎阜——土山）

夫真法界性 生佛平等而無異無同 妙覺明心 染淨混融而非一非
二·然則塵塵淨土 他方此界 皆為極樂之邦·念念彌陀 蠢動含靈 盡
是法身之佛·蓋為情生智隔 想變體殊 心隨生住異滅之變遷 境有坑坎
堆阜之高下註所以淨刹穢方 苦樂有異·眾生諸佛 凡聖不同 是致六趣
茫茫註匍匐九居之內註四生浩浩註升沈三界之中註從迷入迷 由苦入苦
動經塵劫無解脫期 故我佛開方便門 教以念佛三昧 指有淨土 為歸向

焉·（◎三昧—定◎三觀—空、假、中之三觀◎梵字—道場）

所謂念佛三昧者 梵語佛陀—此云覺者 自覺 覺他 覺行圓滿 故名曰佛·如睡夢覺 如蓮花開 為令有情 返照回光 淨念相繼 久久純熟 惑盡障除 一念不生 前後際斷 悟此覺性 內無能念之心 外無所念之境 能所兩忘 生佛無二 故曰念佛·（◎遐—遠◎欽惟—發語詞）

梵語三昧—此云正定 謂思專想寂 神智明妙也·經云：「若念佛者 當知此人 則是人中芬陀利華·」東晉遠公祖師 因聽彌天法師講般若經 豁然大悟 入於無量甚深三昧註遊止廬山與高僧朝士 結緣修行 故云：「諸教三昧其名甚眾 功高易進念佛為先」因以白蓮名其社焉·師乃著念佛三昧敘 蓋發揚此理也·（◎閭—和敬◎匙—同「鮮」）

天台智者判教 謂觀無量壽經為大乘終實之教·以三觀澄心者註蓋顯念佛之旨也·法照尊者禮文殊而求指 蓋指此法也·省常禪師結淨行緣 宰相名卿歸嚮同修者 蓋此道也·長蘆蹟蹟禪師結蓮花勝會 感普賢 普慧二菩薩入會 蓋證明此道也·慈照宗主以本願力 示現世間發廣度心 引權就實隨機化導 蓋欲令利根 鈍根俱悟此道也·集白蓮懺開四土圖

以信行願為資糧 以戒定慧為樞要 蓋立此念佛正宗也。

宋高宗御書蓮社二字 蓋崇此法門也。欽惟大元普天一統註諸國來朝人心樂善。廬山東林禪寺東巖圓應日禪師 欽奉聖旨 住持道場修營梵字註集諸賢傳 乃追古而整宗綱 架大法橋名宗遠 而開祖道一十八載 提唱宗乘之外 常以念佛三昧開導人天。至元壬辰秋赴慶元路育王山廣利禪寺 請而遜席于開先 悅堂閻禪師相繼住持註元貞元年正月述明居士燕覺 道破衣和尚 欽奉聖旨賜 白蓮宗善法堂護持教法。

元貞二年正月又欽奉聖旨 賜通慧大師白蓮宗 主仍賜金襴袈裟 於大德五年十月 欽奉聖朝 頒降御香金幡到寺。自晉至今僅乎千載 感斯恩耀遐方異域註若賢若愚皆從化焉。悉以齊心念佛 仰祝皇帝聖壽萬安 天下太平法輪常轉 熙熙然舜日堯風 即此世界為極樂世界也。

普度濫叨釋裔無補教門 嘗見稱蓮宗者 未諳念佛旨趣 棄本逐末 著相修行淨業正因 逮將沈沒皆是懷寶迷邦 背真向偽 從其事者紛如牛毛 具正見者匙若麟角註致令上慢之徒 輕忽吾佛之道。悲夫去古時遙 法久成弊 正道湮微邪法增熾 人多錯解蹉入邪途 不思淨土一門 乃出

輪迴之捷徑·其直如絃·其朗如日·奧旨在於經讖之間·不遇明師啓迪·猶若群盲摸象·各說異端·從冥入冥·永纏邪見·可痛惜哉！

矧矧今恭遇佛心天子註正法治世·迺君臣慶會之時·政佛法流通之際·得不以祖師念佛三昧·開示人天用作將來眼目·俾同悟入佛知見哉？予乃翹心淨土·探蹟先宗·編集要言目曰寶鑑·照明真偽·凡一十篇·其首曰念佛正因·謂入室必由戶也·次曰正教·乃示念佛法門·漸偏頓圓·使進修者·隨根器而歸乎至道也·（◎矧——況且、也◎正——指人之形軀）

又其次曰正宗·蓋示念佛三昧正心之理·俾修習者·明其宗而達其本也·又其次曰正派·蓋明佛祖暨以諸宗師·得道之本末·欲令後學知其自也·又其次曰正信正行正願·俾信正法·修正行·發正誓而求生西方也·次曰往生正訣·蓋示臨終生淨土之路也·次曰正報·蓋明修行所得淨土·依正之功德莊嚴也註·次曰正論·蓋引諸佛誠言·破群邪異見·欲令改不善而從善也·非敢有助於宗風·為益於未聞者也·欲其枉者直之·邪者正之·疑者決之·迷者悟之·盡大地人於一念中·同得念佛三昧·共證菩提·不亦偉歟！修淨業者無吝慈悲·試一展卷見聞隨喜·讚輔流通·其如佛祖

未出世一句子 請高著眼。(◎依一指物質、環境)

時 大德九年乙巳彌陀示相日 江州廬山東林禪寺

◎九居—欲界人天、梵眾天、極光淨天、徧淨天、無想天、四無色天。
白蓮宗善法堂主 僧優曇 普度齋沐 謹題

廬山蓮宗寶鑑

【念佛正因 卷一】

蓋聞：恆河沙數眾如來 彌陀第一。十方微塵諸佛刹 極樂是歸。至理本祇唯心初門註必由因地。故知合抱之木 發於毫芒。千里之行 始於初步。欲超生死以淨土 為歸趣之方。將證涅槃故念佛 乃正心之要。深信極樂真解脫之妙門 諦想彌陀實眾生慈父 先明落處 故望果以修因。漸履玄途 是從因而至果。故知集群賢而結社 有其旨焉。專念佛以勸人 興其教也。(◎祇—只 ◎三摩地—定)

因該果海 果徹因源 形直無不影端 聲和自然響順。勢至示證圓通之要 世尊說修淨業之因 從聞思修登三摩地註憑信行願入法界門。是一念興而萬靈知 信心生而諸佛現。纔稱寶號 已投種於蓮胎。一發菩提

即標名於金地·有緣斯遇自悟自修 淺信不持大愚大錯·故云：「一乘
極唱終歸 獲至於樂邦 萬行圓修最勝 獨稱於寶號·」八十億劫之重罪

廓爾煙消·十萬億刹之遐方 倏如羽化註（◎倏—忽然）

想念專注即觀心而見佛身 心境交參即因門而成勝果·十方淨穢卷舒

同在於毫端 一性包融浩博 該羅於法界·是則諸佛與眾生交徹 淨土

與穢土冥通 彼此互修事理無礙 若神珠之頓含眾寶 猶帝網之交映千光

我心既然生佛同爾·是知遊神億刹 實生乎自己心中 孕質九蓮 豈逃

於刹那際內？二乘賢輩註回心即達於金池 五逆凡夫註十念便登於寶界·

嗟乎註識昏障重 信寡疑多 貶淨業為權乘 嗤誦持為麤行註豈非耽溺

火宅 自甘永劫之沈迷 悖悞慈親 深痛一生之虛喪·須信非憑他力 截

業惑以無由 不遇此門 脫生死而無路·誓同諸佛 敢儆前修勸勉 後賢

深崇此道 已發願 今發願 當發願 事事而回向彌陀·若已生 若今生

若當生 念念而皆歸淨土 欲取一生事辦 便於這裏留心·一切時中千

車合轍 四威儀內萬善同歸註齊登極樂妙門 速成念佛三昧 最初一步要

分明 直至西方無異路·（◎二乘—聲聞、緣覺◎麤—同「粗」）

阿彌陀佛因地（◎四威儀——行、住、坐、臥）

鼓音王經云：「過去劫中 有國名妙喜 王名憍尸迦 祖父清泰國王 父月上轉輪王 母殊勝妙顏 生三子 長曰日月明 次曰憍尸迦 三曰帝 眾·時有一佛出世 名曰世自在王·憍尸迦心發道意 棄捨國位投佛出家 號曰法藏比丘·」又大彌陀經云◎註「法藏比丘 於世自在王佛所 發無上意 一切世間無能及者·時佛說二百一十億 諸佛刹土應其心願·法藏稽首禮佛◎廣說四十八願云（本經具載） 若不爾者誓不成佛·是時大地震動 天雨妙華空中 同聲讚言決定成佛·」（◎稽首——頂禮）

彌陀釋迦 本願因地（◎阿耨多羅三藐三菩提——無上正等正覺）

悲華經云：「往昔劫中 有轉輪王 名無諍念·大臣寶海 為善知識·同於寶藏佛所 發菩提心·無諍念發願云 我修大乘取於淨土 終不願於穢土 成阿耨多羅三藐三菩提◎世界眾生無諸苦惱 我不得如是佛刹 爾乃不成正覺·今既果滿 號阿彌陀故現淨土·寶海大臣 願於穢土成 熟有情·今已果滿 號釋迦牟尼 於此濁惡世中 成佛菩提·」

佛為韋提希聖后 說淨業正因（◎大彌陀經——無量壽經）

觀無量壽佛經云：「爾時 韋提希號泣向佛白言 世尊 唯願為我
廣說無憂惱處 我當往生 不樂閻浮濁惡世也。爾時世尊 放眉間光 徧
照十方無量世界 諸佛國土皆於中現。時韋提希見已 白佛言 是諸佛土
雖復清淨皆有光明 我今樂生極樂世界 阿彌陀佛所 唯願世尊 教我
思惟教我正受。佛告韋提希 阿彌陀佛去此不遠 汝當繫念諦觀彼國 我
今廣為汝說 亦令未來凡夫 修淨業者 得生西方極樂國土。欲生彼國者
當修三福 一者孝養父母 奉事師長 慈心不殺 修十善業。二者受持
三歸 具足眾戒 不犯威儀。三者發菩提心 深信因果 讀誦大乘勸進行
者。如此三事名為淨業正因。佛告阿難及韋提希 諦聽諦聽善思念之。」

孝養父母

念佛乃諸法之要 孝養為百行之先。孝心即是佛心 孝行無非佛行
欲得道同諸佛 先須孝養二親。故蹟禪師云：「孝之一字 眾妙之門。」
佛語以孝為宗 佛經以孝為戒 言中不昧口出戒光 直下分明頓開心地。
夫孝者有在家之孝 有出家之孝。在家孝者——父母愛之喜而不忘 父母惡
之勞而不怨 承順顏色以盡養生。

出家孝者——割愛辭親餐微契本 深入無為之理 上酬罔極之恩 趣解脫之要途·報慈親之捷徑 非但未來獲益 亦於現世成功·所以如來子夜踰城 道圓雪嶺·盧能白金遺母^註法繼黃梅·然而以法斷恩 應思報德 是以迦維省父忉利·寧親至於貧乏無依 理合躬親給侍 是故畢陵迦起盡心之戒 忍大師有養母之堂 陳睦州織屨供親^註朗法師荷擔遊學·

然則出家者 以法味為甘旨 不忘返哺之心 以佛事為勤勞 未遺世諦之禮 非但一世父母 而多生父母皆報·不唯一身父母 而法界父母皆度 同登覺岸·豈止周公之配天 普示迷津 故逾考叔之純孝 出家之孝其利博哉！（盧能——六祖屨——麻鞋——覬——非分的希望）

如或因緣未和 父母不聽 宜盡在家之孝 勸修出世之因·若能即俗而真 亦有成佛之路·覬反嬰兒之行^註無虧膝下之嚴 報雙親顧復之勞 致一乘圓滿之地 遂使在家菩薩 行解無疑 出俗高人 因斯可鑑 其有局於事佛 不能盡於事親 睹茲有感 于中可以克全其孝·嗚呼！光陰易往 父母難忘 有親在堂如佛在世 以此報親之德 圓成念佛之功；是知父母喜歡 則諸佛喜歡 此心清淨則佛土清淨·可謂：「野色更無山隔斷

月光直與水相通。」

奉事師長（◎嬰兒行——喻人天、小乘◎骨董——古董）

古德云：「生我者父母 成我者師友。」是知師者 迷途之明導 暗室之慧燈 苦海之舟航 人天之眼目 恩逾父母德重乾坤 弟子所以事師 不敢慢易也。豈不見：捨全身而求半偈 斷一臂而扣真乘。以身為座而奉師 腰石負舂而續祖 賣心肝而學般若（ウツカ） 投火聚以證菩提。方之古人深為慶幸 奉師學道可不勉哉！（◎四事——衣服、飲食、臥具、醫藥）

應知出世投師 須求正見 參方請益莫附邪宗 要明罪福之因 由審辨正邪之利害 正則成佛 邪則成魔。打頭不遇作家 到老翻成骨董（註）是以如來知師非 而捨去。夫子擇善者而從之 觀古聖之如斯 何今人而不爾？況當末運多有邪師 凡欲修行切莫親近。但存正念終值明師 要了大緣慎勿容易。是故弟子事師 即同事佛也。可謂：「四事供養敢辭勞（註）萬兩黃金亦消得。」（◎鏃——箭頭）

歸依三寶（◎三歸——皈依佛、皈依法、皈依僧）

佛為三界大師 法是群生眼目 僧乃六和上士（註）並為真淨福田 背之

則邪 順之則正 神功莫並 聖力難思·除苦如藥鼓落鏃^{トク}註 脫難若霜劍
突圍 變苦為樂而剎那 革凡成聖而頃刻·是以火車相現 歸依而便獲清
涼；地獄將臨 稱念而悉皆離苦·普明與諸王免難 空定功焉·帝釋卻頂
生之威 般若力也·所以信心佛子 歸依三寶真慈 香花供養於佛僧·讀
誦流通於法寶 集茲善利迴向菩提 普暨眾生同生淨土·不見道：頻伽
鸚鵡稱念而得生西方 諸天帝王欽敬而誓求聖道·皆能上成佛果 下脫苦
輪·可謂：「禪是大瀉^タ詩是朴^ト註 大唐天子只三人。」

發菩提心（◎五濁——劫濁、見濁、命濁、眾生濁、煩惱濁）

無上佛果 名曰菩提 若發此心 決定成佛·淨行法門曰：「凡修淨
土須善發心·若為自己 厭五濁^ト註 忻九品^ト註 則違菩提心 是聲聞行不應發
也·若為眾生起大悲心 求往彼國希速成就 道力神通徧歷十方 救度一
切令共成佛 則順菩提心 是菩薩行 應當發也·」今勸淨業高流 凡欲
利己利他 須是發心立志·（◎朴——樸◎忻——同「欣」）
應於三寶前 虔奉香花 志心發願云：南無佛 南無法 南無僧 弟
子某從於今日 發此大心 不為自求人天福報 緣覺聲聞 乃至權乘諸位

菩薩·唯依最上乘法 發菩提心·願與現生父母 及多生父母 法界眾生
一切怨親 同生淨土 皆得不退轉於阿耨多羅三藐三菩提·如是三說
此心時時要發 日日常然·所以善財一生證果 龍女八歲成佛·地獄發心
頓超十地 沙彌發意 已越二乘 可謂：「一氣回元運 恩沾萬物深·」

受持戒法（◎五戒——不殺、不盜、不淫、不妄、不酒）

既發菩提心 應修菩薩行·初受三歸◎次持五戒◎漸修十種善法◎圓
滿三聚律儀◎根熟則全持 根生則分受·年有三善 月有六齋◎如或五戒
難行 且除酒肉二味·十重易犯◎且持不殺一門·輕塵積嶽 墜露添流
一適下崖 終歸大海·故涅槃經云：「佛在世日 以佛為師·佛滅度後
以戒為師·」梵網經云：「戒如明日月 亦如瓔珞珠 微塵菩薩眾 由是
成正覺·」所以龍無犯殺之心 狼有持齋之意 比丘苦節至於繫草 護鵝
居士病緣 終不飲酒食肉·（◎三聚——攝律儀戒、攝眾生戒、攝善法戒）
是知諸善之本 五戒為先·王者履之以治國 君子奉之以立身 不可
造次而離 不可須臾而廢 佛稱五德 儒謂五常·在天為五星 在地為五
嶽 在人為五藏 在處為五方·廣而言之無所不統 仰觀俯察莫能加焉

故法苑珠林云：世俗所尚 仁義禮智信也。貪識所資 殺盜淫妄酒也。道俗雖乖 漸教通也。正法內訓必始于因 此則在乎實法 指事直言不假飾辭 託名現意如斯 而修因不期果而果證 從茲而入道 不羨樂而樂彰。今見持戒不殺 不求仁而仁著 守戒不盜 不忻義而義敷 不姪者不祈禮而禮立 不妄者不慕信而信揚 不飲者不行智而智明 非但律已防非 亦以助國揚化 欲修成於淨行 須嚴護於戒根。可謂：「萬善和融同佛土 熙熙長樂太平時。」（◎四象——生、住、異、滅◎顛顛——溫恭）

慈心不殺（◎六齋——初8、14、15、23、29、30）

卵胎濕化飛走蟲魚 皆未來諸佛之流 或過去多生父母。至於顛顛怖死^註汲汲貧生 避苦而樂其身 此情一等 求安而養其命 斯理萬均。何乃聲哀哀而牽上刀砧^註眼^註眼^註而驅就死地^註或張羅互野 布網連山 火逐嶺以高低 煙隨處而疏密 疾電之鷹爭舉 追風之馬競前 猿睹箭以魂飛 雁看弓而膽落 解頭陷腦之酸難抵 洞胸徹骨之痛奚禁。況斯等共稟五行 俱含四象^註同沾佛性共有神明。何乃陳此肉山 樹茲炮烙 充其口腹 美彼心肝？（◎盼——因恨而怒視◎噉——吃◎三學——戒定慧）

殊不知：斷其命者 是出佛身之血・食其肉者 寧非父母之身？造殺害之深尤 斷慈悲之種性 生前福壽暗裏消磨 死後沈淪刀山劍樹 還作雞豬魚兔 次第填償 至於宰割烹炮 因果相似 諦觀食肉可謂寒心・縱售易於屠門 亦難逃於重罪・菩薩寧當破骨 終不食噉多眾生註是以白兔焚身 而仙人不顧也・草尚不拔 肉豈容嘗？遠彼庖廚 有聞聲不忍之訓 養他出賣 同口殺心食之尤・大聖垂慈 所以制戒永斷殺生 其德大也 修淨土人故堂持守・可謂：「不貪香餌味 始是碧潭龍・」

修十善業（◎三塗——地獄：火塗、餓鬼：刀塗、畜生：血塗）

夫大乘玄要 元不離於一心・淨業正因 必先修於十善・斷身口七重之罪 七行斯成 滅意識三毒之根 三學自備註彌陀經 內求淨土者之所當修・華嚴經中離垢地者 乃能親證・人天至於有頂註以十善為受生之緣・聲聞以至佛乘 由十善為入道之本・弗遵佛制墮三塗之要門註縱得人身 獲二種之惡報 不修乃十不善道・奉持為十戒法門 實乃淨土註鎡基註普勸常修此行 是菩薩之法苑 宜令安住其中 可以至無畏大城 可以登不退轉地 功德詎可思量？佛子所以當學・（◎鎡基——基業、大鋤）

深信因果（◎六度——布施、持戒、忍辱、禪定、精進、般若）

擬步玄途 洗心大道 深信世間因果 究明出世根源 將窮其源必存

其要·要而在用者 其於心法乎？心也者彌綸於萬行註會通於群數·蓋以心無常法 乘善惡而迭用 以罪福為影響 故因果不相違·是知：涉境而

動謂之因 動而生識謂之緣 緣起則有業相 隨有業則果報定矣！是以善

行惡行 世間之因也·三界六道 九有四生 世間之果也·念佛法門 出

世間之因也·九品化生淨土成佛 出世間之果也·（◎三業——身口意）

於上因果 心中明了 故不樂著世世間之法·於出世間法 心行不違

念念不忘於淨土 心心不離於彌陀·何以知其然 如今是因 臨終是果

應知因實 果則不虛·夫善惡二輪 苦樂二報 皆三業所造註四緣所生註

六因所成註五果所攝註若一念心 瞋恚邪淫即地獄業 慳貪不實即餓鬼業

愚癡闇蔽即畜生業 我慢貢高即修羅業 堅持五戒即人業 精修十善即

天業 證悟人空即聲聞業 知緣性離即緣覺業 六度齊修即菩薩業註真慈

平等即佛業·（◎四緣——因緣、等無間緣、所緣緣、增上緣）

若心淨 則香臺寶樹 淨刹化生·心垢 則丘陵坑坎 穢土受形 皆

是等倫之果・能感增上之緣 是以離自心源 更無別體・維摩經云：「欲得淨土 但淨其心。」故知一切歸心 萬法由我 欲成淨果 但行淨因・又當知：闡提邪見^註定應墮千劫泥犁^註誹謗撥無 即此是邪魔眷屬・觀報應之 若是如影如形 信因果之歷然 可驚可懼 所謂：「苦瓠連根苦甜瓜徹蒂甜。」（◎闡提——不信因果者◎泥犁——地獄◎尋——八尺）

讀誦大乘（◎泫——露垂◎靈山——靈鷲山◎猷——道）

既慕西方當求了義^及 暗中有寶 無燈照終不自知・古鏡埋塵 不揩磨豈能光顯！調和三業 體究一心 恭奉真文 研味聖意 深入法源之底 洞探諸佛之機 理路豁通 心花發現・不見道：倚松之葛 上聳千尋^註 附托勝因 方能廣益・譬夫桂生高嶺 雲露方得泫其華^註 蓮出綠波 飛塵不能汚其葉・雖蓮性自潔而桂質本貞 良由所附者高 則微物不能累 所憑者淨 濁類不能沾・夫以卉木無知 尚猶資善而成至善 人倫有識 得不因心而證佛心・（◎五果——增上果、士用果、等流果、異熟果、離繫果）

豈不聞：智者誦法華見靈山之未散^註 圭峰讀圓覺 忽心地以開通 達本情忘・普庵契華嚴之旨 應無所住・六祖悟般若之宗 觀先德而可遵

豈今人而不學？可謂：「渡河須用筏 到岸不須船。」

勸進行者（◎七寶—金、銀、琉璃、水晶、磲磔、碼瑙、赤珠）

夫學佛初門 大悲是菩薩正轍；利他要行 勸進乃淨業勝因。晉社群賢 願祈生於安養 十方海眾 忻出離於娑婆。痛嗟^{しや}生死之難逃 堪嘆無常之期速 可不景行前哲 導彼後昆哉？勸一人二人 以至多人 是佛門之法施。念一佛二佛 以至萬佛 趣樂土之玄猷^註 日課千聲佛名 積月至年 則有三十六萬聲佛 積而不迨 亦幾於佛地乎？日行小善一事 積月至年 則有三百六十善事 積而不迨 亦幾於君子乎？為愚為小人 而不同懺悔 同禽獸者 良由不學 亦無勸進之人也。

經言：「若人以四天下七寶^註供養佛及菩薩 緣覺聲聞 得福甚多 不如勸人念佛一聲 其福勝彼。」此世尊之勸進也。語云：「己欲立而立人 己欲達而達人。」此仲尼之勸進也。勉爾同盟 熏陶淨行 或正月五月 九月為一集 或半年一年 三年為一期 深植善根普皆迴向 常為道侶 更互相資 一人退惰 則協力提攜 一人捨凡則遞相照顧 雖不能弘 教利物 亦可以溫故知新。

豈不見：施人一錢 人稱受惠 益人一語 彼豈無知？財施則濟一世之貧 食施則濟一日之命 法施則令人出世 其功德詎可比倫！財施如燈止明一室 法施如日徧照大千 各法而不勸修 累劫沈於黑獄·推己而行為化導 現生則是阿彌·敢冀運慈遞相勸發 以斯悲願結此淨緣 拔滯溺之沉流 出輪迴之捷徑 齊登樂土圖報佛恩 可謂未度者令度矣！

【卷一 終】（◎六和——身和同住、口和無諍、意和同悅、戒和同修、見和同解、利和同均：第20頁）

【卷二】（◎能仁——釋迦牟尼佛◎方等——大乘經典）
念佛正教說（◎贊——同「讚」）

法界本無眾生 眾生緣乎妄見·如來本無言教 言教為乎有情·妄見者眾生之病 言教者眾生之藥·以藥治病 則病無不治；以言覺妄 則妄無不覺·凡夫日用而不知 如來之道鮮矣！故我能仁大覺◎愍群機之未悟也 於是仰推大慈 俯垂妙範 華嚴頓示聲聞——尚若盲聾 阿含委說菩薩未蒙獲益 方等贊大◎般若蕩空 涅槃殊途同歸 法華普皆受記·

於是群經森列 偏贊西方·蓋以阿彌陀佛 願廣緣強 法尊理備而然

爾·其教也 指佛國為歸趣 華池寶地勝妙莊嚴 令忻彼而厭此也·其理也 示彌陀即自性 念念圓明 心心實相 如大海之混百川也·其行也 開示十六觀門註攝心妙境 了性相空 如明鏡之見面像也·其果也 九品次第化生 普攝利鈍登不退階 至無上之菩提道也·是故九界眾生註以無所得心 而修佛國妙行 不亦宜乎？如來出世之懷 於斯盡矣！偏贊之辭 有其旨焉·

真百千三昧之要門 乃一實境界之直道·論事儀 則懺六根 雪三業·究宗旨 則空萬法 了一心·是謂超苦海之健舟 救急病之良藥 信斯道者開本覺心 出五濁苦 達真淨土 了性彌陀·若明月之當空 似蓮花之出水 故蓮宗之教以是名焉·

楊無為云：「蓮者出乎淤泥 不捨眾生界也·」處空無染 顯露清淨體也·華而有實 非魔境也 華實同時 因果一如也·華開蓮現 示權顯實也·華落蓮成 廢權立實也·一蓮生無量華 建立一切法也·十方同一華藏釋示佛境無異也·蓮教之義得非是歟？所以興慈運悲者 遊戲於常光之界 戒珠義海者 涵泳於解脫之淵 是以天龍護持 王臣致敬 古今不

墜其化 士民仰慕其風 非夫大悲願力 撫哀末習 其孰能臻此哉？

是故龍樹論證之 晉賢社修之 天台判釋之 慈恩通贊之 慈照集而

懺之 宗坦疏而解之 宿衲名儒 奉之者寶珠有集 高賢達士 修之者簡

編有題 於戲 大法下衰 去聖逾遠 事佛者眾 謀道者稀 競聲利為己

能視流通為兒戲 遂令法門凋瘵 教網傾頽 實賴後賢剋荷斯道 普冀

亡軀為法 潔己依師 欲達真乘 須親教典 稟教乃能明理 明理然後修

行 行願無虧 道果可證 〔慈恩——窺基大師或唯識宗〕

故知耳聞目見 當依四法以思修 口誦心違 縱解千章而何益？是乃

心以教照 佛以念持 非以戒防 罪以懺雪 道以實踐 動以禮行 近則

期於立身揚名 遠則希於革凡成聖 發揮佛祖之道 捨我輩而誰歟？堅秉

慧刀 裂開魔網 飲正法之甘露 伐邪見之稠林 避惡友如避虎狼 事良

朋如事父母 謹守志節毋退大心 正覺可遵 〔瘵——衰病〕

非道莫履 有過務速改 有善勿矜誇 自然與禍斯違 與福斯會 現

居塵世 則人敬之 天祐之 他日淨方 則聖可期 道可至 豈在乎相形

問命！諂求榮達之時 又何必望影瞻光 卜度終歸之日 此匪道人之見識

①實乃凡庸之妄情 莫徇他求②但依本分在 當仁而不讓 宜見賢以思齊
名利不足動於懷 死生不足勞其慮·欲功成而志遂 必自邇③而涉遐④
當驗果以推因 信有作而有報·

智足以照惑 明足以燭幽·言斯可法 行斯可樂 德義可尊 進退可
度 辯偽識真 若試金之美石 除昏鑿物 猶照世之真燈 是大導師作不
請友·擲出龍宮之寶 均施群生 撒開祖門之關 普容來者 蠲滌邪病
指歸妙源·俾昏鏡以重磨 若垢衣而再淨·使真風復振 福及大千 睹慧
日增明 輝騰萬古 可謂法主之真子 可謂大丈夫焉·以此而奉西方大聖
人之教者 復何愧歟！（◎匪——不◎邇——近◎遐——遠◎徇——使、營）

佛為父王說念佛（◎無生忍——忍可諸法寂滅不生之理）

寶積經云：「世尊父王 頂禮佛足 一心合掌而白佛言：『云何修行
當得諸佛之道？』佛言：『一切眾生皆是佛·汝今當念西方世界
阿彌陀佛 常勤精進 當得佛道·』王言：『一切眾生 云何是佛？』佛
言：『一切法無生 無動搖 無取捨 無相貌 無自性 可於此佛法中
安住其心 勿信於他·』爾時 父王與七萬釋種 聞說是法 信解歡喜悟

無生忍^註佛現微笑而說偈曰：

釋種決定智 是故於佛法 決信心安住 人中命終已

得生安樂國 面奉阿彌陀 無畏成菩提・」

善財五十三參 首見德雲比丘 說念佛門

華嚴經入法界品云：「德雲比丘 告善財言：『善男子 我得自在決

定解力 信眼清淨智光照耀 普觀境界離一切障 具清淨行 往詣十方

供養諸佛 常念一切諸佛如來 總持一切諸佛正法 常見一切諸佛 隨諸

眾生種種心樂 示現種種成正覺門 於大眾中而師子吼・善男子 我惟得

此憶念一切諸佛境界^註智慧光明普見法門 所謂智光普照念佛門 令一切

眾生念佛門 令安住力念佛門 令安住法念佛門 照曜諸方念佛門 入不

可見處念佛門 住於諸劫念佛門 住一切時念佛門 住一切剎念佛門 住

一切世念佛門 住一切境念佛門 住寂滅念佛門 住遠離念佛門 住廣大

念佛門 住微細念佛門 住莊嚴念佛門 住能事念佛門 住自在心念佛門

住自業念佛門 住神變念佛門 住虛空念佛門・』

智首菩薩 說念佛（◎惟一同「唯」）

華嚴經云：一切威儀中 常念佛功德 晝夜無暫斷 如是業應作。

龍樹大士 勸念佛（◎眾生相——於五蘊中，妄計五蘊和合而生）

大智度論云：「佛是無上法王 諸大菩薩為法臣。諸臣所尊重者 唯佛法王 是故菩薩 應當念佛。」又云：「有諸菩薩 自念往昔謗般若 墮惡道經無量劫 雖修餘行 未能得出 後遇善知識教 行念佛三昧 即得併遣罪障 方得解脫。」又偈云：

若人願作佛 心念阿彌陀 即時為現身 故我歸命禮。

念佛功德 有七種勝（◎三乘——聲聞、緣覺、菩薩）

甘露疏云：「一詞少易行勝 唯稱一句南無阿彌陀佛 一切人可念故。二念緣佛境勝 一心緣念佛身相好 淨國為境故。三離難獲安勝 諸佛菩薩加護念佛者 無諸患難安慶吉祥。四稱名滅罪勝 念佛一聲 滅八十億劫生死重罪。五持念獲福勝 稱佛一聲 勝四天下七寶供佛。及阿羅漢。六果感見佛勝 眾生念佛必定見佛。七親迎往生勝 化佛菩薩放光迎接行者 往生佛土。」（◎我相——眾生於五蘊法中，妄計我、我所為實有）

修持法門（◎人相——眾生於五蘊法中，妄計人道異於諸道）

夫無為境界 迴絕名言 有漏色心 要憑修證 真如具含眾德 方便而有多門·上自離相平等 下至十念稱名 總括不離三乘往生^註冥符九品·有念終歸於無念 有生直至於無生 可調一句彌陀 群機普應矣！


離相念佛三昧 無住法門

慈照宗主云：「離相念佛三昧者 上根智人悟此深理 常運虛空平等心無我^註人^註眾生^註壽者相^註」經云：「離一切諸相 即名諸佛·」論曰：「我以計內 人以計外眾生 以續前為能壽者 以續後為義 既無內外 前後執心 則一切諸相 悉皆空寂·」故經云：「知無我人 誰受輪轉 亦無身心 受彼生死 是名離相念佛三昧·」

此則 見一切眾生本性 皆同彌陀 既不執有相 無相二邊 亦無有斷見常見之說 由是念念彌陀出世 處處極樂現前·如此念者 無念之念 念則真如無生之生 生則實相 故知無念即離念 實相乃無相 無相則無住 無住則入佛境界 此乃無上正真大菩提道·若到此地 無修無證 無生死可脫 無涅槃可求 性相俱空 聖凡齊等 無佛道可成 無眾生可度 無己靈可得·一念無為十方坐斷 無一法本有 無一法始成·自他互

收事理無礙 塵塵具足剎剎全彰 法本如然思議莫及·可謂：「十方薄伽梵 一路涅槃門。」（◎壽者相—眾生於五蘊法中，妄計壽命長短不一）

天台念佛三昧 三觀法門



三觀大一總相之圖

掬不成團撥不開 看來看去轉成獄 人人若到獄田地 三觀元來是禍胎

智者大師云：「諸佛教理既明 非觀行無以復性·乃依一心三諦之理

示三止三觀註一一觀心 念念不可得·先空 次假 後中 離二邊而觀

一心 如雲外之月者 此乃別教之行相也註」又云：「破一切惑 莫盛乎

空·建一切法 莫盛乎假·究竟一切性 莫大乎中·故一中一切中 無假

無空無不中 空假亦爾 即圓教之行相也·如西天伊字三點註首羅天之三

目註非縱非橫並列 故三觀圓成 法身不素 即免同窮子也·」

龍樹菩薩偈云：「因緣所生法 我說即是空 亦名為假名 亦名中道

義·」斯與楞嚴圓覺經說奢摩他註三摩鉢提註禪那三觀 名目雖殊 其

致一也·亦曰：「三諦天然之性德也 中諦者統一切法 真諦者泯一切法

俗諦者立一切法·舉一即三 非前後也 含生本具註非造作之所得也·

祕藏不顯 蓋三惑之所覆也註無明翳乎法性註塵沙障乎化導 見思阻乎空

寂·然茲三惑 乃體上之虛妄也·由是立乎三觀 破乎三惑 證乎三智

成乎三德——空觀者破見思惑 證一切智成般若德註假觀者破塵沙惑 證道

種智成解脫德註中觀者破無明惑 證一切種智成法身德·非各別也 非異

時也 天然之理具諸法故。(◎翳—掩蔽◎三觀—空、假、中◎止—定)

然茲三諦性之自爾 窮理盡性 故與禪宗異而非異也。行者念佛之時
意根為因 白毫圓光為緣 所起之念 即所生法 諦觀念佛心起 即是假
名·體之即空洞鑒 此心有如來藏 離邊顯中 若根若塵並是法界 諸佛
衆生一念普應 即邊而中 無佛無念 此乃大乘圓修三觀念佛也。可謂：
「無相無空無不空 即是如來真實相。」(◎含生—眾生◎奢摩他—止)

空觀念佛三昧 無念法門 (◎三摩鉢提—定◎反—通「返」)

空觀念佛三昧者—即祖師序云：「思專想寂 志一不撓 氣虛神朗
無幽不徹·入斯定者 昧然忘知 塵累頓消 滯情融朗·非天下至妙 孰
能與於此哉！智者大師以空觀而蕩一切法 故云：「一空一切空 無假無
中而不空。」入此觀者 是審實真諦也·今欲令行人 反妄歸真故 謂之
從假入空觀。(◎如來藏—眾生煩惱身中，所隱藏的清淨本心)

蓋假者 是入空之詮 先觀一切法是假 乃至四大 五蘊 六根 六
塵 六識 盡十方世界 山河大地皆無一物 了知虛妄而得會真 故名二
諦觀·修此者 先要攝心靜坐 將世間一切虛妄不實境界 盡情掃蕩 俱

不住著止也 唯觀於空·故般若經云：「內空 外空 內外空空 空空亦不可得·」如是頓入如來寶明空海 性覺真空 即如來藏 空性圓明 靈光徧照法界性故·如摩尼珠 隨意出生 如大溟海 深廣含攝 平等性智 名佛知見·可謂：「諸行無常一切空 即是如來大圓覺·」

曰觀念佛三昧 專想法門（◎三惑——見思、塵沙、無明之惑）

觀無量壽佛經云：「佛告韋提希：『汝及眾生應當專心 繫念一處想於西方·凡作想者 一切眾生自非生盲 有目之徒皆見日沒没 當起想念正坐西向 諦觀於日 令心堅住專想不移 日欲沒時狀如懸鼓 既見日已開目閉目皆令明了 是為日想 名曰初觀·行人入此觀者 須於靜處屏絕外緣 正坐攝心 諦觀日輪現在目前 注心一境凝然寂靜 如對明鏡自睹面像 心若馳散制之令還 心息住定 即得三昧·」可謂：「海底金烏天上日註眼中瞳子面前人·」（◎道種智——了知諸法內相之智，指菩薩智）

參禪念佛三昧 究竟法門（◎一切智——了知諸法外相之智）

遠祖師禪經序云：「禪非智 無以窮其寂·智非禪 無以深其照·禪智者 照寂之謂 其相濟也·照不離寂 寂不離照 感則俱遊 應則同

趣·」慈照云：「寂而常照 照而常寂 常寂常照 名常寂光念佛之人。欲參禪見性 但依此法 要於靜室正身端坐 掃除緣累截斷情塵 瞳開眼晴外不著境（此字） 內不住定 回光一照 內外俱寂·然後密密 舉念南無阿彌陀佛三五聲 回光自看云見性 則成佛畢竟那箇？是我本性阿彌陀 卻又照觀看（註）只今舉底 這一念從何處起 覷破這一念 復又覷破 這覷底是誰（註）」（◎一切種智——了知諸法內外相之智，指佛智◎覷——看◎底——的）

參！良久 又舉念南無阿彌陀佛 又如是覷 如是參 急切做工夫 勿令間斷 惺惺不昧 如雞抱卵 不拘四威儀中亦如是（註）舉如是看 如是參 忽於行住坐臥處 聞聲見色時 豁然明悟 親見本性彌陀 內外身心一時透脫 盡乾坤大地是箇西方 萬象森羅無非自己·靜無遺照 動不離寂 然後興慈運悲 接引未悟 悲智圓融入無功用行 得上上品 名實報莊嚴土 得一切種智·可謂：「萬古碧潭空界月 再三撈漉始應知·」

攝心念佛三昧 調息法間（◎金烏——太陽◎四威儀——行住坐臥）

大集經賢護品云：「求無上菩提者 應修念佛禪三昧·偈云：若人專念彌陀佛 號曰無上深妙禪 至心想像見佛時 即是不生不滅法·」坐禪

三昧經云：「菩薩坐禪不念一切 唯念一佛 即得三昧。初機修習 未免昏散二病 須假對治。」（◎伊字三點——喻涅槃之般若、法身、解脫）

人天寶鑑云：「凡修禪定 即入靜室 正身端坐數出入息 從一數至十 從十數至百 百數至千萬 此身兀然此心寂然 與虛空等不煩禁止。如是久之 一息自住 不出不入 時覺此息 從毛孔中 八萬四千雲蒸霧起 無始已來諸病自除 諸障自滅 自然明悟。譬如盲人忽然有眼 爾時見徹不用尋人指路也。」

今此攝心念佛 欲得速成三昧 對治昏散之法 數息最要。凡欲坐時 先想己身在圓光中 默觀鼻端想出入息 每一息默念 南無阿彌陀佛一聲 方便調息 不緩不急 心息相依隨其出入 行住坐臥皆可行之 勿令間斷。常自密密行持 乃至深入禪定 息念兩忘 即此身心與虛空等 久純熟心眼開通 三昧忽爾現前 即是唯心淨土。」

一 想念佛三昧 專念法門（◎首羅天——大自在天）

大般若經云：「曼殊室利白佛言：『菩薩修行何法 疾證無上菩提？』」
佛言：「菩薩能正修行一相莊嚴三昧 疾證菩提 修此行者 應離喧雜不

思眾相 專心繫念於一如來 審取名字 善想容儀 即為普觀三世一切諸佛 即得諸佛一切智慧・」

天台十疑論云：「一切諸佛悉皆平等 但眾生根鈍 濁亂者多 若不專心繫念一佛 則心散漫三昧難成 故專令念阿彌陀佛 即是一相三昧・」
寶王論云：「修持一相念佛三昧者 當於行住坐臥 繫念不忘 縱令昏寐亦繫念而寢 覺即續之 不以餘業間斷 不以貪嗔等間隔 隨犯隨懺悔 不隔念 不異念 不隔日 不隔時 念念常不離佛 念念清淨圓明 即是得一相三昧也・」可謂：「是若了一 萬事畢・」

六時念佛功德 回向法門

遠公祖師 東林結社僧俗同修 大智上賢深入禪觀 得念佛三昧中流之士 六時修禮淨土 回向西方・唐有詩云：

遠公獨刻蓮花漏 猶向山中禮六時・

凡修此法先於淨室 安置佛像 香花燈燭 隨分供養 澡浴塵垢 著
清淨衣 每日於日初時 日中時 日沒時 夜初時 夜半時 夜終時 自
對三寶端身合掌 信禮西方每一時 目睹慈容 稱念南無阿彌陀佛聖號

一千遍 禮佛四十八拜 念西方文發願回向 每日晝三夜三六時行道 精專不倦志意修持 堅固行願淨業圓成 他日必得中品中生矣！

懺罪念佛功德 繫念法門（◎繒——一切絲織品的總稱）

大彌陀經云：「我作佛時 十方無央數世界 諸天人眾 聞我名號燒香散花 燃燈懸繒飯食沙門^註起立塔寺 齋戒清淨益作諸善 一心繫念於我 雖止於一晝夜不絕 亦必生我刹 不得是願 終不作佛。」又云：「我作佛時 十方無央數世界 諸天人眾 以至蝸飛蠕動之類^註前世作惡 聞我名號即懺悔為善 奉持經戒願生我刹 壽終皆不經三惡道 徑遂往生 一切所欲 無不如意 不得是願 終不作佛。」

凡修持者先當嚴淨壇場 燒香然燈廣設供養 請一比丘及諸上善人 同壇尊證白佛陳意 絕慮去憂 勿預家事 勿近內人 齋戒修持繫念·彼佛名號 一晝一夜每佛一千聲 誦彌陀經一卷 如是三次·志心懺悔回向云：

我今自憶有生以來 造諸惡業 願此念佛功德 得入如來大誓海中 承佛慈力 眾罪消滅 冤尤釋除 三業所生一切諸善 莊嚴淨願福智現前

願得臨命終時 自知時至 身無病苦心不顛倒 如入禪定於一念頃 徑生西方極樂國土 見佛接引 於七寶池中 蓮花臺上 蒙佛授記得聞經法 頓開佛慧 廣度眾生 滿菩提願。可謂：「水向石邊流出冷 風從花裏過來香。」（◎三止——體真止、方便隨緣止、息二邊分別止：第36頁）

晨昏念佛功德 信願法門

在家菩薩奉佛持戒 逐日營辦 家緣未能一心修行者 須是早起焚香 參承三寶 隨意念佛 每日黃昏亦如是。禮念以為常課 如或有幹失時 次日當自對佛懺說。此之法門 要且不妨本業 為士者不妨修讀 為農者不妨耕種 為工者不妨作務 為商者不妨買賣。晨參夕禮之外 更能二六時中 偷那工夫持念佛號 百聲千聲志誠為功。期生淨土回向云：弟子某禮念功德願 命終時 徑生淨土蓮花池畔 親見彌陀 寶樹行中 相逢善友 普為父母師長 法界眾生同滿此願。可謂：「積塵成巨嶽 滴水漸成河。」（◎娟飛蠕動——能飛或能爬的昆蟲）

簡徑念佛功德 十念法門（◎鹿——同「粗」）

慈雲式懺主云：「在俗人塵務忙冗 每日清晨服飾已 面西合掌念

南無阿彌陀佛 盡一口氣為一念·如是十念 但隨氣短長 氣極為度 其
念佛聲 不高不低 調停得中 如此十念連續不斷·意在令心不散 專精
為功 顯是藉氣束心也·回向云：

某一心歸命 西方阿彌陀佛 願以淨光攝我 我今稱如來名 經十念
頃求生西方·佛昔本誓若有眾生 欲生我刹十念我名 若不生我國者 我
誓不成佛·今以十念功德 願命終時心不顛倒 於一念頃生極樂國 聞佛
妙法速證菩提 可謂：「信心如不退 決定禮金僊」(◎覲一見)

慈照宗主 圓融四土 選佛圖序 (◎僊一同「仙」)

夫寂光同居 一智無殊·情生彼此 見有親疏 覲面了色之空性如如·
本無二路 自見妙麓之吾不如是 一體毘盧 先須識本 免被茶糊·行有
行相 智有智模 願有願力 進有程途 惺惺寂寂 如淨明珠 照徹心體·
凡聖同途 四土合徹 三身一如 頭頭淨土 處處阿彌·且山僧因見四土
混亂無綸 智轉行融 致使利鈍不分 因果俱失·只言淨土 不知淨土
高低·只說唯心 不知心之深淺·故見諸家相毀 各執一邊 誰知自破宗
風 非魔能壞·今則略開一線 出四圖 削去迷情 頓明心地·然後河沙

圖之相總土四融圓



法界 該收一紙之中 無量法門 出乎方寸之內耳。

自性彌陀佛 唯心淨土機

悟來唯一念 迷後歷三祇

折攝二門設 聖凡一路歸

世情看冷暖 人面逐高低

三 光 具 足

凡聖同居土



如陰序出身

廬山蓮宗寶鑑

凡聖情差智有殊
須憑修證契毘盧
恐人力少行疲倦
權指西方住半途
橫出三界少人知
易修易往勿狐疑
塵垢未除求解脫
一心信願念阿彌
臨終正念分明去
三朝七日預知時
既生淨土常聞法
何愁不得悟心機

四六

退	不	願						
迷	德	三						
體	用	宗						
應	劣	勝						
除	未	見	情					
惱	煩	具						
生	就	成	念	十				
界	三	出	橫					
天	所	見	及	其	人	須	陀	洹
身	之	尺	八					
居	聖	凡						

此土但有信願念佛 不斷煩惱 不捨家緣 不修禪定 臨命終時彌陀
 接引 皆得往生淨土 便獲神通 得不退轉 直至菩提·凡聖同居土者
 乃自他受用 三光具足^註總攝四土 九品化生 據理後三土 皆在其中
 不別出·而祇引下下品者 蓋祖師明其易修易往也·其餘品位高低 各隨
 行願修證而成也·(◎三光|日、月、星)

如 星 之 光

方便有餘土



如邊功出身

廬山蓮宗寶鑑

斷除煩惱絕蹤由
滅智灰心罷便休
寶所不能前進步
如來方便故相留
豎出三界聲聞性
煩惱塵勞急斷除
入定四禪頻觀鍊
永超凡世不還歸。

四八

退	不	行	
德	脫	解	
宗	用	體	
身	應	勝	
智	切	一	
惑	思	見	破
生	等	關	八
界	三	出	豎
等	聞	弟	四
所	子		果
見			聲
身	金	六	丈
居	漢		羅

此土皆是定性小乘根性 怕怖三界 如虎鬼龍蛇 破見思惑註殺貪嗔
癡 斷如來種 如獐獨跳 不顧後群 偏執小見 沈空滯寂 生方便土
如來純說 大乘調伏· (●豎—同「豎」) ●見惑—迷於三界的道理 ●思
惑—迷於現在的事象)

如 月 之 光

實報莊嚴土



如科選出身

廬山蓮宗寶鑑

心法微微猶未遣

應知情盡始除根

貼肉汗衫既未脫

纖塵猶礙大乾坤

非橫非豎理偏宜

三觀澄心進莫疑

一力未能超彼岸

依然還落聖賢機。

五〇

退	不	智				
德	若	般				
體	宗	用				
身	報	滿	圓			
智	種	道				
無明	分破	沙惑	破塵			
生	備	克	心	三		
界	三	出	豎	非	橫	非
好	相	千	四	萬	八	
所見	大士	及諸	補處	一	生	
居	薩	菩				


此土皆是大乘圓修三觀 十住^註十行^註十向^註十地^註等覺法身大士
 如塵若沙 各各分破無明 分身十方 八相成道^註度脫眾生 皆未究竟
 天台賢首教委明· (◎八相成道—降兜率、託胎、降生、出家、降魔、
 成道、說法、涅槃)

如 日 之 光

常寂光淨土

廬山蓮宗寶鑑

如灌頂王子出身



境智如如絕證修
更無閑事滯心頭
情盡見除消息斷
一輪明月掛中秋
衝關透頂不思議
但於當念絕思惟
唯心淨土唯心淨
直下承當第一機
智開惑破無煩惱
返本還源獨自知
無心身滿塵沙界
任運攝將諸子歸

五二

退	不	位	
德	身	法	
用	體	宗	
身	法	淨	清
智	種	切	一
盡	惑	三	破
生	不	念	一
頂	透	關	衝
真	正	上	無
見	所	佛	諸
身	界	法	
居	人	果	

此土是最上乘境界 惑盡情忘 諸法不生 般若不生 不生不生 名
 大涅槃·究竟居涅槃山頂 端居常寂光土 名清淨法身毘盧遮那佛 名到
 彼岸 亦名空劫以前自己也·

東 方 四 土




廬山蓮宗寶鑑

四土非方域
 情生礙不通
 悟迷分大小
 淨穢隔西東
 萬有形雖別
 千機理自同
 春風俱一拂
 何處不花紅
 大見始終無改
 小見九品差殊
 上智祇在一心
 下智東西隔礙

五四

西 方 四 土



莫謂西方遠
西方在目前
雖云越十萬
曾不離三千
念佛纔開口
花池已種蓮
信心如不退
決定禮金僊^{工勇}。
西方是取相
欣厭二門修
若人從此入得
一切處皆淨土。

阿鼻依正 全處極聖之自心。身土毘盧 不逾下凡之一念。智者云：
「豈離伽耶^註別求常寂光土？須知毘盧遮那徧一切處。善觀心者 一切萬
法 唯心本具耳。」（◎伽耶—伽耶城菩提樹下）

觀 心 四 土



廬山蓮宗寶鑑

夫終日寂光而未嘗寂光者 凡夫也。欲證寂光而未極寂光者 菩薩也。具足寂光而住持寂光者 如來也。常寂光淨土 是離相心。若到此地 見一切處 皆常寂光。

欲識天真佛
從來絕證修
不須外尋覓
但向自心求
悟後三身合
迷時四不周
莫生分別見
直下息心休。

五六

恆沙四土

四土十方皆具足
 恆沙剎海亦如之
 聖凡因果周沙界
 盡在凡心一念居

西方四土

四土縱橫如帝網
 一方流出萬般門
 莫道西方無四土
 品品周圓不可分

一心四土

一家四土在人心
 不用他方遠處尋
 但將此圖常照察
 凡聖高低見淺深

目前四土

四土分明在目前
 更無一物礙心田
 迷雲消散長空淨
 一月團圓照碧天

圓融四土

四土圓融不可分
 應知分處不身分
 雖然一所靈光寺
 何妨佛殿及三門

三諦四土

從來四土本無踪
萬象森羅空不空
莫落偏邪妄分別
土土分明空假中

相即四土

體宗及用三相即
舉一即三三是一
鼎分三足一不虧
日月星光幾曾大

迷悟四土

凡聖尊卑體一同
情差隔礙不融通
悟則四皆全體現
迷來一土不知踪

人人四土

四土人人皆悉有
從來迷妄不能知
今朝指出分明示
勸汝承當不可遲

絕待四土

四土橫論及豎論
更無纖芥可留存
若了州城元是郭
三家村裏不曾村

教是佛眼 禪是佛心·心若無眼 心無所依·眼若無心 眼無所見
心眼和合 方辨東西·禪教和融 善知通塞 當知：機有利鈍 法有開遮
若容作一路 收機都成謗法·四門入郭^註都至府前 四土修心 各登彼岸
聽教之士不可偏邪 參禪之流應如是會 權實方便運用在人 唯宜事理
融通 不可執法而成病·

聞思修三慧 戒定慧三學 各要反本還源^註盡欲革凡成聖·今人不了
各執一邊 只說教不通禪 禪不通教 本為去執反屬偏情 平等修心卻生
分別·禪云：「黃花翠竹 總是真如·」教云：「二色一香 無非中道·」
勢至菩薩因念佛故 自得心開·智者大師誦法華經 得見真法·是處各存
妙道 豈在喧爭？今要凡心與身土和融 念佛與禪教一道 入門雖別 到
底是同 休起愛憎莫分彼此·各須究本勿競枝條 不可執實而謗權 執權
而謗實也·（◎郭——外重的城牆◎反——通「返」）

清涼國師云：

塵勞業海 結惑堅執 情盡見除 不勞收拾·

夫法報應之三身 寂光同居四土 各要歸源咸迴一路·一身三身 四

土一土 非後非前 無來無去 情見有差·非佛隱覆 祇許心傳^註不通言
句 周徧圓融無盡無窮 一真無礙重更重重 帝珠莫喻梵網難同·撥轉機
關 八達四通 不在伶俐 唯假惺惺 毘盧得道 許汝便成·永絕生死即
放光明 若不擬議 海晏河清·(◎祇一同一「祇」)
一土分四土 土土各三身 身土無有盡 情見恰如星
如來無礙力 似月在天輪 州州皆見月 處處有光明·

◎十住——初發心住、治地住、修行住、生貴住、方便具足住、正心住、不
退住、童真住、法王子住、灌頂住◎十行——歡喜行、饒益行、無嗔恨
行、無盡行、離痴亂行、善現行、無著行、尊重行、善法行、真實行◎
十回向——救諸眾生離眾生相回向、不壞回向、等一切佛回向、至一切處
回向、無盡功德藏回向、入一切平等善根回向、等隨順一切眾生回向、
真如相回向、無縛無著解脫回向、入法界無盡回向◎十地——歡喜地、離
垢地、發光地、燄慧地、難勝地、現前地、遠行地、不動地、善慧地、
法雲地(第51頁)·

後頌（◎賢首—華嚴宗◎慈恩教—唯識宗）

大道通天下 明明幾百州 州州各道路 路路合春秋
迷後三身別 悟來一也休 這般無彼此 莫把結怨讎。

念佛提綱（◎南山—律宗）

本自無蹤無跡 方便與君拈出 有人問我何為 南無阿彌陀佛。

念佛心開

因修三昧念彌陀 忽睹彌陀心上過 始覺行行皆寶所 方知土土悉交羅。

禪教相成

天台賢首慈恩教◎達摩南山意不殊◎法門頭數無窮盡 不離毫端絕妙粗。

三身體同（◎定盤星—執著於有心或無心，而不得自在）

三德祕藏及三身 舒卷臨機分不分 處處融通無罣礙 勿教一向作三人。

三寶不異

佛法僧寶最為真 豈異而今一點靈 舉一即三三是一 莫教錯認定盤星◎

身土不二

毘盧即是寂光土 寂光即是大毘盧 身土本來無二相 皇城元是大京都。

心佛無殊（◎蟾光——月光◎明教大師——或指宋契嵩師）

此心即是彌陀佛 彌陀即是自心源 皆道蟾光有虧滅註誰信從來日日圓·

絕跡無相

一念圓明法界周 免向三祇著劫修 若也此中明了得 一點微塵也不留·

情盡宛然

昆盧海藏全無跡 寂光妙土亦無蹤 劫火洞然毫末盡 青山依舊白雲中·

頭頭見道

寂光金寶及泥沙 到處無心便是家 了得箇中玄妙意 優曇元是白蓮花·

處處逢源

心心念念彌陀佛 頭頭處處古昆盧 微塵剎海如星布 撮在山僧一畫圖·

【卷二 終】

【卷三】（◎三際——過去、現在、未來）

念佛正宗說（◎能仁——釋迦牟尼佛◎槩——同「概」）

明教大師曰註「能仁之垂教也註必以禪為宗 而佛為祖· 祖者乃其教

之大範 宗者乃其教之大統·大統不明 則天下不得一其所詣·大範不正 則天下不得質其所證·夫古今之學佛輩 競以其所學相勝者 蓋由宗不明 祖不正而為患·然非其祖宗素不明 不正也 後世學者 不能盡考經論而校正之 乃有束教者 不知佛之微旨 妙在乎言外·諸禪者 不諒佛之所詮 槩見乎教內 紛然自相是非 古今何嘗稍息？予嘗探大藏或經或傳 校驗其所謂禪宗者 佛祖之心也·佛說一大藏教 未嘗不以心為宗也·嗟乎眾生之根器異也 又安得以一法而明之？我佛平等設化 於是對其病而投其藥耳·且夫淨土一宗 念佛之法 有實有權 有頓有漸 皆以顯如來所證之實理 廓眾生自性之本源·以念佛三昧 攝一切人 明心見性 入於佛慧·」或問之曰：「念佛其可明心見性 入佛慧乎？」予謂之曰：「心為萬法之宗·操之在我 則何道不成！」大勢至菩薩以念佛 證無生忍 究其因地 純於念佛上用功 念念無間打成一片 所以道：都攝六根 淨念相繼得三摩地 斯為第一·蓋佛者 心也·念佛念心 心心不二 心既不二 佛佛皆然·一念貫通無前後際 三際俱斷是真道場 塵塵顯示剎剎全彰 是謂入於如來正徧知海 具足如來一切種智·

念佛之旨大略如斯·（◎止—定◎觀—慧◎縮—繫、絡）

遠公祖師得是三昧 而以此三昧 示一百二十三人 同修同證 思專想寂 以至究竟·吾祖於是深存遠圖 大援群生 且以晉地新經未來 禪法甘露 國所未聞 實相宗本 人有異說·乃命弟子踰越蔥嶺 遠迎禪師 究尋經本·（◎五性—聲聞定性、緣覺定性、如來乘性、不定性、無性）

故明教大師定祖圖云：秦僧智嚴於罽賓國 懇請跋陀羅偕來諸夏 傳

授禪法·初至長安 後至廬山遂出禪經 與遠公同譯 譯成 遠公為之序·

跋陀羅嘗謂遠公曰：「西土傳法祖師 自大迦葉直下相承 凡有二十七人 其二十六祖近世滅度 名不如蜜多者 所以繼世弟子曰般若多羅 方在南天竺國行化 以此慧燈次第相傳 達摩多羅後為二十八祖 我今如其所聞而說是義·」（◎五逆—殺父、殺母、殺阿羅漢、出佛身血、破和合僧）

遠公聞跋陀羅言 故序云達摩多羅 西域之雋 禪訓之宗·寶林傳所謂跋陀羅嘗與遠公言：「其傳法諸祖世數 固驗於禪經矣·」故張野序遠公塔銘云：「心禪諸經 出自廬山 師每謂禪法精微 非才莫授·功高易進者 唯念佛一門 導之以止觀^註專之以淨業 此假修以凝神 積習以移

性 入於如來無盡法門 實由斯矣！」（◎韋提——韋提希夫人）

故此淨土之教至于天台智者大師 乃示三觀證乎一心 總縮三乘之要行◎普收五性之機◎宜直付觀行之真財 悟入如來之知見 故知念佛之要者 由觀經為標指也。斯經——以佛國淨境為宗 以觀智妙行為趣 以實相彌陀為體 以滅惡生善為用。是知無量功德共莊嚴之 種種勝行而歸趣之 言說問答而詮辨之 譬眾星之拱北辰 如萬流之朝東海也。

是故韋提不經地位◎頓證無生 五逆十念稱名便登極樂◎即圓頓教之所攝也。此之念佛三昧法門 權實頓漸 折攝悟迷 圓攝一切 會歸真宗 猶車之有輪 如鳥之有翼 入道之由可謂至矣 可謂盡矣！是以集夫正受之方 示彼修行宗要 開明心目直指根源 庶使念佛進修之士 明其宗而不昧其祖也。若夫一句當機 淨土唯心顯矣！

定明宗體（◎三乘——聲聞、緣覺、菩薩）

慈恩通贊云：「此方先德 總判經論 有其四宗：一立性宗 二破性宗 三破相宗 四顯實宗。涅槃華嚴法華等 是顯於真實中道義 故捨化城而歸寶所等 故彌陀經乃第四宗也。依文判教 教但有三 以類准宗

宗有其八：一我法俱有宗 二有法無我宗 三法無去來宗 四現通假實
 宗 五俗妄真實宗 六諸法但名宗 七勝義皆空宗 八應理圓實宗 故華
 嚴及彌陀經是八宗收。一（◎方廣——大乘◎遮那——毘盧遮那：法身）

李長者華嚴合論 十種淨土 權實宗體

夫滔滔智海 茫茫莫究其涯 森森真源 蕩蕩罕尋其際 遮那法界 體相總括於塵沙 方廣靈門 淨穢互參於無極 但隨現修業用 見境不同 致使聖境乖違 依根不定 或權分淨土於它國 指穢境於娑婆 或此處 為化儀 示上方為實報 文殊居東國金色世界而來 觀音處西方安樂妙土 而至 如是權儀 各別啓蒙的信無依 今以略會諸門 令使創修有托 約申十種以定指南：

- 第一 阿彌陀經淨土——此為一分 取相凡夫 未信法空實理 以專憶念 念想不移 以專誠故 其心分淨 得生淨土 是權未實。
- 第二 無量壽觀經淨土——此為一分 未信法空 實理眾生 樂妙色相者 令使心想 想彼色像 想成就故而生佛土 此權非實。
- 第三 維摩經淨土——佛以足指按地 加其神力暫現還無 是實報土

未具陳廣狹 是實未廣・（◎森—大水、同「渺」）

第四 梵網經淨土——雖說一大華王而有千葉 一一葉上有百億化佛 教化百億四天下眾生 然彼千葉及彼華王 為三乘菩薩見未廣故 分示報境 未成圓滿 是權未實・（◎摩醯首羅天——大自在天）

第五 摩醯首羅天淨土註如來於彼坐蓮花座 成等正覺 以為實報 此閻浮提摩竭提國 菩提場中 成等正覺者是化 此為三乘權教菩薩 染淨未亡者 說此閻浮提及六天等是欲界有漏註彼上界摩醯首羅天是無漏 故 心存染淨 彼此未忘 此為權教 未為實說・

第六 涅槃經所指淨土——如來有實報淨土 在西方 過二十二恆河沙 佛土者 為三乘權教一分染淨未亡者 言此三千大千世界 總是穢土權 推如來報境淨土在西方 此權非實・

第七 法華經三變淨土——此為三乘權教菩薩 染淨未亡者 言移諸天人 置於他土 是權非實・

第八 靈山會所指淨土——此引三乘中權教菩薩 染淨未亡者 令知此土即穢即淨 諸眾信 可未能自見 是實非權・

第九 唯心淨土——自證自心 當體無心 性惟真智 不念淨穢 稱真任性 心無罣礙多 無貪無癡 任大悲智 安樂眾生·是實淨土 以自淨故 令他亦淨·是故維摩經云：「隨其心淨即佛土淨 欲得淨土 當淨其心·」是實淨土·

第十 毘廬遮那所居淨土——即居十佛刹蓮花佛國土 淨穢總含 無穢無淨 無有高下 彼此自他之相 一一佛土 皆充法界 無相障隔·略言十佛塵刹國土 為知無盡佛國 不出一塵 為無大小故 不立限量 故以法為界 不限邊際 相海純雜 色像重重·此實淨土 非是權收·

念佛參禪 求宗旨說（◎二諦——俗諦、真諦）

慈覺蹟禪師云：「念佛不礙參禪 參禪不礙念佛 法雖二門 理同一致·上智之人 凡所運為不著二諦此 下智之人各立一邊 故不和合多起紛爭·故參禪人破念佛 念佛人破參禪 皆因執實謗權 執權謗實 二皆道果未成 地獄先辦·須知根器深淺 各得所宜 譬如營田人 豈能開庫？開庫人 安可營田？若教營田人開庫 如跛足者登山·若教開庫人營田 似壓良人為賤 終無所合也·不若營田者且自營田 開庫者且自開庫 各

隨所好皆得如心。是故念佛參禪 各求宗旨 溪山雖異雲月是同。可謂：
「處處綠楊堪繫馬 家家門首透長安。」

淨土非鈍根權說（◎粲然——鮮明、笑）

天台思梵講主 久居臨平山解行明峻 深造教觀性相淵源 每與士大夫往復 隨有所問答釋粲然（註）一日 有通判鄭公 問曰：「教中所明念阿彌陀佛 願生淨土 此專為鈍根方便權說 上根頓悟一超直入佛地 豈假他佛淨土耶？」

師云：「吾宗先達呵此說云：『佛在世文殊普賢 佛滅後馬鳴龍樹 此土智者大師 智覺禪師皆願往生淨土 應是鈍根乎？若以此為權教 將何為實耶？昔孫莘老亦疑於此 因會楊次公王敏中 辯論遂息此疑 信此淨土非聖人之權設 是圓實之真宗也。』注念彼佛必生淨土 斯乃稱性實言 非權教也！」

真歇了禪師 淨土宗要

彌陀不離眾生心 是三無別 極樂徧在一切處 舉一全收。如帝釋殿 上千珠寶網 千珠光影咸入一珠 一珠光影徧入千珠。雖珠珠互徧 此珠

不可為彼珠 彼珠不可為此珠·參而不雜 離而不分·一一徧彰亦無方所
彌陀淨土即千珠之一·十萬佛國即一佛國 各千珠之一·聖人善巧方便
示人 專念阿彌陀佛乃千珠 直指一珠見一佛 即見十方諸佛 亦見九界
眾生微塵刹海 十際古今一印頓圓 了無餘法矣！（◎珍羞—美味）

寂室大師 示淨土實見（◎游—同「遊」◎藜羹—粗劣的食物）

不修淨業者云：「游心禪定^註悟性真宗·」或聞說淨土必曰：「淨土
唯心 我心既淨 則國土淨 何用別求生處？」寂室曰：「且維摩經中
云：『如來以足指按地 見娑婆國土悉皆嚴淨 而眾會不見·唯螺髻梵王
得知·』今之說悟性者 能如梵王 所見淨土不？況汝居卑室陋屋 必羨
之以大廈高堂 脫粟藜羹者^註必羨之以珍羞上味^註弊袍短褐者^註必羨之以
綾羅輕縠^註若云心淨土淨 則不消如是分別也·況當老病死苦 世間違情
之時 顏色與未悟者同 是則口唱心淨 土淨之言 身被穢土苦惱之縛
其自欺之甚也·不然 應須信教仰理 於淨土從而修之·」

大智律師 示念佛 事理不二（◎短褐—粗布短衣◎縠—縐紗）

師嘗為慈慧文法師 作淨土集序 其略曰：「古今學佛 多惑事理·

謂理則纖塵不立 言事則萬象森羅凝心・住寂則為理 動用操修則為事・遂引古云：『實際理地不受一塵 佛事門中不捨一法・斯迺理事敵立空有並馳・』予嘗變其語曰：『實際理地不少一塵 佛事門中不存一法・何則？由實際理具一切法 豈少一塵乎？由佛事門離一切相 豈存一法乎？如此 方見理事一如 空有不二矣！』

文法師淨行序 念佛宗要（◎圖—廁所）

夫達無心之有心 識有念之無念 有無不住 能所胡存 是則念念圓明 心心虛寂・苟昧斯旨 則法法成疣 的契其宗 則門門通妙・今可無乖實際 而示圓修 俾負重致遠者 獲遂於息肩 流浪迷津者 速登於彼岸 求生西方 無先念佛觀門者也・予輒為修淨業者 薄採經論大綱 述成西方淨行法門 示彼所修 令得其趣 有睹茲文 而復不能起信修行者 煩乎狂熱投圍註 唯露一髮 欲垂拯救 未如之何・

【卷三 終】（◎六天—四天王天、忉利天、夜摩天、兜率天、化樂天、他化自在天：第67頁）

【卷四】

念佛正派說（◎薄伽梵——世尊◎三毒——貪嗔痴）

佛由心造 道在人弘·弘道之要 無先乎念佛 念佛則是正心 正心故能合道·道之宗極曰佛也 佛者 覺也·一切眾生 有此本覺之性 因一念有差 所以不覺·裴相國云：「終日圓覺 而未嘗圓覺者 眾生也·具足圓覺 而住持圓覺者 如來也·」是故薄伽梵成道註摩竭陀說有談空觀根逗教 於諸法之外 別開念佛一門 截眾苦之根源 入聖流之要路·故經云：「從是西方 過十萬億佛土 有世界名曰極樂 其土有佛 號阿彌陀 國中無三毒八難註有七寶眾妙莊嚴」以法為身 群聖為友 苟能誠信發願 歸心彼土者即得往生 出乎三界九有之表 證諸佛無上妙道 其言無所欺也·（◎粵——發語詞◎趨——同「趨」）

粵自大教東流註至佛圖澄而盛 由澄而得道安 安之門有遠公 戒珠義海 龍姿鳳章 於是教門綱紀 從茲大備·師著念佛三昧 詠親勸 于時晉賢慕師之德 爭趨趨正覺之場註同究斯道·名動帝王 道尊一代 彌天推為高弟·羅什結為勝友 識量廣大 獨出於古今矣！至夫抗言為道 為萬世宗師 垂裕於人天者 遠公也·

隋有智者 魏有曇鸞 唐有善導 大振宗風。宋有坦公 疏詮甘露
省常結社 慈覺勸修 壽禪師融萬善以同歸 元宗主撮諸經而成懺註廣施
方便 曲盡慈悲 故我祖師 欲令大地眾生 見本性彌陀 達唯心淨土
普皆覺悟菩提之妙道 乃立「普覺妙道」四字為定名之宗。觀夫四字一鏡
洞照無邊 同一體用 何以知其然？總而言之 喻如人之一身 而有頭
目手足 為其用也 未嘗有一而可分也。自非願廣悲深 而孰能取信於天
下後世哉？（◎撮——牽合）

竊嘗論之曰：等眾生界名曰普 智達斯理名曰覺 德用無邊名曰妙
千聖履踐名曰道。又普者 即自心周徧十方之體也。覺者 即自心智照不
迷之用也。妙者 即自心利物應機之行也。道者 即自心通達中正之理也。
恆沙諸佛所證者此道也 歷代祖師所得者此道也 十方生淨土者已學此道
也 未來修行者當學此道也。

又況諸佛 菩薩示現世間 作大導師 各有悲願不捨眾生 或為王臣
將相 居士宰官 出俗在家 逆行順化 莫不以斯道而覺斯民也。三界群
靈 無量劫來 至於今日 往來六道 如蟻旋磨 無由出離 佛祖憫彼

故設方便以誘導之。俾夫趣吾之所趣。吾之所趣者。非六道。非三乘。乃如來正覺之趣。得吾所趣之道者。亦以此道化乎未趣。趣此所趣。譬如一燈燃百千燈。續焰分輝。騰今耀古。此念佛之宗。正心之法。正夫群生歸夫。正道者矣。彼彼相傳於無盡。故名無盡燈也。普覺妙道之說。豈徒言哉？

蓋謂人人皆可作佛。不以僧俗之間。不以利鈍之分。無彼此無高下等一性而已。得之為悟。失之為迷。同一理而已。迷而為凡。悟而為聖。迷者事隔。理不隔也。失者自失。性不失也。是知修念佛三昧者。則是正其心也。此心正。則性順理也。得性順理。則六塵不能染。萬境不能移動。用於一虛之中。寂寥於萬化之域。不動本處而周遊十方。超乎極樂之地。升乎寂光之堂。居乎涅槃山頂。朝乎無上法王。普覺妙道。正心之義。其至矣乎？（●涅槃——不生不滅。●紀——記。●塹——深坑、遶城的河）

不知此義者。功何所施。智何所發。譬彼無目之人。昧於日月之光。履於重險之處。墮坑落塹。可勝紀乎！噫！去聖時遙人多謬解。雖其正道悉陷邪宗。庸昏之徒。含識而已。致使群邪詭惑。諸黨並熾。是非蜂起。空

有云云·夾截虛空 互相排毀 有著於事相不肯捨者 有順於應緣不自覺者 有守枯木而言定者 有恃聰明而稱慧者 有奔走非道而言能者 有假於鬼神而言通者 有身心放曠而言無礙者 有口耳潛傳而言祕訣者 有執我宗普字覺字者 有言彼宗妙字道字者 是皆私偷此鏡 入彼邪域 致為塵垢蔽蒙 不明宗體 雖得此鏡之名而不得其用也·

殊不知：慈照立此四字 深有意焉 昧者不知 執之失度·況又有言在家為彌陀教 出家為釋迦教者 自尊為祖 執法為宗 存彼此之執心 觸途成滯 局偏邪之劣解 是己非他 使我曹為佛祖後裔 而不能破其執 遣其惑 則何以揭慧日於昏衢哉？痛心佛祖慧命懸危 甚於割身肉也·念報佛祖深恩 寢食不遑安處也·念諸方佛子 錯路修行 不啻倒懸也·雖未能盡古人之萬一 然此心不欺也·（◎徽—美◎猷—道）

予嘗切切於是 謹按高僧傳記 徧求前哲真蹤 究其源 摘其實 理之所當事之所存者 集而出焉 虧者補之 冗者削之 隱者明之 斷者引之·庶千載之下 修淨業者 因言思道 飲水知源 識古聖之遺風 體先宗之標格 紹隆佛種 光闡徽猷^猷註壽慧命於無窮 傳真燈而有永·前不

云：四字一鏡 洞照無邊乎？體斯道者 慎勿忽諸！（◎秕——中空而無物）

遠祖師 事實（◎六經——詩、書、禮、樂、易、春秋）

師諱慧遠 雁門樓煩人 今河東代州 姓賈氏 生於石趙 延熙甲

午歲 為晉成帝·咸和九年 師十二歲 從舅氏令孤遊學許洛註博通六

經註尤通周易莊老之書·二十一歲 欲渡江與范宣子俱隱 值中原兵戈

塞路 聞道安法師居太行山 遂與弟慧持俱投之·聽講般若經豁然大悟

嘆曰：「儒道九流皆糠粃耳註」與弟投簪落髮 常以大法為己任·安嘆

曰：「使道流中國 其在遠乎？」（◎許洛——許昌、洛陽）

孝武帝太元九年 至廬山以杖卓地曰：「有泉當住。」忽泉迸出

乃誅茅為庵講涅槃經 感得山神獻靈 資助材木 雷雨闢地·江州太守驚

其神異 奏立東林寺名 其殿曰神運·太元十一年寺成 師以東南經律未

備 禪法無聞 乃於寺內別置禪室 請一禪師率眾習禪 令弟子逾越沙漠

求禪經 庶江表四輩註咸皆得以修習 願使大乘之化 自北而南·

每謂禪法深微 非才莫授 入道要門 功高易進者 念佛為先·師徒

眾往來三千 真信之士 一百二十三人·乃與劉遺民等十八賢為上首 於

無量壽佛像前 建齋立誓 同修西方淨土 結白蓮社·遺民著發願文 師自製念佛三昧敘·謝靈運恃才傲物 一見師 肅然心服 鑿池種蓮求入社 師以心雜止之·山多蛇 有行者 不知何許人 嘗侍於師 善驅蛇 至今號辟蛇聖者·師所居流泉匝寺 下入虎溪 每送客以溪為界·時陶淵明陸修靜 師嘗送之 語道契合 不覺過溪 相與大笑 後世因傳三笑圖焉·時羅什法師通書稱師 為東方護法菩薩 外國眾僧咸稱漢地 有大乘道士 每燒香禮拜 東向稽首獻心廬嶽 姚主欽承道德 信向連接·晉安帝隆安元年 桓玄勸帝沙汰僧尼^註謂廬山為道德所居 不在搜簡·師以書抵玄 得並免·元興元年 玄又申庾冰之議 欲沙門盡敬王者 復以書辯論其事 遂免·安帝自江陵旋京 輔國何無忌 勸師候迎·稱疾不起 帝遣使勞問 師表以聞 帝優詔答之·(◎江表—長江以南◎沙汰—淘汰)

義熙乙卯十一月初一日 師入定至十七日出定 見阿彌陀佛紫磨黃金身 徧滿空界·龍舒淨土文載遠公三睹聖相 沈厚不言·師三十年 影不出山 跡不入俗·丙辰八月初一日示疾 至六日困篤 大德耆舊請飲豉酒 不許^註又請以蜜水·(◎耆舊—年老而有德◎豉—黃豆製成的食品)

乃命律師檢藏未見 而集諸徒遺戒曰：「吾自知命之年 托業此山 自審有畢盡之期 乃絕跡外緣 以求其志 不覺形與運頽 已八十三矣！時至 欲屠骨于松林之下 即嶺為墳 與土木同狀 此古人之禮 汝等勿違·苟使神理不昧 庶達其誠 大哀世尊 亦當祐之以道·」言訖而逝 門人與潯陽太守及官屬 奉全軀葬于西嶺 壘石而塔焉·安帝諡廬山尊者 鴻臚大卿白蓮社主凝寂之塔 謝靈運立碑以銘其德 張野序之 有匡山集十卷行于世·（◎圖—同「圓」）

遠祖師歷朝諡號

晉安帝義熙年諡廬山尊者鴻臚大卿白蓮社主·

唐大中戊辰年諡辯覺大師

南唐昇元三年諡正覺大師

宋太平興國三年諡圓悟大師註

宋乾道二年諡等徧正覺圓悟大法師

明教大師 題遠祖師影堂記

遠公事蹟 學者雖見而鮮能盡之 使世不昭昭見先賢之德 亦後學之

過也·予讀高僧傳蓮社錄 及九江新舊錄 最愛遠公六事 謂可以勸
乃引而釋之·列之其影堂 以示來者·陸修靜異教學者 而送過虎溪 是
不以人而棄言也·陶淵明耽酒于酒 而與之交者 蓋簡小節而取其達也·
跋陀高僧 以顯異被擯 而延且譽之·蓋重有識而矯嫉賢也·謝靈運以心
雜不取 而果歿於刑·蓋識其器而慎其終也·廬循欲叛而執手求舊 蓋自
信道也·桓玄震威而抗對不屈 蓋有大節也·

大凡古今人情 莫不畏威而苟免 忘義而避疑 好名而昧實 黨勢而
忍孤 飾行而畏累 自是而非人 孰有道尊一代 為賢者師？肯以片言而
從人乎？孰有宿稟勝德 為行耿潔 肯交醉鄉而高其達乎？孰有屈人師之
尊 禮斥逐之客 而伸其賢乎？孰有拒盛名之士 不與於教 而克全終乎？
孰有義不避禍 敦睦故舊而信道乎？孰有臨將帥之威 在殺罰暴虐之際
守道不撓而存其節乎？此故遠公識量廣大 獨出於古今·

若夫荷負至教 廣大聖道 垂裕於天人 非蒙乃能盡之 其聖歟？賢
耶？偉乎？大塊噫氣 六合風清 遠公之名聞也·四海秋色 神山中聳
遠公之清高也·人龍僧鳳 長揖巢許 遠公之風軌也 白雲丹壑 玉樹

瑤草^註遠公之棲處也。蒙後公而生。雖慕且恨也。瞻其遺像。稽首作禮。願以弊文書于屋壁。(◎瑤草—仙境的草◎^異叡—同「睿」)

廬山十八大賢名氏

遠公祖師—諱慧遠 姓賈氏 雁門樓煩人。

永法師—諱慧永 姓繁 河內人。

持法師—諱慧持 遠公弟也 與兄俱事道安法師。

生法師—諱道生 出魏氏 鉅野人 客居彭城 世衣冠。

佛陀耶舍尊者—此云覺明 罽賓國婆羅門種。

佛陀跋陀羅尊者—此云覺賢 甘露飯王之裔。

叡法師—諱慧叡^註冀州人。

順法師—諱曇順 黃龍人。

敬法師—諱道敬 琅琊王氏 隨祖凝之守江州。

恆法師—諱曇恆 河東人 童子出家 不知姓氏。

昉法師^註諱道昉 穎川陳氏。

詵法師^註諱曇詵 廣陵人 不知姓氏。(◎^尸詵—問◎^无昉—開始)

劉遺民——諱程之 字仲思 彭城聚里人 漢楚元王之後。

散騎常侍雷公——諱次宗 字仲倫 南昌人。

太子舍人宗公——諱炳 字少文 南陽人。

治中張公——諱野 字萊民註（◎萊民——張詮是張野的族人）

散騎常侍張公——諱詮 字秀碩 萊民族也。

通隱處士周公——諱續之 字道祖 雁門廣武人。

貫休禪師 題十八賢影堂詩

白藕池邊舊影堂 劉雷風骨盡龍章註共輕天子諸侯貴 唯愛君師一法長

陶令醉多招不得 謝公心亂入無方 何人到此思高躡註風點苔痕過短牆。

辨遠祖 成道事（◎劉雷——劉遺民、雷次宗）

禮記曰：「先祖無美而稱之者 是誣也。有善而不知者 是不明也。

知而不傳者 是不仁也。此三者 君子之所恥也。」噫！在吾學佛之徒

豈不然耶？吾祖遠公 行位昭昭 功德廣大 愚忝去聲與其教註為末流之裔

不肖孤陋 學淺才疏 未能紹襲先宗 實乃有孤慈蔭 嘗讀明教記 不亦

甚慚乎？（◎躡——蹤跡◎忝——自謙詞◎琇——像玉的石◎寢——同「浸」）

又嘗觀石室琇禪師通論云註「去孔子百年而有孟軻 是時孔子之道幾衰焉 軻於是力行其道 而振起之。伏自佛教東流 凡三百年 而有遠公 是時沙門寢盛註然未有特立獨行 憲章懿範。為天下宗師如遠公者 佛道由之始振。蓋嘗謂遠公 有大功於釋氏 猶孔門之孟子焉。與高僧朝士 同修淨社 道動帝王 法流天下。後之所習念佛者 不知吾祖之本末 失其源流 多見世之薄福闡提輩 偽撰廬山成道記 裝飾虛辭 盡是無根之語 誑惑善信 徧傳在人耳目 逮今不能改革。」（◎釧——手臂的環）

予乃參考大藏 弘明集 高僧傳 察其詳要 略舉七事 以破群惑 識者鑒之。遠公禮太行山道安法師出家。妄傳師栴檀尊者 一誑也。妄以道安為遠公孫者 二誑也。遠公三十年 影不出山 足不入俗。妄謂白莊劫擄者 三誑也。晉帝三召遠公稱疾不赴。妄謂賣身 與崔相公為奴者 四誑也。道安臂有肉釧註妄謂遠公者 五誑也。臨終遺命 露骸松下 全身葬西嶺 見在凝寂塔可證。妄謂遠公乘彩船升兜率者 六誑也。道生法師虎丘講經 指石為誓 石乃點頭。妄謂遠公者 七誑也。

悲夫世之姦佞 不知祖師實德 道聽途說 妄裝點許多不遜之事 播

醜於後世 取笑於四方 謗瀆聖德 識者見之 不察其所由 得不輕侮於
吾祖師耶？豈非出佛身血 五逆罪乎？（◎俄——不久◎邇——近）

嘗觀宋元嘉中 僧才觀 惠嚴 謝靈運翻涅槃經 增損其辭；因夢

神人訶之曰：「敢以凡情 輕瀆聖典！」觀等懼而止。又惠琳以才學幸帝
時號黑衣宰相。自著白黑論毀佛教 即感惡疾 膚肉糜爛而死。夫如是
則妄造祖師傳記 三途地獄可不懼乎？凡吾同志 詳審遠公實跡 從本
至末 痛告諸方 光揚祖道 庶先聖之屈 於斯雪矣！

壁谷釋曇鸞大師

師雁門人也 少遊五臺 識其靈異 遂乃出俗 三乘頓漸 具開定慧。

嘗稱疾行至汾州 俄見雲陰陡盡註天門洞開 六欲階位 上下重複 鸞方
瞬目 疾乃隨愈。鸞於是切用心佛道 常如不及 開蒙誘俗 無間遠邇註
初鸞好為術學 聞陶隱居 得長生法 涉遠就之。陶以仙經十卷授鸞 鸞
躍然自得 以為神仙之術 其必然也。後還洛下遇菩提留支 意頗得之。

問支曰：「佛道有長生乎？其能卻老 為不死乎？」支笑而對曰：
「長生不死 吾佛道也。」即以觀無量壽經授之曰：「汝可誦此 則三界

無復生 六道無復往 盈虛消息 吉凶成敗 無得而生 其為壽也·有劫石焉 有河沙焉？沙石之數有極 壽量之數無期 此吾金仙氏長生也·」
鸞承其語 驟起深信 遂焚所學仙經 而專觀經焉·

每於觀經 得其義理 修三福業 想像九品 雖云寒暑之變 疾病之來 不懈于始念·魏主憐其志尚 又嘉其自行化他 道業弘廣 號為神鸞·
敕住并州大嚴寺 未幾 移住汾州玄中寺·一夕 鸞正持誦 一梵僧軒昂而來 入其室曰：「吾龍樹也·所居淨土 以汝有淨土之心 故來見汝·」
鸞曰：「何以教我？」樹曰：「已去不可及 未來未可追 現在今何在？白駒難與回·」言訖而失·

鸞以所見勝異 必知死生之期屆矣！即集弟子數百人 盛陳教誡 言其四生役役 其止無日 地獄之苦 不可以不懼·九品淨業 不可以不修·因令弟子 齊聲高唱阿彌陀佛·鸞乃西向 瞑目頓顙而示滅註是時道俗同聞管絃絲竹之聲 由西而來 良久乃寂·

天台智者大師（◎顙—叩頭◎顙川—源出河南）

師諱智顙 字德安 姓陳氏 顙川人註母徐氏 夢香煙五彩 繞身有

孕 誕生之日 神光煥室 自有重瞳 眉分八彩 孩幼見像即禮 逢僧必拜·十八歲 投湘州果願寺出家 誦法華經 兼通律藏 性樂習禪 遂往大蘇山禮慧思禪師 北面事焉·思師一見乃曰：「昔日靈山同聽法華宿緣所追 今復來矣！」因授與法華三昧·（◎鄴—河南省之都）

三七日誦經至於藥王本事品：「是真精進 是真法供養。」至此句時 身心豁然 寂而入定 照了法華 若曦和臨於萬象 註達諸法相如清風 遊於太虛 將證白師·師曰：「非汝不證 非吾莫識·汝所證者 是法華三昧前方便 得旋陀羅尼·汝於說法人中 最為第一。」後弘法鄴都 註屈伏時匠 晚入天台 降魔進行·化緣既息 於新昌大石像前 示疾告滅·（◎曦—太陽的光色◎唐捐—白費◎奄然—忽然）

弟子請問生方 乃曰：「吾諸師友 皆從觀音而來迎我。」及夜 侍人見有佛至 倍大石像 臨終說諸法門 令唱無量壽經 及觀經題目 乃顧大眾合掌讚曰：「四十八願 莊嚴淨土 華池寶樹 易往無人 火車相現 一念改悔 尚得往生 況戒定熏修 聖行道力 實不唐捐 註言訖稱三寶名 奄然而滅 註後有僧 求知生處 乃夢觀音金容數丈 智者從後

而語僧曰：「汝疑決不？」再驗智者生西方矣！（◎綽——柔美、寬裕）

京師善導和尚（◎方等——大乘經典◎然——同「燃」）

釋善導——唐貞觀中 周遊寰宇 求訪道津 見西河綽禪師◎行方等

懺◎及淨土九品道場講觀經 導大喜曰：「此真入佛之津要 修餘行業

迂僻難成 唯此觀門 速超生死 吾得之矣！」於是篤勤精苦 若救頭然

◎續至京師 擊發四部 弟子無問貴賤 俾屠沽輩 亦激悟焉。導每入佛

室 合掌胡跪 一心念佛 非力竭不休。乃至寒冷亦須流汗 此相狀表於

至誠。出即為人 說淨土法 化諸道俗 令發道心 修淨土行 無有暫時

不為利益。（◎四事——衣服、飲食、臥具、醫藥◎噉——吃◎襯——布施）

三十餘年 無別寢處 不暫睡眠 除洗浴外 未嘗脫衣 般舟行道◎

禮佛方等 專為己任 護戒持品 纖毫不犯。未嘗舉目 視女人 絕意名

利 遠諸戲笑 所行之處 淨身供養 飲食衣服四事饒益◎皆不自享 並

將迴施 好食送大廚 供養徒眾 唯食粗惡以自支身 乳酪醍醐 皆不飲

噉◎諸有襯施◎將寫阿彌陀經十萬餘卷。所畫淨土變相 三百餘壁 所至

見壞伽藍◎及故磚塔寺 皆悉營造 燃燈續明 歲不絕 三衣瓶鉢 不使

人持洗 始終無改 化諸有緣·每自獨行 不共眾去 恐與人行 談論世事 妨修行業·（◎般舟—90日不臥不坐，只行立而修行）

其有暫申禮謁 聞說少法 或得同預道場 親承教訓 或曾不見聞 披尋教義 或展轉授淨土法門者 京華諸州 僧尼士女 至有投身高嶺 或委命深泉 或自墮高枝 焚身供養 略聞遠近百餘人 諸修梵行 棄捨妻子 誦阿彌陀經 十萬至三十萬遍者 念阿彌陀佛 日得一萬五千至十萬遍者 及得念佛三昧 往生淨土者不可知數·

或問導曰：「念佛之善 生淨土耶？」對曰：「如汝所念 遂汝所願·」於是導乃自念阿彌陀佛 如是一聲 則有一道光明 從其口出 十聲至千百聲 光亦如之·導謂人曰：「此身可厭 諸苦逼迫 情偽變易 無暫休息·」乃登所居寺前柳樹 西向願曰：「願佛威神 驟以接我 觀音勢至 亦來助我 令我此心不失正念 不起驚怖 不於彌陀法中 少生退墮·」願畢 於其樹上 端身立化！（◎伽藍—道場）

時京師士大夫 傾誠歸信 咸收其骨以葬·高宗皇帝 知其念佛 口出光明 又知捨報之時 精至如此 賜寺額為光明焉·天竺式讖主略傳

云：「阿彌陀佛化身 自至長安聞涯水聲。」和尚乃曰：「可指念佛 遂立五會教 廣行勸化人。」有至信者 見和尚念佛 佛從口出 三年後滿長安城內 皆受化念佛。事見別傳 後有法照大師即善導後身也。德宗時於并州行五會教 化人念佛 帝於長安常聞東北方 有念佛聲 遣使尋覓 至大康 果見照師勸人念佛。遂迎入內 用劉球繩床 教宮人 五會念佛 事彰本傳矣！

金臺法照大師（○一旦——一天◎隕穫——困迫失志、憂悶不安）

釋法照 唐大曆二年棲于衡州雲峰寺 慈忍戒定 為時所歸。一旦於僧堂食鉢中睹五色雲 雲中有寺 寺之東北有大山 山有澗 澗北有石門 門去可五里 復有一寺 金榜題曰大聖竹林寺。照雖目睹而其心內尚懷隕穫。他日食時 復於鉢中 見五色雲 雲現數寺 無有山林穢惡 純金色界 池臺樓觀 眾寶間錯 萬菩薩眾 而處其中 中有諸佛 嚴淨國土 種種勝相。照欣所見 因訪問之 有嘉延曇暉二僧曰：「聖神變化 不可以凡情測。若論山川面勢 乃五臺爾。」

四年夏 照於衡州湖東寺 啓五會念佛道場。其年六月二日 五色

祥雲彌覆其寺 雲中亦有樓閣 閣上有數梵僧 身可丈餘 執錫行道·又見阿彌陀佛與二菩薩 其身高大 等虛空界·日既暮矣 照於道場之外 遇老人 曰：「汝先發願 於金色界 禮覲大聖 今何輒止？」照曰：「時艱路難 不止如何？」老人曰：「但能亟去則去之。」註何其艱也·」照未暇對老人失焉 照以所見勝異 重發願曰：「願以此身 奉覲大聖 雖復火聚冰河 終無退惰·」其年八月十三日 與同志數人 由南嶽前去 果無艱險·（◎亟—迫切、屢次）

五年四月五日 至五臺縣 遙見寺南 有數道光·六日達佛光寺 一如鉢中所見 略無差脫·是夜四更 復有異光 北來射照 照不知所裁 乃問曰：「此何祥也 吉凶焉在？」僧云：「此大聖不思議光 攝汝身心 何乃問也！」照聞之 即具威儀 前詣一寺 寺之東北可五里 果有山 山有澗 澗北有石門 門傍有二童子 一稱善財 一稱難陀 引照入門北 行·幾五里 見一金門 門上有樓 其樓之側 復有一寺 寺門有大金榜 題曰大聖竹林寺·（◎一切種智—了知諸法內外相之智，指佛智）

寺之方圓 可二十里 一百餘院 院院皆有寶塔 黃金為地 華臺玉

樹充滿其中。照入寺之講堂。見文殊在西。普賢在東。皆踞師子高座。照於二菩薩前。作禮問曰：「末代凡夫。智識淺劣。佛性心地。無由顯現。未審修行。於何法門。最為其要？唯願大聖。斷我疑網。」文殊曰：「汝所請問。今正是時。諸修行門。無如念佛。我於過去劫中。因念佛故。得於一切種智。是故一切諸法。般若波羅蜜多。甚深禪定。乃至諸佛正徧知海。皆從念佛而生。」（◎波羅蜜多——到彼岸◎伽陀——偈◎芙蕖——荷花）

照曰：「當云何念？」文殊曰：「此世界西。有阿彌陀佛。彼佛願力。不可思議。汝當繼念。令無間斷。命終之後。決定往生。」說是語時。二大菩薩。舒金色臂。以摩照頂。與授記曰：「汝以念佛不思議故。畢竟證無上覺。若善男女。願疾出離。應當念佛。」時二菩薩互說伽陀。照得聞已。益加踊躍。文殊又曰：「汝可往詣。諸菩薩院巡禮。以承教授。」照如其言。歷請教授。次至七寶華園。從其園出。於大聖前。作禮辭退。且見向者。善財。難陀二童子。送至門外。照復作禮。舉頭俱失。

至十三日。照與五十餘僧。往金剛窟。無著見大聖處。忽見其地。廣博嚴淨。琉璃眾寶。以成宮殿。文殊普賢。可萬菩薩。佛陀波利亦在其中。

照得見已 隨眾歸寺。其夜三更於華嚴院之西樓 又見寺東巖壑之畔 有五枝燈 大方尺餘 照曰：「願分百燈 以歸一面。」燈分如願 重願 分為千炬 炬亦如之 行行相當 光光相涉 光中殊異徧於山野。

照又前詣金剛窟 願見大聖 殆其三更 見一梵僧 自稱佛陀波利 引之入寺。至十二月朔日 於華嚴院入念佛道場中 載念文殊 普賢二菩薩 謂我畢竟證無上覺 又復記我念阿彌陀佛決定往生。於是一心念佛 正念佛時 倏見前來梵僧 入道場 云：「汝之淨土 華臺現矣 後三年 華開 汝當往矣。然汝所見竹林諸寺 何為不使群生共知？」照聞之 憶念昔時所見 因得命匠刻石 兼於所見竹林寺處 特建一寺 號竹林焉。寺之云畢 照曰：「吾事畢矣 吾豈久滯於此？」不累日而卒焉。

睦州少康法師 (○毘尼—戒律○朔—初一○縉—紅色的絲織物)

師縉雲仙都人 註母羅氏 游鼎湖峰 得玉女捧青蓮花授之 且曰：「此華吉祥 授之於汝 當生貴子。」及生康日 青光滿室香似芙蕖 年十有五 誦法華 楞嚴等經五部 尋往越學究毘尼 註及聽華嚴 瑜珈諸論。貞元初至洛下白馬寺 見殿內文字 累放光明 康不能測即探而取

之 乃善導昔為西方化導文也。康曰：「若於淨土有緣 當使此文 光明再發。」此願未已 果重閃爍 康曰：「劫石可移 而我之願無易也。」

遂之長安善導影堂 大陳薦獻 倏見善導現於空中 謂康曰：「汝

依吾教 利樂有情 則汝之功 當生安養^註」康聞如有所證 南適江陵

果願寺 路逢一僧曰：「汝欲化人念佛 當往新定。」言訖而隱。泊到

睦州 人未從化 康乃乞錢 誘引小兒曰：「能念阿彌陀佛一聲 與汝一

錢。」小兒務得其錢 念佛者眾 師曰：「念佛十聲 乃與一錢。」如是

一年 大小貴賤 凡見康者 則曰：「阿彌陀佛。」於是念佛之人 盈溢

道路。（◎縉雲——在浙江省◎安養——極樂世界）

貞元十年 康於烏龍山建淨土道場 築壇三級 聚人午夜行道 入道

場時 康自陞座 令男女弟子 面西高聲念阿彌陀佛。眾見師念佛一聲

佛從口出 連念十聲 若聯珠狀。康曰：「汝等見佛不？如見佛者決生淨

土。」其禮佛人 亦有不見佛者。貞元二十一年十月三日囑累道俗：「當

於安養起增進心 於閻浮提生厭離想 此時見佛 真我弟子。」言訖 放

異光數道 奄然而逝。塔於臺子巖 天台德韶禪師 重新之 後之人

多指其塔 為善導焉。(●)毘盧遮那佛——法身佛：大日如來)

省常大師 (●)陰——北面 (●)剎——用力旋轉著挖)

師諱省常 字造微 顏氏子錢塘人。十七歲出家受具 戒行謹嚴 通

大乘起信 習天台止觀法門 續廬山遠公遺風。宋淳化中住杭州西湖昭

慶寺 專修淨業結淨行社。相國向公 王文正公 且為社首 士大夫預會

皆投詩頌 自稱淨行弟子。師乃自刺指血和墨 書華嚴經淨行品 每

書一字 三拜三圍遶 三稱佛名 刊板印成千卷 分施千人。

又以栴檀香 雕造毘盧遮那佛像成 而跪地合掌 發誓願云：「我

與一千大眾 八十比丘 始從今日發菩提心 窮未來際 行菩薩行 願盡

此報身 以生安養國。」翰林承旨 宋白撰碑 翰林學士蘇易簡作淨行品

序 狀元孫何題社客於碑陰 (註)孤山圓法師作師行業記中 引蘇公序曰：

「予當布髮 以承其足 剎身ス以請其法 (註)猶無嗔恨 沉陋文淺學 而有吝

惜哉？」

宋公碑曰：「師慕遠公啓廬山之淨社 易蓮花 為淨行之名 遠公當

衰季之時 所結者 半隱淪之士 上人屬昇平之世 所交者 多有德之賢

方前則名士且多 垂裕則津梁曷已註因二公之言 想當時之盛 亦可概見矣！」天禧四年正月十二日示寂 壽六十二。

長蘆慈覺禪師（●津梁—橋、接引●鞠養—養育）

師諱宗蹟 號慈覺 襄陽人也。父早亡 母陳氏鞠養於舅氏註少習儒業 志節高邁 學問宏博。二十九歲 禮真州長蘆秀禪師出家 參通玄理 明悟如來正法眼藏。元祐中住長蘆寺 迎母於方丈東室 勸母剪髮 甘旨之外 勉進持念阿彌陀佛。日以勤志 始終七載 母臨終際 果念佛無疾 吉祥而逝 師自謂報親之心盡矣！乃製勸孝文 列一百二十位 撰葦江集 坐禪箴 仍遵廬山之規 建蓮花勝會 普勸僧俗 同修念佛 導以觀想 其次立法預會。

日念阿彌陀佛 自百聲至千聲 千聲至萬聲 回向發願 期生淨土 各於日下 以十字計之 以辦功課。師一夕 夢一人烏巾白衣 風貌清美 可三十許 揖謂師曰：「欲入蓮花會 告書一名。」師乃取會錄問曰：「何姓名？」答曰：「普慧。」書已 白衣又云：「家兄亦告上一名。」師曰：「令兄何名？」答曰：「普賢。」

言訖遂隱 師覺已 謂諸耆宿曰：「華嚴經離世間品 有普賢 普
慧二菩薩 助揚佛法 吾令建會 共期西方 感二大士幽贊。」乃以二大
士 為會首云 於是遠近 皆嚮化焉。

永明壽禪師（◎闡——一種客觀取決的方法）

師名延壽 字冲玄 號抱一子 丹陽人·父王氏 生而早異 父母有
諍 即從高榻 奮身于地 二親息諍·長為儒 十六歲獻吳越王齊天賦
眾推間世之才·欲出家 父母不聽 遂刺心血濡毫斷葷 終期副心·
三十四歲 依龍冊寺永明大師落髮受具 朝供眾 夜習禪·因覽智度論
云：「佛世一老人求出家 舍利弗不許·佛觀此人曩劫採樵 為虎所逼
上樹失聲 念南無佛 有此微善 遇佛得度 獲羅漢果。」

師念世間 業繫眾生 不能解脫 唯念佛可以誘化 乃印彌陀塔四十
萬本 勸人禮念·一日懺堂 遶旋次 忽普賢像前 蓮華在手 因思宿願
進退未決 遂作二紙闡註 一曰一心禪定 一曰萬善生淨土·

中夜冥心自期曰：「於此二途 功行成者 須七度拈起。」並得萬善
生淨土闡 一無間隔·於是每日誦經禮佛 念佛說戒 施食放生 日行利

益事一百八件 未嘗暫息· (◎勅—同「創」◎台教—天台宗)

越王勅淨慈寺命住持註賜智覺禪師號 會三宗師德 製宗鏡錄一百卷

萬善同歸集 神棲安養賦等九十七卷並行于世 師志誠殷重 專以念佛

勸人同生淨土 世稱宗門之標準 淨業之白眉· 臨終預知時至 殊勝甚

多 茶毘舍利鱗砌于身 嘗有僧死入冥 見閻王殿左 供養畫僧一燈註禮

拜勤致 云是永明壽禪師 此人生西方上品 故禮敬之·

天竺慈雲懺主

師諱遵式 字知白 姓葉 台州臨海縣人也 號慈雲懺主 其母乞

靈於古觀音 遂生法師 初住東掖山師義全· 十八祝髮 先於禪林寺習律

繼入國清普賢像前 燃指誓習台教註學高行苦名冠二浙 博習教觀專

志安養· 嘗要期般舟三昧九十日 素苦學嘔血 處道場兩足皮裂 師以死

自誓· (◎茶毘—火化◎燈—同「幘」)

忽一日 恍若夢寐 見白衣觀音 垂手指口中 引出數虫 又指間出

甘露 注其口 身心清涼 自此宿疾頓愈 出懺頂相高寸餘 雙手下垂過

膝 聲如鳴鐘皆與舊異 眾皆歎仰之· 師建下天竺寺數百間 三經賊難

每蒸而火自滅^註乃願力堅固所致。

師當化之日 山中人 見大星殞于靈鷲峰^註度弟子百人 學徒千數
臨終即炷香瞻像 而祝之曰：「十方諸佛 同住實際 願住此實際 受我一炷之香 諸佛證明 往生安養。」或問其所歸者 以淨土寂光對之。至其夕坐終 當天聖年間也。壽六十九 臘五十 著往生淨土決疑行願二門及淨土懺法 金光明 觀音諸本懺儀行於世。天台風教益盛于吳越者^註實資夫天竺慈雲之德也。

觀決疑行願二門 經曰：「十方諦求 更無餘乘 唯一佛乘 斯之謂歟。」懺主悟本性之常寂光 履唯心之佛土淨 自利利他 事理無礙 著述數百篇。每發言皆以淨土 為歸向之宗 大闡諸經教理 普化一切。自懺文傳流于世 往生淨土者 不知其幾千萬人。繼天台之道 贊淨土之化世未有也。（◎蒸——燃燒◎靈鷲峰——靈鷲山◎眇——同「視」）

文潞公傳（◎吳越——浙江、江蘇東南、福建東北）

公姓文 諱彥博 守洛陽 嘗致齋往龍安寺瞻禮聖像 忽見像壞墮地 略不加敬 但瞻眇而出^註傍有僧曰：「何不作禮？」公曰：「像既壞 吾

將何禮？」僧曰：「先德道：『譬如官路土 人掘以為像 智者知路土 凡人謂像生·後時官欲行 還將像填路 像本不生滅 路亦無新故·』」公聞之有省 由是慕道甚力 專念阿彌陀佛期生淨土 晨香夜坐 未嘗少廢·（◎三業—身、口、意◎四儀—行住坐臥）

每發願曰：「願我常精進 勤修一切善 願我了心宗 廣度諸含識 每見一切人 則勸以念佛 誓結十萬人 緣同生淨土·」如居士有頌贊曰：

知公膽氣大如天 願結西方十萬緣 不為一身求活計 大家齊上渡頭船·

潞府宗坦疏主

師俗姓申氏 本貫潞州黎城人也·自幼年於本州延祥院出家 禮僧道恭為師 年十六 落髮授具·少通義學 為時所稱 長而徧訪名師 廣弘知見·自爾講林德譽 垂五十年 以大藏為遊息 以圓頓作門庭·先講圓覺等經 後集圓覺十六觀經等疏 老年多於唐鄧汝穎之間 講淨土觀經 兼勸人念佛 求生安養·是時聽者如雲 皆稟淨業·後於唐州青臺鎮誓求安養 念佛觀想 以為常住 三業四儀未嘗暫忘^註

大宋政和四年四月二十七日 忽於夢中 見彌陀化佛 告曰：「汝說法只有六日在 後當生淨土也。」師覺白眾曰：「吾修求安養 似得因緣相應。適來化佛 告我得生淨土 敢不信乎？」次日雖覺不豫註講唱不輟註於當年五月初四日丑時 自知時至 乃鳴鐘集眾告曰：「因緣聚散 固當有時 淨土勝緣 唯憑時刻 幸望大眾 念佛助往。」

又告曰：「享年七十六 四大分離處 淨土禮彌陀 永超三界苦。」

言訖坐滅 滿空雷鳴 白雲覆地 從西而來 三日方歇。師先有瑪瑙念珠一串 臨終盤於指上 眾人竟不能取。感應事繁 如別處說。

慈照宗主（◎輟—停止◎豫—參與、安逸、預先）

師諱子元 號萬事休 平江崑山茅氏子。母柴氏 夜夢佛一尊入門 次旦遂生 因名佛來。父母早亡 投本州延祥寺志通出家 習誦法華經。十九歲落髮 習止觀禪法。一日正定中 聞鴉聲悟道 乃有頌曰：「二十餘年紙上尋 尋來尋去轉沈吟 忽然聽得慈鴉叫 始信從前錯用心。」

於是利他心切 發廣度願 乃慕廬山遠公蓮社遺風 勸人歸依三寶 受持五戒 一不殺 二不盜 三不婬 四不妄 五不酒。

念阿彌陀佛五聲 以證五戒 普結淨緣欲令世人 淨五根^註得五力^註

出五濁也。乃撮集大藏要言 編成蓮宗晨朝懺儀 代為法界眾生 禮佛懺

悔 祈生安養。後往澱山湖 勅立蓮宗懺堂 同修淨業 述圓融四土三觀

^註選佛圖 開示蓮宗眼目。四十六歲 障臨江州 逆順境中未嘗動念 隨

方勸化 即成頌文 目曰西行集。乾道二年 壽聖高宗詔至德壽殿 演

說淨土法門 特賜勸修淨業 蓮宗導師慈照宗主 就錢塘西湖昭慶寺。

祝聖謝恩 佛事畢 回平江 嘗發誓言：「願大地人 普覺妙道。」

每似四字 為定名之宗 示導教人 專念彌陀同生淨土。從此宗風大振

師集彌陀節要 法華百心 證道歌 風月集行于世。三月二十三日 於鐸

城倪普建宅 告諸徒曰：「吾化緣已畢 時當行矣！」言訖合掌辭眾

奄然示寂 二十七日茶毘 舍利無數 塔于松江力 及市五港吾覺昌宅

敕諡最勝之塔。 (●)四土—常寂光、實報莊嚴、方便有餘、凡聖同居)

宋朝無為子 楊提刑 (●)五根、五力—信、進、念、定、慧)

公諱傑 字次公 無為郡人 道號無為子。雄才俊邁年少登科 官至

尚書主客郎 提點兩浙刑獄事 而又尊崇佛法 明悟禪宗 江西臨濟下

棒喝之輩 猶謂常流 復闡揚彌陀教觀 接誘方來 括其所談 乃謂眾生
根有利鈍 其近而易知 簡而易行者 唯西方淨土也。但能一心觀念
總攝散心 仗彌陀願力 直超安養 更無他趣 決取成功矣！龍樹所謂易
行之道 依他力故也。

公作天台十疑論序 王古直指淨土決疑集序 法寶僧監 彌陀寶閣

記 安樂國三十讚 備陳西方要律 誠為萬世 往生龜鑑矣！公有輔道集

專記佛乘 東坡作序 其略曰：「無為子宿稟靈機 徧參知識 凡所謂

具爍羅眼者註次公目擊而道存焉。」公晚年 作監司郡守 乃畫丈六彌陀

尊像 隨行觀念 至壽終時 感佛來迎 端坐而化 辭世頌曰：「生亦無

可戀 死亦無可捨 太虛空中 之乎者也 將錯就錯 西方極樂。」宣和

中 有荆王夫人神遊淨土 見公坐蓮華上 則往生必矣！然則本朝士大夫

洪贊淨方入正定聚者註唯公洵王敏仲侍郎二人而已。豈非天欲久其道 世

必生其人者歟。（◎爍羅眼—金剛眼◎正定聚—眾生中必定證悟者）

龍舒居士 王虛中（◎愿—同「願」◎差—病好◎棺槨—棺木）

國學進士王日休 字虛中君 自行之智化他之悲 已見張于湖序文

茲不再述。公龍舒人，有淨土文，因以為號。其文盛行天下，修淨業者莫不覽之。乾道中廬陵李彥弼，染時疾垂革，棺槨已備，忽夢一人，神清貌古，以手按摩肢體。弼驚問，答曰：「予龍舒居士也。」弼因以疾告公曰：「汝起食白粥，即差矣。」又曰：「汝還記闕仲雅教汝捷徑不？」弼曰：「每日念佛不輟。」弼覺，因索白粥食之，病果愈。後見公畫像，儼如夢睹。弼敬重公，稱生死骨肉，遂遣子姪遠從其學。

一日忽迴曰：「居士於某夜講書罷，如常禮念，至三鼓，忽厲聲稱阿彌陀佛數聲，唱言佛來接我。」屹然立化。邦人此夜有夢二青衣引公西行者。又三日前，徧別道友，勉修淨業，有不復相見之語。噫！自非了唯心本性之道，達生死變化之數，不臻于是，或疑李之夢，因想以成。弼曰：其指白粥愈病，又安可欺哉！（◎儼——好像◎皇皇——心不定）

時丞相益國公周必大，睹君奇跡，製為之贊曰：「皇皇然而無求，惕惕然而無憂，閔頽風之將墜，攬眾善以同流，導之以仁義之源，誘之以寂滅之樂，世知有作，而莫識其無為，故中道奄然，而示人以真覺。」李君謹愿無以報德，遂刊公像，并事跡以傳遠，自是廬陵家家供事之。

儀真王侍郎（◎惕惕—憂傷、恐懼、喜悅）

王侍郎諱古 字敏仲 東都人也。曾任尚書禮部侍郎 因作發運使

遂居儀真 稟性至仁 寬慈愛物 大弘佛教 開闡化原。曩遇京師 乃尊

宿叢林之淵藪 嘗與之論道。及游江西黃龍翠巖 與晦堂 楊岐輩同為

禪侶 深契宗旨。又悟彌陀淨土法門之勝 博考諸經 深究往生 貫穿經

文 發明佛意 乃作直指淨土決疑集三卷 楊次公提刑作敘 載之本傳。

侍郎纂集大彌陀經四十八願 十六觀經九品往生 馬鳴菩薩大乘起

信論 忠國師對肅宗隨意往生念佛三昧寶王論 及諸經論 備陳往生淨土

要門 該羅具錄。如稱念南無三十六萬億一十一萬九千五百同名同號阿彌

陀佛 亦於藏經中 節出至於諸菩薩論 淨土法門之要 皆悉編集。侍郎

平日修行 觀念之心 未嘗間歇 數珠持念 常不去手 行住坐臥 悉以

西方淨觀 為佛事。

有僧神遊淨土 見侍郎與葛繁大夫 同在淨土而作佛事 乃往生安養

之證驗也。弘通淨土 開示要津 助阿彌陀普化一切。自廬山十八賢之後

繼此道 以助佛揚化者 獨次公 敏仲著名於當時 流傳數百世之下

弘通彌陀大教 廣度攝化之盛 無有窮盡。則晉代朝士之高致 唯二公獨得之。乃能光顯前賢 克繼其遺風也。

已上諸祖 得道宗師 並係大藏高僧傳 往生傳寶珠集中錄出。如慈照宗主 道化盛行于世 王臣僧俗 悉皆崇向念佛 得道者甚眾。及觀諸傳錄中 都不備載 無文可考。今搜訪慈照宗主事蹟 已入集 其餘應有 一切在家 出家念佛得道 名行之士 專俟高賢 用心尋究實錄 廣為發揚 即當補入刊行 庶免埋沒前修之德 抑亦法門之光幸也。

【卷四 終】（◎八難——生地獄、生餓鬼、生畜生道、盲聾啞啞、世智辯聰、佛前佛後、生長壽夭、生邊地：第72頁）

【卷五】

念佛正信說

夫唯心樂國 普徧十方 自性彌陀 圓融一智 妙應於色聲之境 流光於心目之間 就中反妄歸真 直下背塵合覺。昔我法藏發弘誓 啓極樂之玄途 故佛世尊 指西方示韋提之妙域 是乃廣長舌覆而同贊 諸餘經盡而獨留。蓋以利生之喜捨心增 應化之慈悲量大。教分九品 乃別開方

便之門·觀明一心 實徑直還源之路·聖凡際會 如久客歸於家鄉 感應
 道交 似稚子投於慈母·昧斯至理 觸類皆迷 信此圓談 事無不達·況
 復慈光願攝 佛力難思 順水乘船 不勞自力 推門落臼 豈有他哉？
 有願必迎 無機不被^ㄉ 舟石可濟 獄火頓消 菩薩聲聞生彼者 無量
 無數 前賢後聖得道者 可檢可尋 鸚鵡頻伽 尚有法音演唱 蝸^ㄉ飛螻動
 悉蒙教化恩慈 聖境非虛 佛言不妄 何乃愛河浪底沈溺而不憂 火宅
 焰中焚燒而不懼？密織癡網 淺智之刃莫能揮·深種疑根 汎信之力焉能
 拔·遂即甘心伏意 幸禍樂災 卻誹清淨之邦 貪戀煩惱之世 焦蛾爛繭
 自處餘殃 籠鳥鼎魚 翻稱快樂 皆由善力微而業力勝 信根少而罪根
 多·（◎四生—卵生、胎生、溼生、化生◎匪—不◎囹圄—監獄）
 是以三界茫茫 四生擾擾^註 盡貪生而兀兀 孰解知歸 悉逐業以悠悠
 不求出要·過去生死 劫石難窮 未來輪迴 芥城何盡？匪夙生之有幸
 豈得遇於斯因？擊鼓開^ㄉ囹圄^ㄉ之門^註 宜應速出 逢舟濟沈淪之難 詎可遲
 疑·敬順金文 善隨佛學 不聞不解者 可痛可傷焉！矧^ㄉ茲五濁惡世 四
 面火焚 唯佛一人 力能救援 既聞妙法 宜植淨緣 一念信誠 萬德因

種 思齊先哲 希悟真常 普皆如說奉行 盡心頂禮信受。

斷疑生信（◎中國—世界中央、有佛法處）

經云：「得為人難 六根完具難 生中國難^註 值佛道難 興信心難。」蓋嘗論信之難興者 緣有其疑也。不斷其疑 何由生信？故金剛經云：

「正信希有。」法華經云：「以信得入。」王龍舒云：「佛為人醫王 能救一切病 不能救命盡者 佛能度一切人 不能度不信者。」蓋信者一念之真誠也。若人心念要去 身則隨去 心念欲住 身則隨住 是知身隨心念動。（◎六通—天眼、天耳、他心、神足、宿命、漏盡）

有念欲去而身被牽繫者 色身壞時唯一念而已 一念到處 則無處不到。所以一念信心念佛 求生淨土 則必到淨土。況吾佛世尊 諸大菩薩 又有本誓願力 接引往生乎？或問之曰：「今有一生 持戒念佛 臨終不得生淨土者 何也？」答曰：「此蓋信力不深 行願之有虧也。兼不曾發菩提之大心 又不曾斷十惡之邪行 雖曰修行 未嘗言行相應^云 雖曰念佛 未嘗淨念相繼 既無真實之功 焉得淨土之報也？」

淨名經云：「隨其心淨 則佛土淨。」六祖壇經云：「心中若無不善

西方去此不遙。」若懷不善之心 念佛求生難到！不斷十惡之心 何佛而來迎！請大師故見世人 不務淨心 只是口念佛名 於其心外求佛 妄想執著 而不自淨其心 心造諸惡 是謂自喪其佛 又何更別求佛哉？所以道：迷即眾生 悟即佛也。圓通法門云：「憶佛念佛 現前當來 必定見佛 蓋憶念者 是心念也。信心清淨 信行願俱備也。」

楞嚴云：「一根既返源 六根成解脫。」十惡化為十善 六識化六神通。所以正信心中 憶念佛 名淨念相繼 自性彌陀現前 此感彼應。臨命終時 安得不見佛 而生淨土乎？凡修淨業者 當信佛之言 而行佛之行 心口既不相違 因果決然不昧耳。若也聞而不信 信而不行 由畫餅之不充飢也。心既無信 則生疑謗 既興疑謗 則自昧其心 自昧其心 則淨土遠之遠矣！

故香山周居士 述慈照蓮宗懺序云：「導師者 化物有方 誨人存理 以深信為能入 破諸闡提 專念佛為行門 令心不亂 加菩提願心 為根本 度脫眾生 備此三者 乃極樂佛土 上上品之可登 毘盧果海流 而易到也。」

又云：「此事人人本具 箇箇圓成 無信行願三字 因茲淪墜·嗚呼！凡為人者 不在福德 不在尊貴 不在聰明 不在相貌 但具信行願者 乃生淨土之資糧也·」四料棟云：「從是西方 過十萬億佛土 有世界名曰極樂 是約遠也·若一念信心念佛 即到西方 是約近也·故云：亦近而亦遠 在人之信願 信不隔絲毫 疑而生死轉·」又云：「從是西方 過迢迢十萬程 資糧若具足 何愁去不成 是也·」所以道：信為萬善之首 信為百行之宗 華嚴以十信為成佛之始 法華以正信 為入道之門·五根以信根為先 五力以信力為最 是故三世諸佛 諸大菩薩 歷代祖師 修諸功行 具大願力 入佛境界 成就菩提 未有不從這箇「信」字而入也·

鸞法師遇留支觀經 即焚仙經 而修淨業 豈不是這「信」字也·白侍郎行也彌陀 坐也彌陀 不出這「信」字也·蘇學士佩帶彌陀畫像 行坐隨身 言是西方公據者 蓋亦不出這「信」字也·張善和 一生殺牛 臨終自見地獄相現 遇僧教令 念阿彌陀佛 念未十聲 見佛接引 往生淨土 即脫地獄 豈不是信得及 而致然耶！

華嚴經云：「信為道元功德母 信能長養諸善根 信能超出眾魔路
信能得入三摩地 信能解脫生死海 信能成就佛菩提。」嗟乎！今時齋人
信持戒而不信念佛 信奉佛 不信往生淨土 是皆自失其大利也。諒哉！
人天路上 以福為先 生死海中 念佛第一。
今有欲快樂人天 而不修福 欲出離生死 而不念佛 是猶鳥無翼而
欲飛 木無根而欲茂 奚可得哉？凡我同盟 切須深信 諸佛所說 真實
非虛·脫苦良方 無如念佛 專修淨業 期出輪迴 時不待人 慎勿疑悔·
可謂：「此身不向今生度 更向何生度此身！」

勸發信心

夫阿彌陀佛者 諸佛中尊 四生之父 歸信者滅罪河沙 稱念者得
福無量·凡欲念佛 要起信心 若無信心 空無所獲·是故肇法師云：
「是事如是者 信之相也·是事不如是者 不信之相也·夫信為入道之初
宗 智為究竟之玄術·諸經首稱「如是」者 信也·後曰「奉行」者 智
也·」

故彌陀經云：「若有信者 應當發願 生彼國土。」此是釋迦本師勸信

處·又云：「汝等 當信是稱讚 不可思議功德 此是六方諸佛勸信處·」
又云：「若人種善根 疑則花不開 信心清淨者 花開即見佛·」此是往
生論勸信處 又云：「信者 順之詞 信則所言之理順 順則師資之道
成·經無豐約 非信不傳·」此是肇法師勸信處·又云：「念佛法門 不
問道俗 不論男女 不拘貴賤 修此法者 唯要信心·」此是大行和尚勸
信處·

問曰：「既言信者 未知 信何法門？」答曰：「信意者 信憑經中
佛說念佛 定生淨土·信念佛 定滅諸罪·信念佛 定得佛護·信念佛
定得佛證·信念佛 臨終定得佛來迎接·信念佛 不問眾生 同信之人
皆得往生·信念佛 往生定得不退地·信念佛 生淨土 定不墮三惡道·
所以勸信念佛 受此法 持此念 則往生淨土必矣！」

故大行和尚 遣念佛人 心唯信佛 佛則知之 他心通故·口唯稱佛
佛則聞之 天耳通故·身唯禮佛 佛則見之 天眼通故·是以大行和尚
以此念佛法 勸人生信心也·（◎修多羅一經）

又喻云：信心者 猶如深栽果樹 根深故 風吹不動 後著果實 濟

人飢渴・念佛之人 亦復如是 要由深信 得到西方・若無信心 空無所
獲・是故經言：「十住菩薩 一起信心 念佛之後 縱遇惡緣 寧捨身命
不退信故・」維摩云：「深信堅固 猶如金剛 法珍普照 如雨甘露
念佛三昧 從深信生・」君看淨土恆沙佛 盡是當年正信人・

天竺慈雲式懺主 往生正信偈 (●十六觀經—觀無量壽經)

稽首西方安樂刹	彌陀世主大慈尊	我依種種修多羅	成就往生決定信
住大乘者清淨心	十念念彼無量壽	臨終夢佛定往生	大寶積經如是說
五逆地獄眾火現	值善知識發猛心	十念稱佛即往生	十六觀經如是說
若有歡喜愛樂心	下至十念即往生	若不爾者不成佛	四十八願如是說
諸有聞名生至心	一念回向即往生	唯除五逆謗正法	無量壽經如是說
臨終不能觀及念	但作生意知有佛	此人氣絕即往生	大法鼓經如是說
一日一夜懸繒蓋	專念往生心不斷	臥中夢佛即往生	無量壽經如是說
晝夜一日稱佛名	懇懃精進不斷絕	展轉相勸同往生	大悲經中如是說
一日二日至七日	執持名號心不亂	佛現其前即往生	阿彌陀經如是說
若人聞彼阿彌陀	一日二日若過等	繫念現前即往生	般舟經中如是說

一日一夜六時中 五體禮佛念不斷註現見彼佛即往生 鼓音王經如是說
 十日十夜持齋戒 縣繒幡蓋然香燈 繫念不斷得往生 大彌陀經如是說
 若人專念一方佛 或行或坐坐七七 現身見佛即往生 大集經中如是說
 若人自誓常經行 九十日中不坐臥 三昧中見阿彌陀 佛立經中如是說
 若人端坐正西向 九十日中常念佛 能成三昧生佛前 文殊般若如是說
 我於眾經頌少分 如是說者無窮盡 願同聞者生正信 佛語真實不欺誑
 佛既顯言易往生 幸各正信無疑惑· (◎五體—頭、兩手、兩足)

天台智者大師 淨土十疑論 敘 (◎十聖—十地大士)

夫四果之明 不能測如來之奧· 十地之聖註不能窮極果之妙· 矧茲凡
 夫 生無慧目 陷三界有 必固之妄 指淨土謬只文 難轉之疑· 疑之於身
 知五蘊之未滅· 疑之於心 知萬惑之未遣· 疑之於行 知六度之未濟註由
 漂沈未濟之行 期濟於已濟之域 在於其已猶惑之 況他人哉？此物情難
 信 為道俗所共疑也· (◎花緘—盛花的器具)

隋智者大師 心興物冥 智將神會 乘時翼教 異跡由著出 因其所異
 考其所證 不知其三賢之人乎註 十聖之人乎註 其為應正等覺云 妙神化于

難思乎？蓋亦思之不能知也。但大師念定總持 昭哲行業註期生淨土 間註無容髮 發大師之所有 存者其十疑之文乎？（◎昭哲—明白）

然其文 遠取諸經 近取諸論 去就其意 以取諸傳 無離經以備事 無飾辭以增巧 審辭達意 能極九品之所生 乃見大師之用心也。見大師之心者 其於淨土之有疑 所謂高天無雲 群星列彩 經紀之所相殊 躔次之所相異註粲粲然註無一而隱者也。

予得其文 載念能仁 所稱淨土者累焉？諸佛證而成之者 或舌相以覆大千 或潮音而演梵說 余雖陋學 不得以相輝映 烏可無言哉？故於論首 略陳一二 以罄予所懷 雖辭膚理淺 不足起大師之化 在其先佛證成之義 且有歸矣！（◎躔—位次◎遽—忽然）

無為楊提刑 直指淨土決疑序（◎三賢—十住、十行、十回向）

大願聖人 從淨土來 來實無來。深信凡夫 往淨土去 去實無去。彼不來此 此不往彼 而其聖凡會遇 兩得交際者何也？彌陀光明 如大圓月 徧照十方。水澄而清 則月現全體 月非趣水而遽來註水動而濁 則月無定光 月非捨水而遽去。在水 則有清濁動靜。在月 則無取捨去

來·（◎六度—布施、持戒、忍辱、禪定、精進、般若）

故華嚴解脫長者云：「知一切佛 猶如影像 自心如水 彼諸如來

不來至此 我亦不往彼·」我若欲見安樂世界 阿彌陀佛 隨意即見

是知眾生注念 定見阿彌陀佛 此乃稱性實言 非權教也·

淨土無欲 非欲界也·其國地居 非色界也·生有形相 非無色界也·

一切眾生 未寤正覺註處大夢中 六道升沈 未嘗休止·諸天雖樂 報盡

相衰·修羅方嗔 戰爭互勝·旁生飛走註噉食相殘·鬼神幽陰 飢渴困逼·

地獄長夜 痛楚號呼·得生人趣 固已為幸 然而生老病死 眾苦縈纏

唯是淨邦 更無諸苦·（◎寤—通「悟」◎迺—乃◎旁生—畜生）

蓮苞託質 無生苦也·寒暑不遷 無老苦也·身無分段註無病苦也·

壽命無量 無死苦也·無父母妻子 無愛別離苦也·上善人聚 無怨憎會

苦也·花裊香食註珍寶受用 無求不得苦也·觀照空寂 無蘊苦也·悲濟

有情 欲生則生 不住寂滅 非二乘也註智照生死 得不退轉非凡夫也·

三界蕩然 譬如四裔 丘陵坑坎 腐穢所積 溪壑阻絕 孰為津梁·

迺有狂人註迷路于此 惡獸魑魅 惱害雜居 刀兵水火 或時傷暴

風霜霹靂 凌厲摧懾 罔知城域可以庇覆 飲食衣服 未或充足 甘受是苦 不求安樂 有佛釋迦 是大導師 指清淨土 是安樂國 無量壽佛是淨土師 爾諸眾生 若生彼土 則無諸惱 不聞知者 固可哀憐·亦有善士 發三種心 不求生者 尤可嗟惜·一曰 吾當超佛越祖 淨土不足生也·二曰 處處皆淨土 西方不必生也·三曰 極樂聖域 我輩凡夫 不能生也·（◎分段——眾生因業力而使自己的生死，分段而受生）

夫行海無量 普賢願見彌陀 佛國雖空 維摩常修淨土 十方如來 有廣舌之讚 十方菩薩 有同往之心 試自忖量 孰與諸聖 謂不足生者 何其自欺哉？至如龍猛祖師也 楞伽經有預記之文·天親 教宗也 無量論 有求生之偈·慈恩通讚 首稱十勝 智者析理 明辨十疑·彼皆上哲 精進往生 謂不必生者 何其自慢哉？（◎二乘——聲聞、緣覺）

火車可滅 舟石不沈 現華報者 莫甚於張馗 十念而超勝處 入地獄者 莫速於雄俊·再甦而證妙因 世人愆尤 未必若此 謂不能生者 何其自棄哉？（◎龍猛——龍樹菩薩 華報——果報之前所兼得者）

般舟三昧經云：「跋陀和菩薩問佛：『未來眾生 云何得見十方諸佛？』」

佛教令念阿彌陀佛 即見十方諸佛·」寶積經云：「他方眾生 聞無量壽如來名 迺至能發一念淨信 歡喜愛樂 所有善根 回向願生彼國者 隨願皆生 得不退轉·」此皆佛言也·不信佛言 何言可信？不生淨土 何土可生？自欺自慢 自棄己靈 流入輪迴 是誰之咎！

四十八願 悉為度生·一十六觀 同歸繫念·一念既信 已投種於寶池 眾善相資 定化生於金地·毋輒悔隋 誤認疑城 即時蓮開 得解脫道 唯心淨土 自性彌陀 大光明中 決無魔事·決疑集者 王敏仲侍郎之編也 開釋疑情 徑超信地 其載要旨 最為詳審 蓋安養國之鄉導也·若登彼岸 舟固可忘 來者問津 斯言毋忽！

【卷五 終】（◎十勝——十波羅蜜：布施、持戒、忍辱、禪定、精進、般若、方便、願、力、智）

【卷六】

念佛正行說（◎愾——通九方的大路）

夫常光界 本無色象 有應則形·菩提道 既闢要途 非行不至·維摩經云：「五百長者子寶積 白佛言：『我已發阿耨多羅三藐三菩提心』」註

願聞得佛 國土清淨 願說菩薩淨土之行。』佛言：『寶積 眾生是菩薩淨土。』肇法師云：「至人空洞無象 應物故形。」形無常體 況國土之有常乎？蓋群生萬端 行業不同 殊化異彼 致令報應不一；是以淨者應之以寶玉 穢者應之以砂礫 美惡自彼 於我無定 無定之土 乃曰真土。（◎阿耨多羅三藐三菩提——無上正等正覺）

然則土之淨穢 繫乎眾生 故曰眾生之類 是菩薩淨土也。夫如來淨土者 以無方為體 故雜行眾生 同視異見；異見故 淨穢所以生焉 無方故 真土所以形焉。若夫取其淨穢者 眾生之報也 本其無方者 佛土之真也。豈曰殊域異處 凡聖二土 然後辨其淨穢哉？

道生法師曰：淨土行者 行致淨土 非造之也。若欲造於土者 眾生類矣。容以濫造 不得不先明 造本以表致義 然後說行。羅什法師曰：「寶積 問淨土之相。世尊答言 眾生是菩薩淨土者。蓋說果上之因也。」

清涼國師云：「諸佛心內眾生 新新作佛。眾生心中淨土 念念證真。」經云：「菩薩隨所化眾生 取於淨國土 為饒益諸眾生故。譬如有人 欲

於空地 造立宮室 隨意無礙 若於虛空 終不能成 菩薩如是 為成就
 眾生故 願取佛國 非於空也。」「當知：直心 深心 大乘法 是菩薩淨
 土。（◎四無量心——慈、悲、喜、捨◎四攝——布施、愛語、利行、同事）

肇法師曰：「土之淨者 必由眾生。眾生之淨 必因眾行。行淨 則
 眾生淨。眾生淨 則佛土淨。此必然之理 不可差也。」「土無洿曲^x乃出
 於直心 故曰直心 是菩薩淨土。直心謂質直無諂^い 此心 乃萬行之本。
 生法師曰：樹心種德 深固難拔 深心也。乘八萬行 兼載天下 不
 遺一人 大乘心也。此之三心 始學之行也。欲弘大道 要先直心。心既
 真直 然後入行能深。入行既深 則廣運無涯 此三心 為之次序也。備
 此三心 次修六度 以至萬行。

什法師曰：「直心者 誠實心也。發心之始 在於誠實。道識彌明

名為深心。正趣佛慧 名大乘心。」（◎洿——同「汚」）

經云：「布施 持戒 忍辱 精進 禪定 智慧 是菩薩淨土。四無
 量心^註四攝法^註是菩薩淨土。方便 是菩薩淨土。三十七品^註是菩薩淨
 土。迴向 是菩薩淨土。十善 是菩薩淨土。如是 寶積 菩薩隨其直心

則能發行·隨其發行 則得深心·隨其深心 則意調伏·隨意調伏 則如說行·隨如說行 則能回向·隨其回向 則有方便·隨其方便 則成就衆生·隨成就衆生 則佛土淨·隨佛土淨 則說法淨·隨說法淨 則智慧淨·隨智慧淨 則其心淨·隨其心淨 則一切功德淨。」

什法師曰：直心以誠心 而信佛法也·信心既立 則能發行眾善·眾善既積 其心轉深·深心堅固 則不隨眾惡·棄惡從善 名調伏心·心既調伏 則遇善斯行·遇善斯行 則難行能行·難行能行 則萬善兼具·萬善兼具故 能回向佛道·向而彌進 方便力也·

方便之要 有三：一善於自行 而不取相；二不取證；三善化眾生·具此三者 則得淨土·土既清淨 則眾生純淨·眾生純淨 則與化主同德 故曰皆淨也·

諸經雖廣說 淨國之行 未明行之階漸·今此詮明 至極深廣 不可頓超·宜尋之有途 履之有序 故說發行之跡 始于直心·直心即是真心·此心者 群生誰不有之？蓋自迷 而不知不覺也·故六祖大師云：「一念平直 即是彌陀·一念邪險 即是眾生。」

蓋以人居濁世 現行無明 口說直心 行多諂曲 溺於苦海 而不能出。是故佛慈愍彼 示之以方便 導之以念佛 伏彼亂心 令捨邪險 而歸乎正真 即眾生 而生淨土。

所以寶王論云：「清珠下於濁水 濁水不得不清。佛想投於亂心 亂心不得不佛。」是以因念佛 而顯直心。因直心 而行眾善。行眾善 而得佛淨土。豈非佛 祖之方便智力乎！

肇法師云：「積德者 故淨心。心淨 則無德不淨。」生法師曰：「功行 則淨土之殊勝因也。功德 則淨土之殊妙果也。」淨土因果 蓋是心之影響！故云：「欲得淨土 必淨其心。」所謂：「聲和響順 形直影端者矣！」

修進工夫

淨土唯心之說 既已明矣 人皆知有 必須親到 而後已 欲證此道 當以正信為入門 以修心為正行。正行者 即所施之功 所行之行也。此之功行 名為淨業 即往生西方之資糧也。此之行業 隨人所修 蓋一切人 力量有大小 機智有淺深 所以行業不等。上上根智人 直下自悟

識自本心 見自本性 即是彌陀。此則是如來 無住無依 最上乘境界
萬中無一也。（◎掬——俗作「捏」）

其未能頓悟之人 須是諦信淨土 一心念佛 漸次進修 仗阿彌陀佛
願力攝持 自己一念真實下工 正如抱橋柱澡洗 萬無失一也。雖云念佛
一門 其實意含無盡 是故祖師立教 利鈍俱收 有實有權 有深有淺
有頓有漸 皆可修持。上根者參究坐禪 中根者觀想持念 六時修禮 日
夜精專。下至十念成功 總在一心履踐 各有行相 次第階梯 隨力行持
皆可進趣 此之行門 乃成就佛果菩提之道路也。

須是自信自行 自修自度 要在立大志 發大願 自辦工夫 努力向
前 莫作容易 譬如百二十斤擔子 到臨時及節 自家擔荷得去 方為了
事。決定不在會說會道 廣化人緣上；決定不在有傳有授 扭掬（ㄉㄨㄛˊ）做作上。⊕
決定不在廣設道場 多點香蠟上；蓋由著事相（ㄕㄨㄛˋ） 而迷昧正理 順聲色而違
背真宗 數他寶而自無半錢 貨良藥而自疾不救。

是故遠祖師云：「得其趣者 若暗室之燃燈。失其意者 同滯指之迷
月。」殊不悟：無心乃正 動念皆邪慧 日旋隱乎昏雲 客塵轉翳乎心鏡

①遂乃念慮交馳 情欲紛競 調伏不息 止制猶繁·落無記者 徒滯於兀然 希有得者 便同諸邪命 指置無從 難言正定 無期入於法界 永久處於塵籠· (●翳—掩蔽、眼膜●煖—同「暖」)

凡修淨土之人 灼然是要敵他生死 不是說了便休·當念無常迅速 時不待人 須是把做一件事始得·若也 半進半退 似信似疑 到了濟得 甚麼邊事 如何出離輪迴？

若是信得及 便從今日去 發大勇猛 發大精進 莫問會與不會 見性不見性 但只執持一句南無阿彌陀佛 如靠著一座須彌山相似 搖撼不動 專其心 一其意 或參念觀念 億念十念 或默念專念 繫念禮念念茲在茲 常憶常念 朝也念 暮也念 行也念 坐也念 心念不空過念佛不離心 日日時時 不要放捨 綿綿密密 如雞抱卵 常教煖氣相接 ②即是淨念相繼 更加智照 則知淨土 即是自心 此乃上智人 修進工夫·

如此把得定 做得主 靠得穩 縱遇苦樂 逆順境界現前 只是念阿彌陀佛 無一念變異心 無一念退隋心 無一念雜想心 直至盡生 永無

別念 決定要生西方極樂世界 果能如是用功 則歷劫無明 生死業障
自然消殞 塵勞習漏 自然淨盡無餘 親見彌陀 不離本念 功成行滿
願力相資 臨命終時 定生上品・

其或力量未充 應須隨力修習 未能專一辦功 亦要朝昏禮念・縱使
家緣繁冗 無忘十念稱名 日日用心 猛著精彩 積功積行 發願發心
誓畢此生 同登淨域 可謂：「水須朝海去 雲定入山歸。」

資生助道

在家菩薩 念佛高流 日赴檀信之齋^註 坐享人天之供 皆非常道・不
若治生 有意修行 豈妨作務？或田疇播種 或市井經營 或富有家資
或日求升合；應思：勤則不惰 儉則有餘 以此修身 方為佛子・若也奢
華懶惰 生事蕭條 雖欲修行 不可得也・

信知：治世資生 皆順正法 工巧伎藝 饒益群生・欲修淨業正因
當以資生助道・所以潭州黃老 常打鐵 以修行・居士龐公 賣^出筮籬而
養道^註 喻彌陀畫像為業 戴佛菴^巧發燭資身^註 可謂：「一日不作 一日不食
矣！」（◎檀信——施主◎菴——同「庵」◎筮籬——撈取食物的竹器）

作福助緣（◎蓮宗——淨土宗◎艫——同「櫓」：使船行進的用具）

有淨業弟子 問蓮宗慈照導師云註「弟子專修 念佛三昧 可得用布施 持戒供養 作福不？」師答曰：「汝能專念彌陀 若不持戒 則有毀犯罪；若不布施 則長慳貪業；若不供養三寶 則有我慢業；若不恭敬一切 則有輕人罪。是故毀犯即墮地獄 慳貪即墮餓鬼 我慢則常在惡道。輕人則世世貧賤 似此惡業障蔽 欲生淨土 其可得乎？如此念佛之人 譬如旱田栽穀 欲望收成 不可得也。」

故肇法師云：『有為雖偽 棄之則佛道難成。無為雖真 執之則慧性不朗。』汝今欲修念佛三昧 得生淨土 速成佛果菩提者 須是專以念佛為正行 更以福德為兼修 晨夕常勤 供養三寶 禮拜懺悔 布施持戒 潔白三業 增助淨緣 諸惡莫作 眾善奉行 所修一切善根 悉皆回向淨土 成就念佛功德 速證菩提。可謂：順水行船 更如艫棹矣註」

去惡取善（◎棹——同「櫓」：搖船用的櫓）

淨土十門教誡云：修淨土人 須是去惡取善 方得成就功德。若人雖念彌陀 嫉妒心盛 名聞尖刀 臨終風刀解身 百骸疼痛。或言我能持戒

他不能行 傲慢師僧 輕毀一切 現生折福短壽 勞病吐血而亡也。

若念佛之人 塵垢未淨 惡念起時 須自檢點·或有慳貪心 嗔恨心

癡愛心 嫉妒心 欺誑心 吾我心 貢高心 諂曲心 邪見心 輕慢心

能所心^註及諸逆順境界 隨染所生；一切不善之心 設或起時 急須高

聲念佛 斂念歸正 勿令惡心相續 直下打併淨盡 永不復生。

所有深信心 志誠心 發願回向心 慈悲心 謙下心 平等心 方便

心 忍辱心 持戒心 喜捨心 禪定心 精進心 菩提心 及一切善心

常當守護 更要離非梵行 斷惡律儀·雞狗豬羊 慎毋畜養 畋獵漁捕^註

皆不應為·（◎能——主動、主體◎所——被動、客體◎畋——打獵）

當知：極樂國內 諸上善人 良由捨棄惡緣 循行善業 獲生淨土

不退菩提·念佛之人 當隨佛學 應以去惡取善 為鑑誠焉·但能依此修

持 是為淨土正行 可謂：「無限野雲風掃盡 一輪明月照天心。」

拔濟幽趣（◎三檀——財施、法施、無畏施◎三藏——經、律、論）

釋子沙門 在家菩薩 既修西方淨業 當運廣大慈悲 如法進修 善

隨佛教 明因識果 鑒是別非 集出世間 福智資糧 圓大丈夫等妙功德。

是故釋尊再四教誡：我諸弟子隨所住處當施法食濟諸法界一切有情除彼飢渴極苦化令同趣菩提若不施食無慈悲心非吾弟子是惡徒眾。（◎呪一同「咒」◎脩一同「修」◎鎡基—基業）

經有明文詳觀一切眾生不了自性慳貪嫉妒瞋恨愚癡於人天鬼畜之中地獄脩羅之內註飢渴焦熬愁憂苦惱冥冥長夜求出無期以理推之無非宿生父母如佛所說皆是累劫怨親是以運觀音之慈悲修普賢之行願誓同拔濟悉脫沈淪有力者修齋設供無力者呪食施註施食殊功廣大無量具足妙利言莫能窮。（◎瘞—埋）

略舉數端普告賢者：施心一發妙行全彰具足三檀註圓修六度利他自利自覺覺他善集出世福智永作淨土資糧廣植鎡基註圓成體用乃至埋藏枯骨掩瘞暴屍註普為幽魂代伸懺悔橋梁義井通濟往來飲食錢財隨力惠施每見貧窮凍餒註痛切悲憐至於孤老癯殘倍加慈念常存利濟曲盡真慈凡修一切善根盡願眾生成佛。

以茲勝利回向西方普冀有情同登覺岸是以蕭梁武帝修水陸之儀三藏不空註有濟孤之法可謂：「一雨周沙界群心永夜蘇。」

放諸生命（●餒——飢餓●挂——同「掛」●雲漢——天河）

欲趣菩提 慈心為本·凡修淨業 濟物為先·觀夫飛禽走獸 水族遊

鱗 或挂網羅註或拘籠檻 穿腮反翼 繫足倒懸 將臨湯火之間 欲赴刀

砧之上註憂悲恐懼 變惛註悞註望雲漢以魂消註憶林泉而膽碎 雖知萬死

猶冀一生 顧盼哀鳴 以求救拔·所以弟子悲憐 抽財贖命 開籠釋檻

斷縛解懸 施水焚香 合掌咒願 法施事畢 安詳放之 或縱之陂池註或

齋林野 皆由佛道 展演悲心·（●悞悞——彷徨疑懼●惛——畏懼）

乃至上及人倫 下露螻蟻 但能救死 無不放生 既乃放生 自然長

命·因茲勝利 回向西方 普願眾生 同成佛道·所以長者活魚 沙彌救

蟻 鄭昌圖焚燒罟網註顛禪師建立生池註楊寶之療病雀 敏仲之投之鰕註

元祖師有頌戒殺 滿禪師說戒放生 可謂：「慇懃為戒丁香結 放出枝頭

自在春·」（●鰕——同「蝦」●罟——網的總稱●顛——莊嚴、謹慎）

六度萬行齊修（●三昧——定●陂——蓄水池）

六度者——布施 持戒 忍辱 精進 禪定 智慧 六波羅蜜也·若念

佛人 專修三昧註學出世間 須達乎至善·要知：六度萬行 不出一心

於一心中 一切法俱備 如浴大海 已用諸河水也。如萬種香為丸 若燒一丸 具足眾味。如人取寶 獲如意珠王 一切眾寶 出生無盡也。何以知其然？執持一句阿彌陀佛 故得三昧 一念之中 與理相應 諸法現前 六度萬行皆悉具足。

布施則心無染著 持戒則不起妄緣 忍辱則能所俱忘 精進則心無間斷 禪定則動靜俱寂 智慧則不立絲毫。乃一度之中 出無量度 度度之內 如帝網羅 但知一心本空 自然萬行具足。是故八萬四千法門 八萬四千智慧 八萬四千功德 皆從一念 念佛心中出生也。

華嚴經賢首菩薩言：「佛子於一切時中 善用其心 則獲一切勝妙功德。」可謂：「一性圓通一切性 一法徧含一切法。」

維摩大士 示淨土八法

維摩詰經云：「眾香世界菩薩問曰：『菩薩成就幾法 於此世界 行無瘡疣 生于淨土？』」

維摩詰言：『菩薩成就八法 於此世界 行無瘡疣 生于淨土。何等為八？饒益眾生 而不望報。代一切眾生 受諸苦惱。所作功德 盡以施

之·等心眾生 謙下無闕·於諸菩薩 視之如佛·所未聞經 聞之不疑·
不與聲聞 而相違背·不嫉彼供 不高己利 而於其中 調伏其心 常省
己過 不訟彼短·恆以一心 求諸功德·是為八法 行無瘡疣 生於淨
土·」(◎阿惟——阿惟越致：不退◎六住——正心住)

較明修行難易

娑婆濁境 眾苦集 而求道難成·淨土樂邦 諸善聚 而位登不退·
稱名號者 諸佛護念 而往生·發菩提者 彌陀光照 而增進·菩薩羅漢
與其同儔 水鳥樹林 悉皆念佛·耳畔常聞妙法 心中頓絕貪嗔 快樂
無窮 壽量何極 一生彼土 便獲阿惟^註豈比人天道中 觸目多諸違順·
權乘路上 善根希有周圓·

地前三賢 尚未見道而失念·舍利六住^註猶遇惡緣而退心·所以法華
會上 退席者五千·寶積經中 失道者猶眾·觀佛世尚爾 何今時不然？
華嚴合論——問曰：「如涅槃經云：『聞常住二字 尚七劫不墮地
獄·』華嚴經云：『設聞如來名 及與所說法 不生信解 亦能成種·』
何故第六住心 及地前菩薩 猶言有退？」

答曰：「從凡入道 勝解未成 未得謂得 便生憍慢·不近勝友 不敬賢良 為怠慢故 久處人天 隨違順緣 惡念一起 即成地獄·若一信不慢 常求勝友 即無此失·何以故？權教中 第六住心 地前三賢 總未見道 所修行業 皆是有為·凡有無明 皆是折伏 有力即不退失·至八地中 始入無功用行·」

是知三乘之士 歷僧祇劫 而功行無成 念佛之門 於彈指頃 而位階不退·是以生淨土者 唯善無惡故 位無有退者 決定成佛·故彌陀經云：「極樂國土 眾生生者 皆是阿鞞跋致是也·」

嗟乎！初心信淺 非他力 難以進修 我佛願深 但有緣 悉皆攝受·須信餘門學道 如蟻子上於高山 淨土往生 似風帆行於順水·彌陀接引 直趣菩提 眾聖提攜 高超三界 上品即登佛果 下生猶勝天宮 普信勿疑 同修不退·

天台示淨土 忻厭二行門（◎忻—同「欣」）

十疑論云：「欲生淨土 須具厭忻二行_註一者 厭離行 常觀此身膿血屎尿 惡露臭穢不淨 初觀世人 從情欲貪愛生 是種子不淨·二

觀父母 赤白和合 是受生不淨・三 住母胎藏 即是住處不淨・四 在母胎時 唯食母血 即是食噉食不淨・五 十月滿足 從產門出 即是初生不淨・六 內身膿血 即是舉體不淨・七 死後臃脹爛壞註即是究竟不淨・觀身既爾 觀人亦然・

次 觀娑婆穢境 眾苦共集 生老病死 怨憎會苦 愛別離苦 憂悲煩惱 三塗八難 六趣輪迴 地水火風註無常敗壞 貪瞋癡慢 遇境生心 應當厭離 纔生厭離 淨土必成・

二者 忻樂行 求生淨土 為欲救拔 一切眾生苦故・是故希心起想 樂緣西方淨國 百寶莊嚴 金地瓊林 花池光彩 神通自在 任意他方 永絕死生 更無煩惱 阿彌陀佛 相好光明 法門自悟 衣食自然 諸快樂門 故須忻樂・」

淨業道場（◎地水火風——四大◎臃——腫◎閻——門限、城門）

夫淨業者 無相無為之妙行 不染不滯止之玄宗・道場者 三世諸佛之住持 菩提正覺之閻域又本註豈名相數量之可測 非智識能所之述乎？得其旨也 以誠敬為莊嚴 以行願為軌則・所以維摩詰經中 示道場之眾相・遠

祖師法社 有節度之敘文。是以解斯義者 入於實相 境與智合 事與理 井然註（◎并—合、同◎恁—思念、這樣◎儼然—莊重自持、好像）

五分之法身香註炳千光之智慧燭 絕思絕慮 謂之清淨齋修 曰敬曰 嚴 謂之平等供養·行住坐臥 不離道場 舉動施為 無非佛事·

念念彌陀出世 心心菩薩放光 行行盡是西方 步步皆登寶所·無一 法而非正法 舉一音而皆圓音·發一念則天龍護持 行一令則魔王喪膽·

此則靈山一會 儼然未散註是名真法供養如來·（◎囉呢—聲音誼雜） 論功德則無量無邊 論果報則難思難議·以此祈福則何福不臻 以此 度生則有生皆度 是名真實功德 是名淨業道場·

今嗟末代 有等癡人 不究自心 不知佛理 執著外境為實 一向著 相修行 這邊做幾會道場 那裏點幾斤香燭 某處化多少人懺戒 幾時點 若干箇化緣 我是張導師傳宗 他是李師長徒弟 彼是普字號 伊是覺字 宗 不思根本自何來 名競枝條無是處·（◎蹊蹺—發生的很奇怪）

更又胡言漢語 動輒是此非他 妄解佛經 密傳偽教 打口鼓子 弄 葛藤頭 爭我爭人 論高論下 漏逗不少 出醜甚多 不知羞恥故如斯

豈識慚惶胡恁麼註將淨土一實之道 變雜劇場 把彌陀萬德之名 做山歌
 唱 失卻祖師正眼 鈍置蓮宗教門・達人暗地悲傷 識者觀時驚愕・
 更有敲鏡打鉢註念真言 攙僧門之應副註咒水書符 談禍福 狀師巫
 之所為 差遣諸天 追亡攝崇 喝罵三寶 救病驅邪 百樣蹊蹺註萬般姪
 異註腳波波 與他人作奴僕 忙急急 不顧命趁門徒・讀誦時 十錯九訛
 禮念時 七囉八呌註展開經 打瞌睡 收起經 說家私 聚頭磕腦弄精
 魂 作隊成群乾打鬧註・(●鏡鉢—圓銅片合成的樂器，大為鏡，小為鉢)
 不思因果 不顧罪愆 借佛 祖廣大法門 受人天禮拜供養・美則固
 美 善則未善・若是持佛戒 在佛門 當學如來之道 誦佛經 行佛行
 方盡祖師之心 未能入聖超凡 唯恐無德應供 如抹卓布 不無穢污 於
 自身似磨刀石 未免消磨於本體・(●姪—通「訛」●攙—混合)
 若能覺悟 只好回頭 當初投佛持齋 畢竟為甚麼事？既不能救於生
 死 爭如自退省修持 專念彌陀 勤求懺悔・近智人 參尋佛理 向靜處
 體究心王 頓令業海息波濤 顯出驪珠照天地 圓成自己 利益他人・
 若遇應供道場 慎勿放逸輕慢 依節度以無違 遵齋經而奉法・

現前即得念佛三昧 祇此是箇安樂法門 上可以報答四恩^註下可以拔濟三有^註實不枉為佛子 亦免辜負己靈·信願相資 行解均備 如斯行履 即現在之彌陀 自此修持 真人天之眼目 是大緣也 豈小補哉？會麼？
青山高處見天闊 白藕開時聞水香·

自行化他（◎四恩——三寶恩、父母恩、國王恩、眾生恩）

佛言：「自未得度 先欲度人者 菩薩發心 自覺已圓 復覺他者 如來應世故·」我蓮宗祖師 勸立念佛一門 行解相應 自利利人 化物有方 誨人存理 稱曰導師·專以念佛三昧 示導於人 普令超出世間也·是故教傳天下 人皆仰焉·今之為師者 不達其道 局于名相 多集徒眾 不修實行 空有人師之名 無法可師於人 欲人恭敬尊重 無德受人恭敬 誠可恥也·（◎三有——欲有、色有、無色有）

經云：「凡欲度人者 先須求自度·」維摩云：「自疾不能救 云何救他疾？」又地獄報應經云：「自不清淨 教人清淨 無有是處·」智度論云：「譬如二人 各有親屬 為水所溺 一人情急 直入水救 為無方便 彼此俱沒·一人有其方便 往取船筏 乘之救接 悉皆度脫 水溺之

難·」是故為人師者 有度人之心 無度人之智 何得端然拱手？空腹高心 不肯親近明師 唯知倨傲 受人禮拜 恭敬供養 因貪虛譽 實種禍基·譬如凡夫 妄號帝王 自取誅滅 即前之所謂 無方便而救人也 豈何妄為哉？（◎攷——同「考」◎慊——滿足）

大凡為人之師 欲度弟子 要當觀照 從上佛 祖修行之因地 得道之源流 傳宗之正印·念佛之法門 一一攷究明白^註 自信自行 一一修持 一一成就 既自利己 然後利人·是乘彌陀之大願力船 救接苦海中之沈溺也·彼此利濟 不亦宜乎？是謂以先覺 覺後覺也·

自信此法門 亦教人信此法門 自行此道 亦教人行此道·自願往生淨土 亦教人發願 往生淨土·自見本性彌陀 亦教人見本性彌陀 如此用心 豈不是行菩薩之行也？

師徒弟子 各稟正因 同行正道 展轉化度 盡未來際 一切眾生 俱悟佛乘 同出生死 其功德力 豈易量哉！以此為人之師 亦何慊焉^註 其或不然 迷悟兩途 正邪異報·可謂：「金毛窟裏生獅子 野狐巖下出狐狸·」

以事檢心

永明壽禪師自行錄云：「欽惟古聖 罔伐己能 緬想前賢 靡彰自德 然釋典 有先自行化他之教 儒宗 標內舉不避親之文。」師常示徒云：「因觀弘明集中 先德有檢覆三業門云：夫剋責之情猶昧 審的之旨未彰 故以事檢校心。」（◎四諦—苦、集、滅、道◎忍—害羞）

凡所修習 既知不及 彌增悚慙（註）何謂檢校？檢我此身 從旦至中 從中至暮 從暮至夜 從夜至曉 乃至一時一刻 一念一頃 有幾心幾行 幾善幾惡 幾心欲摧伏煩惱 幾心欲降伏魔怨 幾心念三寶四諦（註）幾心悟苦空無常 幾心念報父母恩慈 幾心願代眾生受苦 幾心發念菩薩道業 幾心欲布施持戒 幾心欲忍辱精進 幾心欲禪定顯慧 幾心欲慈濟五道（註）幾心欲勸勵行所難行 幾心欲超求辦所難辦 幾心欲忍苦建立佛法 幾心欲作佛化度群生。

上已檢心 次復檢口。如上時刻 從旦已來 已得演說幾句深義 已得批讀幾許經典 已得理誦幾許文字 已得幾迴歎佛功德 已得幾迴迴向發願。（◎五道—天、人、畜生、餓鬼、地獄）

次復檢身 如上時刻 已得幾迴屈身禮佛幾拜 已得幾迴屈身禮法禮
僧 已得幾迴執勞掃塔塗地 已得幾迴燒香散花然燈 已得幾迴掃除塵垢
正列供具 已得幾迴懸幡表刹合掌供養 已得幾迴遶佛恭敬十百千匝 如
是檢察 會理甚少 違道極多 白淨之業^註纔不足言 煩惱重障 森然滿
目 闇礙轉積 解脫何由？（◎白淨之業——善業）

如上檢察 自救無功 何有時閑 議人善惡？故須三業 自相訓責
知我所作 幾善幾惡。是以若不先檢責 何以化導群機？故菩薩為度眾
生 故先自修行。所以淨名經云：『資財無量攝諸貧民 奉戒清淨攝諸毀
禁 以忍調行攝諸恚怒 以大精進攝諸懈怠 一心禪定攝諸亂意 以決定
慧攝諸無智。』

又經云：『自持戒 勸他持戒。自坐禪 勸他坐禪。』大智度論云：
『本師釋迦牟尼佛 不捨穿針之福。祖師龍樹菩薩釋云：如百歲翁作舞
何以故 為教兒孫故。』況未居究竟位 全是自利門 從十信初心 歷十
住 十行 十回向 十地 直至等覺 佛前普賢位 猶是自利。利他門者
登妙覺位 至佛後普賢 方是利他之行因。』

師自說編紀二三 既對治之行可觀 則攝化之門弗墜·乘戒兼急 權

實雙行 體用相收 理事無礙·今引萬善同歸集後偈 以顯圓修 頌曰：

菩提無發而發 佛道無求故求 妙用無行而行 真智無作而作

興悲悟其同體 行慈深入無緣 無所捨而行檀 無所持而具戒

修進了無所起 習忍達無所傷 般若悟境無生 禪定知心無住

鑒無身而具相 證無說而談詮 建立水月道場 莊嚴性空世界

羅列幻化供具 供養心王如來 懺悔罪性本空 勸請法身常住

回向了無所得 隨喜福等真如 讚歎彼我虛玄 發願能行平等

禮拜影現法會 行道步躡真空 焚香妙達無為 誦念深通實相

散花顯諸無著 彈指以表去塵 施為谷響度門 修習空花萬行

深入緣生法性 常遊如幻法門 誓斷無染塵勞 願生唯心淨土

履踐實際理地 出入無礙觀門 降伏鏡像魔軍 大作夢中佛事

廣度如化言識 同證寂滅菩提

【卷六 終】

【卷七】

念佛正願說

理由智導 行由願興 行願得均 理智兼備 理智兼備 則心心念念

總是彌陀 刹刹塵塵 皆為淨土 自非大願行力 曷能臻此哉？欲人人

證此三昧者 要在信願 深其根本也 夫願者 樂也 欲也 欲生西方

淨土 樂見阿彌陀佛 故發此願 是以憑大願力 直要到彼也 所以慈照

云：「時時發願 樂慕往生 日日禱祈 勿令退失 如無願心 則善根沈

沒。」（◎六八—四十八）

華嚴經云：「不發大願 是為魔事。」所以普賢 廣無邊願海 彌陀

有六八願門註是知：十方諸佛 上古先賢 皆因願力 而得成就菩提 不

與願樂之心 不成願樂之行 故云：「法門廣大 無願不成。」是以佛隨

人之心 滿人之願 何況專修念佛 願生淨土 安得不遂心滿願哉？

懺云：「願我不退菩提心 願我決定生安養 願我速見彌陀佛 願我

盡生無別念 唯心淨土獨相隨。」又阿彌陀經云：「若有信者 應當發願

願生彼國。」又懺云：「眾生無邊誓願度 煩惱無盡誓願斷 法門無量

誓願學 佛道無上誓願成・此則 謂之四弘誓願・

故我慈照集懺 恐人著事迷理 乃云：「自性眾生誓願度 自性煩惱誓願斷 自性法門誓願學 自性佛道誓願成・」此四句 直明真理 欲令一切人 於自性中 度了一切妄念眾生・所謂邪迷雜想 貪癡嫉妒 瞋恚惡毒等心・故令發大誓願 自性自度也・

又於自性中 斷除一切煩惱 所謂塵勞業識 邪思惡念 猶如浮雲障覆自性 光明不現・故令發大誓願 自斷除之 永不令起・

又於自性中 修學一切法門 所謂念佛三昧 悲智行願 無量法門・故令發大誓願 自悟自修 常無退失 直至菩提 不以得少為足・

又於自性中 自信有佛 發大誓願 常自觀照 自願成佛菩提・此乃慈照 老婆心切 明明與後人 開了一箇門戶・只要爾諸人 自信自肯

從這裏入頭 悟自性彌陀 達唯心淨土 入諸佛境界 成就無上菩提・嗟乎！世之善人 不知此意 向外別求 何異持神珠 而巡乞也 可不惑乎？

普願見聞 遞相勸策 同興正念 早上玄途 覺前前非 明後後位 立大志氣 奮大勇猛 發大誓願 誓度無邊眾生 誓斷無盡煩惱 誓學無

量法門 誓願往生西方極樂世界 見阿彌陀佛 誓同一切善人 圓成無上
佛道·可謂：「不得春風花不開 花榮須感春風力·」

勸發大願

慈照云：「有行無願 其行必孤·有願無行 其願必虛·無行無願

空住閻浮·有行有願 直入無為·此乃佛 祖修淨業之根本也·備觀今時
信人 歸投佛會 或為病苦而發心 或為報親而舉意 或為保扶家宅 或
為怖罪持齋 雖有信心 而無行願 雖云念佛 不達本根·凡修善緣 皆
為了還心願·（◎多羅—極度、眼）

罕有為自己生死 發願念佛 求生淨土者 往往香燭道場 祝願回向
之辭 皆是表獻神明 消災延壽而已 故與經懺 本意相違 不合諸佛本
願·縱使一生修誦 不明理趣 錯用工夫 是謂終日數他寶 自無半錢分
也 臨終所以不得往生淨土者 蓋無行願故也·

又有一等癡人 投佛受戒 乃於三寶前 焚香誓願云：「我若破戒
甘當惡病纏身 永墮地獄·」或言：「左眼出血 右眼出膿 自肯自甘
類官司之執結·」多見有口無心 破齋犯戒 自願受報 痛苦奚堪 甘心

墮落之門 自取喪身之兆·殊不知：佛祖興慈運悲 何嘗教人如此 皆是邪師過謬 錯將罰咒 以為發願耳 何惑之甚哉！

予嘗憫念 勸令同發正願 求生淨土 願同作佛·彼則曰：「我是凡夫 豈敢望生淨土 要作佛耶？我有此心 又成妄想·」

予應之曰：「不然 善知識 佛是覺也 淨土是心也 此心誰不有之！覺即佛也 迷則眾生也·世人背覺合塵 輪迴三界 四生六道 善惡業緣

受報好醜 皆因妄認四大為我身 六塵為實有；隨他幻境 日夜流轉 未嘗暫省回光；從生至老 唯憂家緣不辦 財不稱心 愈多愈求 愈貪不

足·雖曰積善奉佛 禮拜作福燒香 只願富貴榮華 長生不死·

纔做些小好事 便有伏願數般 要保穀米盈倉 蠶絲倍萬 子孫光顯

牛馬孳生·纔有一不如意 便怨佛 不保全·日日財喜增添 始道天龍

感應_云 如此貪謀 正是妄想 自不知覺！卻言念佛 求生淨土之說 作妄

想者 豈不大顛倒乎！

凡曰作福 盡屬有為·蓋世間有漏之因 非出世無為之道 修行佛子 宜善思惟 今日有緣 得逢佛法 當須究本 莫競枝條 一念回光 修

出世法 願捨娑婆 願生淨土。亦如久客 在於他鄉 思欲歸于故里也。
此願生淨土 願作佛之心 豈可比同凡夫妄想哉？豈不見！懺中云：
「願我臨欲命終時 盡除一切諸障礙 面見彼佛阿彌陀 即得往生安樂刹」
者是也。可謂：「一朝踏著來時路 始覺從前錯用心。」

慈照宗主 示念佛人 發願偈并序

彌陀節要云：念佛之人 最急一事 不善相應_云 何以故？雖云持戒念佛 不曾發心 願生淨土 皆是埋頭過日 自失善利。大凡念佛 先要發心。欲超生死 往生淨土 須以大願 自為主意。常須念佛 早晚專心 禮拜彌陀 如朝帝主 兩不失時。日近日親 心口與佛相應_云 去佛不遠。口念心想 心願見佛 發深重願 決信無疑。日久歲深 工夫純熟 自然三昧成就 臨命終時 彌陀接引 淨土現前。
更願：現生之內 常遇善知識 不值邪見師 無惑我心 不生懈怠。若也如此念佛 深信發願 是信行願 三不虧也。
臨終見佛 即非外來 盡是唯心顯現。猶如種子在地 逢春發生 豈是外來 皆從地出也。今之修行亦爾 念佛信願 納在八識心地 臨終發

現：淨土彌陀 即非外來 皆從自心出也！偈云：

萬法從心生 萬法從心滅 我佛大沙門 常作如是說

持戒無信願 不得生淨土 唯得人天福 福盡受輪迴

展轉難脫離 看經無慧眼 不識佛深意 後世得聰明

亂心難出離 不如念佛好 現世無名利 行坐不多羅

則是阿彌陀 發願持戒力 回向生樂國 正是合行持

千中不失一 釋迦金口說 彌陀親攝授 諸佛皆護念

諸天善護持 見此念佛人 與佛不相遠 應當坐道場

轉于大法輪 普度無邊衆 譬如貧家女 腹孕轉輪王

諸天常愛護 貧女自不知 腹中有貴子 今此念佛人

其意亦如是 憶佛常念佛 不久當成佛 諸佛善護持

其人自不知 我當生淨土 卻要來後世 再得生人中

譬如貧人家 地內有伏藏 藏神常守護 不令其有失

貧人自不知 家內有寶藏 逐日趁客作 求衣食自濟

今此念佛人 其意亦如是 不知念佛人 具足如來藏

自說我無分	返要生人中	譬如病人家	自有真妙藥
不知妙藥性	不能自治病	每日床枕邊	痛苦受無量
今此念佛人	其意亦如是	不知念佛心	能滅貪瞋病
能為大醫王	能為大寶藏	利濟一切人	能為大法王
覆護一切衆	將為是凡夫	不得生淨土	且自持齋戒
後世願為人	展轉更修行	方可生彼國	多見修行人
常作如是說	不稱彌陀願	不合淨土經	邪見障覆心
畢竟難出離	非是他人障	皆是自障心	今世不得生
一蹉是百蹉	勸汝修行人	信我如來說	佛無不實語
豈是虛誑言	但當自精勤	一心求淨土	因風吹於火
用力不消多	幸有念佛心	回願超三界	逢寶不取寶
遇食受飢寒	咄哉大丈夫	不見真實意	我今略勸讚
展轉傳與人	代我廣流通	作於如來使	真是諸佛子
真名報佛恩	普願如說行	同生極樂國	

求生淨土 要在發願

智度論第八卷問曰：「諸菩薩行業清淨 自得勝報 何必要立誓願 然後得之。且如田家得穀 豈復待願耶？」答曰：「作福無願 無所標立。願為導御 能有所成。如佛所說 若人修少福少戒 不知解脫正因 聞說人天之樂 心常願樂 命終之後 各生其中 此皆願力所致。」

菩薩求生淨土 在乎志願堅強 然後得之。以此故知 因彼願力 得受勝果。古德云：『佛果^五絕^註登之則有階。法雲峻極 屈之則有漸。』大心初發 玄德照於來生 弘誓纔興 妙願徧於空界。一念興志 即塵劫之瑞華 半刻虔躬 乃大千之甘露。』（◎^五 夙—久遠）

大莊嚴論云：「佛國大事 獨行功德 不能成就 要須願力資助 引而成之。以願力故 福德增長 不失不壞 當生佛土 隨願見佛。」

華嚴經云：「是人臨命終時 最後剎那 一切諸根 悉皆散壞 一切親屬 悉皆捨離 一切威勢 悉皆退失 乃至象馬車乘^五 珍寶伏藏 如是一切 無復相隨。唯此願王 不相捨離 於一切時 引導其前 一剎那中 即得往生 極樂世界。」（◎四惡道—修羅、畜生、餓鬼、地獄）

善導和尚 修行發願儀（◎^五 憐—同「憐」◎^五 艾—年老）

修淨土入觀 及睡時 應發此願：若坐若立 一心合掌 正面西向

十聲阿彌陀佛 觀世音大勢至 清淨大海眾菩薩竟・發願云：

弟子 現是生死凡夫 罪障深重 輪迴六道 苦不可言・今遇知識

得聞彌陀名號 本願功德 一心稱念 求願往生・願佛慈悲不捨 哀怜之号攝

受註弟子某甲 不識佛身 相好光明 願佛示現 令我得見 及見觀音

勢至諸菩薩等 彼世界中 清淨莊嚴 光明妙相等 令我了了得見・

發此願已 一心正念 即隨意入觀 或臨臥發願而睡 或有正發願時

即得見之・或睡時得見・但辦專志 自然圓滿所願・

白侍郎 發願求生淨土文（◎範—模子◎繡—同「綉」）

記曰：我本師釋迦如來說言 從是西方 過十萬億佛土 有世界 號

極樂 以無八苦註四惡道故也註其國號淨土 以無三毒 五濁故也 其佛

號阿彌陀 以壽無量 願無量 功德相好光明無量故也・

諦觀此娑婆世界眾生 無賢愚 無貴賤 無幼艾註有起心歸佛者 舉

手合掌 必向西方・有怖厄苦惱 開口發聲 必先念阿彌陀佛・又範金合

土註刻石繡紋註乃至印水聚沙 童子戲者 莫不率以阿彌陀為上首・

不知其然而然 由是而觀 是彼如來 有大誓願 於此眾生 眾生有大因緣 於彼國土明矣！不然則南北東西 過去 現在 未來 佛甚多矣 何獨如是哉 何獨如是哉？（◎伎樂—音樂◎大士—菩薩）

唐中大夫太子少傅白居易 當衰暮之歲 中風痺之疾註乃捨俸錢 命

工人 杜敬宗按阿彌陀 無量壽二經 畫西方世界一部 高九尺 廣丈有

三尺 阿彌陀佛坐中央 觀音 勢至二大士侍左右註人天瞻仰 眷屬圍遶

樓臺伎樂註水樹花鳥 七寶嚴飾 五彩彰施 爛爛煌煌 功德成就。

弟子居易 焚香稽首 跪於佛前 起慈悲心 發弘誓願 願此功德

回施一切眾生·一切眾生 有如我老者 如我病者 願離苦得樂 斷惡修

善 不越南部 便睹西方 白毫大光 應念來感 青蓮上品 隨願往生

從現在身 盡未來際 常得親近 而供養也。

欲重宣此義 而說讚曰：

極樂世界清淨土 無諸惡道及眾苦 願如我身老病者 同生無量壽佛所。

馮濟川 施經發淨土願文（◎痺—濕病、失去知覺）

其略曰：予之施經一事 而具二施註何故以財贖經 是謂財施·以經

傳法 是謂法施・按佛所說 財施 後世當得天上 人間福德之報・法施
當得世智辯聰 蓋世之報・當知 此二報者 皆是輪迴之因 苦報之本・
我今發願：

願回此二報 臨命終時 莊嚴往生 西方極樂世界 蓮華為胎 托質
於中 見佛聞法 悟無生忍^註登不退階 入菩薩位 還來十方界內 五濁
世中 普見其身 而作佛事・以今日財 法二施之因 如觀世音菩薩 具
大慈悲 遊歷五道^註隨類化形 說諸妙法 開發未悟 永離苦道 令得智
慧 普與眾生 悉得成佛・（◎二施——財施、法施）

乃予施經之願也・右出捨經碑 馮察院施經 不求人天路上 富貴聰
明 而以此功德 悉回向淨土 願見彌陀 可謂智識高明 深達佛理 大
乘人也・（◎無生忍——忍可諸法自性空寂本來不生之理）

嗟！見蓮社人 終日念佛 而求後世福報 豈不謬哉？予願一切人
同生淨土 故舉馮察院 施經發願文 與諸人 作樣子・凡有修福念佛
乃至一毫之善 悉皆發願 回向西方 有所歸趣 臨終定生淨土也・

【卷七 終】（◎五道——天、人、畜生、餓鬼、地獄）

【卷八】（◎三世間——正覺世間、有情世間、器世間）

念佛往生正訣說（◎杲——高而明◎毘盧——法身）

淨土之道 往生一門 具載群經 明如杲日註實修行者入道之方 乃念佛人棲神之所·無念之念 念即念於阿彌·無生之生 生則生於淨土·是故深行菩薩 歷代師模 名卿巨儒 庶民氏女 篤信斯道 結誓進修者 不可勝計·其意何哉？必欲生淨土 見阿彌而後已·須知：佛本無身 亦無其土 皆眾生心淨 所由致感也·（◎阿鼻——無間地獄）

經不云乎：「是心作佛 是心是佛·」諸佛正徧知海 從心想生 故天台大師釋之曰：「佛本是無 心淨故有·良以眾生心淨 則法體現前·眾生心染 則苦道流轉·此乃理之常也 又何疑乎？以圓實教 所談唯心本具者 若此若彼 若染若淨 皆不越吾心之一念也·

夫心者 造罪之源 成佛之本 所謂介爾有心 三千具足 然而三千諸法 既具十界十如註三種世間註互具而顯 則安養國土 捨此何求？非但淨土唯心 蓋地獄亦唯心矣！」（◎正——身心◎依——環境）

又云：「阿鼻依正註全趣極聖之自心·身土毘盧註不逾下凡之一念·

纔起悟迷之見 便入邪流 不分染淨之殊 方歸正道·刀山劍樹 總是空
華 寶渚金蓮 皆成夢事 如斯受用 始了真修·脫或未然 宜依權漸
而加修進 深信阿彌陀佛 即我本性！貴在禮誦 懺念之間 行住坐臥之
處·（◎渚——水中的小陸地）

照於三觀 契乎一心 全智發境 全境是心 故知佛正佛依 皆是心
具 心造·信哉？淨土彌陀昭昭然 影現于心目之間·譬如磨銅成鏡 必
假施功 直使塵垢 淨盡無餘 則本體圓明 自然顯現 一切色像 俱無
隱焉·（◎十如——相、性、體、力、作、因、緣、果、報、本末究竟）

當知：鏡中之像 若謂是有 不可承而攬之·若謂是無 則色像歷然
可見 所謂有 不定有；無 不定無；有無雙遣 任運是中·大矣哉！不
思議境 唯心妙觀之道也·欲證斯道 必明于因·當知因該果海 果徹因
源 原始要終 不離一念！從因至果 只在初心 苟能於此 善修如是之
因 至於臨終 必獲如是之果·

是知：專心念佛為因 往生淨土為果 始從聞信 信以修持 積淨業
之工夫 得功緣之成滿 時節既至 大理昭然 視死如歸 豈不慶快！故

茲直示往生正訣 明指到家路頭 此時自信不疑 他日出門不誤。如此則安養國土何患不生！自性彌陀 決然可見。與夫列聖群賢 同成淨行 歷位至極者 實唯斯道矣！」

父母臨終 往生淨土

諦信淨土 發心念佛者 蓮池下種時也。一心念佛 眾善莊嚴者 蓮華出水時也。念佛功成 淨土緣熟 華開見佛時也。佛子事佛 固先事親 拳拳孝念 不捨須臾 順父母之情懷 察父母之顏色。纔乖攝養 力為調和。

又當念風燭不停 須防往生時至 預以父母 平生所修 一切善緣好事 及眾人助修功德 聚為一疏 時時對父母讀之。要令父母 心生歡喜 又當勸令 坐臥西向 不忘淨土。又當東向 設彌陀像 勸令一心念佛。焚香鳴磬 躬率眾人 同聲和之。

常使佛聲 相續不絕 無以世情悲戀 恐失正念 臨捨報時 猶當用意 自然諸聖來迎 往生淨土 寶蓮花中 決定成佛。孝子侍養父母 正在此時 不宜懈怠 此孝子事親 臨終之大事也。以此為孝 其孝至矣！

又況從古以來 念佛往生西方者非一 略舉數條 以為念佛者鑑。所
以烏菴國主 睹眾聖 以來迎。隋文皇后 乘異香 而西邁。姚行婆 請
佛相待。宋世子 侍母同歸。可謂一超直入如來地矣！

臨終三疑

慈照宗主淨土十門告誡云：念佛人 臨終三疑 不生淨土。一者疑——
我生來 作業極重 修行日淺 恐不得生。二者疑——我欠人債負 或有心
願未了 及貪瞋癡未息 恐不得生。三者疑——我雖念彌陀 臨命終時 恐
佛不來迎接。有此三疑 因疑成障。失其正念 不得往生。故念佛之人
切要諦信 佛經明旨 勿生疑心。

經云：「念阿彌陀佛一聲 滅八十億劫 生死重罪。上至一心不亂
下至十念成功 接向九蓮 令辭五濁。」苟能心心不昧 念念無差 則疑
情永斷 決定往生。可謂：「十萬億程彈指到 絲毫擬議隔千山。」

臨終四關

四關者 慈照宗主淨土十門告誡云：「凡夫雖有信心念佛 緣為宿
業障重 合墮地獄 乘佛力故 於床枕間 將輕換重 若也因病苦故 悔

悟身心 當生淨土也。無智之人 不了此事 卻言：『我今念佛 又有病苦。』反謗彌陀 因此一念惡心 徑入地獄 此是一關也。

二者 雖則持戒念佛 緣為口談淨土 意戀娑婆 不求出世善根 為愛家緣長旺 以致臨終遭病 怕死貪生 信受童兒 呼神喚鬼 燒錢化馬 殺戮眾生 緣此心邪 無佛攝護 因茲流浪墮落三塗 是二關也。

三者 或因服藥 須用酒腥 或被親情 遞相逼勸 此人無決定信 喪失善根 臨終追赴王前 任王判斷 是為第三關也。

四者 臨終之際 思惟活業 繫綴資財 愛戀眷屬 心放不下 失卻正念 故於家舍 墮鬼趣中 已為禍崇。或為慳犬 或作蛇身 守護家庭 宛如在日 是為四關也。

是以楊提刑言：『愛不重 不生娑婆。念不一 不生淨土。』誠哉是言！凡修淨土者 要當酌實蠲浮 思專想寂 念念彌陀 全身放下 但能堅此一念 便可碎彼四關 則淨土蓮臺 的非遙矣！可謂：『一句彌陀無別念 不勞彈指到西方。』

臨終決疑 撮要

凡修念佛之人 欲生淨土 每念世間 一切無常 成必有壞 生必有死。若不親聞佛法 則捨身受身 輪轉三界 四生六道 無解脫期。我今有緣 得聞正法 得修淨業 唯佛為念 捨此報身 當生淨土 入彼蓮胎 受諸快樂 永脫生死 不退菩提 此乃大丈夫平生之能事也。

纔有疾病 正要向前 坦蕩身心 莫生疑慮 直須西向 正坐專想 阿彌陀佛 與觀世音 大勢至菩薩 及無數化佛 現在其前。一心稱念 南無阿彌陀佛 聲聲不絕。於諸世間 一切事務 不得思念 不得貪戀。若或心念起來 但要急稱佛號 於念念中 除滅罪障。若病人昏困 不能自念 則看病人 當方便警策 勸而諭之。

如此用心 助令命盡 只此一念 決定往生淨土 命若未盡 自得安寧。慎勿妄起 留戀世間之心 當存自存 當死須死 但辦往生 何須疑慮！若解此理 如脫弊服 以著^著上衣 一捨凡身 便登佛地 奇哉偉哉 至矣盡矣！

或聞天樂異香 或見金蓮寶座 此乃聖境現前 慎勿疑為魔事。經云：「修淨業者 托佛願力 觀佛寶相為境故。」如人近附帝王 誰敢干

犯？況阿彌陀佛 有大慈悲力 有大誓願力 有大智慧力 有大三昧力
有大威神力 有大摧邪力 有大降魔力 有天眼遠見力 有天耳遙聞力
有他心徹鑑力 有光明徧照攝取眾生力 有如是等不可思議無量最勝功德
之力 豈不能護持 修行念佛之人 至臨終時 令無魔障 生淨土哉？可
謂：「粉骨碎身未足酬 一句了然超百億。」

僧濟臨終 注想西方

廬山尊者弟子僧濟 臨終之際 尊者遺燭一枝曰：「汝可運想西方。」
濟執燭 注想金容 攝心無亂 復請僧眾 誦十六觀經·五更（時） 濟以燭授
同袍 遂假寐 及寤曰：「吾夢見阿彌陀佛 垂手接引 吾當去矣。」言
訖右脅而逝·此非戒定慧之所熏修 而豈能溫容軟語 於生死岸頭耶？可
謂：「得路便行無罣礙 等閑抹過死生關。」

善導和尚 臨終往生正念文

【知歸子問曰】世事之大 莫越生死 一息不來 便屬後世 一念差錯便
墮輪迴·小子累蒙開誨 念佛往生之法 其理甚明·又恐病來 死至之時
心識散亂 仍慮他人 感動正念 忘失淨因 伏望重示 歸徑之方 俾

脫沈淪之苦。

【師曰】善哉問也！凡一切人 命終欲生淨土 須是不得怕死·常念此身 多苦不淨 惡業種種交纏 若得捨此穢身 超生淨土 受無量快樂·解脫生死苦趣 乃是稱意之事 如脫弊衣 得換珍服·但當放下身心 莫生戀著^{戀著}。

凡遇有病之時 便念無常 一心待死 叮囑家人 及看病人 往來問候人 凡來我前 為我念佛 不得說眼前閑雜之話·家中長短之事 亦不須軟語安慰 祝願安樂 此皆虛花 無益之語·

若病重 將終之際 親屬不得垂淚哭泣 及發嗟歎 懊惱之聲 惑亂心神 失其正念；但一時同聲念佛 待氣盡了 方可哀泣·纔有絲毫戀世間心 便成罣礙 不得解脫·若得明曉 淨土之人 頻來策勵 極為大幸·若依此者 決定超生 即無疑也·

【又問曰】求醫服藥 還可用不？

【答曰】求醫服藥 初不相妨 然藥者 只能醫病 不能醫命·命若盡時 藥豈奈何？若殺物命為藥 以求身安 此則不可·余多見世人 因病持

齋 方獲小愈 復為醫者 以酒食 血肉佐藥 其病復作·信知佛力可救
酒肉無益也·

【又問曰】求神祈福如何？

【答曰】人命長短 生時已定 何假鬼神延之耶？若迷惑信邪 殺害眾生
祭祀神鬼 但增罪業 反損壽矣！大命若盡 小鬼奈何 空悻自惶 俱
無所濟 切宜謹之·當以此文 貼向目前 時時見之 免致臨危忘失·

【又問曰】平生未曾念佛人 還用得不得？

【答曰】此法 僧人俗人 未念佛人 用之 皆得往生 決無疑也·余多
見世人 於平常念佛 禮讚發願 求生西方 甚是勤拳；及至臨病 卻又
怕死 都不說著 往生解脫之事·直待氣消命盡 識投冥界 方始十念鳴
鐘·恰如賊去關門 濟何事也？

死門事大 須是自家著力始·若一念差錯 歷劫受苦 誰人相代 思
之思之！若無事時 當以此法 精進受持 是為臨終大事·可謂：「一條
蕩蕩西方路 徑直歸家莫問津·」

化佛來迎

【宗鏡錄或問曰】心外無佛 見佛是心 云何教中 說有化佛來迎 生諸淨土？

【答曰】法身真佛 本無生滅 從真起化 接引迷根 以化即真 真應云一際 即不來不去 隨應物心·又化體即真 說無來去 從真流化 現有往還·即不來相而來 不見相而見也·不來而來 似月之頓呈·不見而見 猶行雲之忽現·

【問】如上所說 真體即湛然不動 化相即不來而來 正是心外 有他佛來迎·云何證自心是佛？

【答曰】此乃是如來 本願功德力故 令彼有緣眾生 專心想念 能令自心 見佛來迎 不是諸佛 實遺化身 而來迎接·但是有緣 時機正合 能令自心 見佛來迎 則佛身湛然常寂 無去無來·眾生識心 託佛本願力 一念變化 有去有來 如鏡面像 似夢施為 鏡中之形 非內非外 夢中之事 不有不無 但是心生 非關佛化·

真信修行之士 端的是要生西方極樂世界 專意一念 持一句阿彌陀佛 只此一念是我本師 只此一念即是化佛 只此一念是破地獄之猛將

只此一念是斬群邪之寶劍 只此一念是開黑暗之明燈 只此一念是度苦海之大船 只此一念是脫生死之良方 只此一念是出三界之徑路 只此一念是本性彌陀 只此一念達唯心淨土。

但只要記得這一句 阿彌陀佛在念 莫教失落 念念常現前 念念不離心 無事也如是念 有事也如是念 安樂也如是念 病苦也如是念 生也如是念 死也如是念 如是一念 分明不昧 又何必問人 覓歸程乎？可謂：「行船盡在把艖人（註）達者同遊涅槃路。」

賢首菩薩 臨終讚念佛偈（◎艖—船尾）

又放光明名見佛 此光覺悟將終者 令隨憶念見如來 命終得生其淨國 見有臨終勸念佛 及示尊像令瞻仰 俾於佛所深歸信 是故得成此光明。

天竺慈雲式懺主云：前四句 讚佛放光 見其光者 名為見佛 能

令臨命終時 淨土往生。後四句 讚佛修此 光明之因 其因者 祇是勸臨終人 念佛 并示其佛像 令彼見已 生信故 成佛時 得此光明。

今以偈 普勸信受 凡遇眷屬 及一切人 臨命終時 先於床前 安置此像 令彼眼見 及勸令念佛 若痛苦所逼 或先無信心 不肯念者

亦須種種方便 勸令稱佛·下至十念 得減重罪 生佛淨土 此一利益不可思議·

若勸得一人 生淨土 縱自不修行 亦合得生淨土 況當來成佛 能放光明 照一切眾生 臨終見佛也·多見世人 為恩愛故 聚頭哭泣 不思救度 是名惡知識也·苦哉苦哉！恩愛所索 墮落惡道 無解脫期 雖慈親孝子 亦不奈何 以此思之 可不勉哉！可謂：「普願沈溺諸衆生 速往無量光佛刹·」

情想多少 論報高下（◎煖ヌル—同「暖」）

首楞嚴經云：「佛告阿難アナン 一切世間 生死相續 生從順習 死從變流 臨命終時 未捨煖觸ヌル註 一生善惡 俱時頓現 純想即飛 必生天上·若飛心中 兼福兼慧 及與淨願 自然心開 見十方佛 一切淨土 隨願往生·情少想多 輕舉非遠 即為飛仙·情想均等 不飛不墜 生於人間·想明斯聰 情幽斯鈍 情多想少 流入橫生·重為毛群 輕為羽族 七情三想 沈下水輪 生於火際 受氣猛火 身為餓鬼 常被焚燒 水能害已 無食無飲 經百千劫·九情一想 下洞火輪 輕生有間 重生無間

二種地獄 純情即沈 入阿鼻獄·若沈心中 有謗大乘 毀佛禁戒 誑妄說法 虛貪信施 濫膺恭敬 五逆十重 更生十方 阿鼻地獄·」

命終善惡 感報優劣

守護國界主經云：「佛言：若人命終之時 預知時至 正念分明 洗浴著衣 吉祥而逝 光明照身 見佛相好 眾善俱現 定知此人 決定往生淨土·」

若人念佛持戒 無精進心 命終亦無善相 亦無惡相 地府不收 安養不攝 如睡眠去 此人疑情未斷 生於疑城 五百歲受樂 再修信願 方歸淨土·（◎蹠——不伸◎咀——含味◎沫——口中津液）

若人起憐憫心 正念現前 於財寶妻子 心無愛戀 眼色清淨 仰面含笑 想念天宮 當來迎我 耳聞天樂 眼見天童 捨此報身 定生天界·
若人生柔軟心 起福德心 身無病難 憶念父母妻子 於善於惡 心不錯亂 其心正直 遺囑家財 辭別而去 定生人界·

若人於己眷屬 惡眼瞻視 舉手捫空 便利不覺 身常臭穢 兩目紅赤 仆面而臥 蹠身左脅註百節酸疼 或見惡相 口不能言 呻吟叫喚

冤債現前 心識散亂 狂惑顛倒 徧體如冰 手捻_{ニギ}死拳 身硬如石 此人命終 定入地獄。

若人好舐其唇 身熱如火 常患飢渴 好說飲食 張口不合 貪戀財寶 命卒難斷 開眼而去 此人定入餓鬼。

若人身染重病 如在雲霧 心神昏散 怕聞佛名 多愛食噉_{ニギ} 血肉之味 不受勸化 愛戀妻兒 蹠手足指 徧身流汗 出粗澀聲 口中咀沫_註 此相現淨 定入畜生。」

臨終十事 不剋念佛 勉勸預修

凡夫業重 處處貪生 若不預辦工夫 臨終不剋念佛 天台十疑論云：「臨終念佛 名最後心 其心猛利 一念佛名 即生淨土。蓋垂死時 其心猛健決定故 勝百歲行力也。」

【或問曰】臨終念佛即得往生 何假預修勝業？

【答曰】人生壽夭 難測短長 或即病困昏迷 或即非時奄逝 既闕_{ニギ}生前之善 難逃後世之殃 須預作於善緣 是恐防於斯咎。

十種命終 不剋念佛：一者 善友未必相逢。二者 或疾苦纏身 神

昏性亂·三者 偏風失語 不得稱名·四者 狂亂失心 注想難剋·五者

或逢水火 不暇志誠·(◎作^x—伍)

六者 輒^{sh}遇虎狼 驚惶倉卒·七者 臨時惡友 破壞道心·八者 飽

食過多 昏迷致命·九者 軍忤鬥戰^註忽爾身亡·十者 或墜高巖 傷中

身命·(◎五香—戒、定、慧、解脫、解脫知見)

故知：臨終難保吉凶 須是預先修習·可謂：「閑時做下急時用 免

得臨期手脚忙·」(◎三德—法身、般若、解脫)

【卷八 終】(◎十界—佛、菩薩、緣覺、聲聞、天、人、修羅、畜

生、餓鬼、地獄：第150頁)

【卷九】

念佛正報說

因修白業 果感淨方 化佛引上金臺 聖賢迎歸樂國 高超三界 迴^{sh}

出四流^註業盡塵消 亡情絕慮 質托蓮苞之內 神遊寶界之中 面奉阿彌

陀佛為本師 得見觀音 勢至為親友 清淨海眾 大會寶池 九品勝流

各說本行·(◎四流—欲流、有流、見流、無明流◎流—煩惱)

五香拂體^註三德嚴身^註暫扇微風 聆眾音之演法 續紛花雨 睹焰網
之舒光·縹緲雲霞 近浮神足 輕盈衣袂^卷 盛接妙華^卷·晨謁慈顏 得法印
而還國·暮遊金刹 聽玉偈 以逍遙·瑞蓮初綻 為遣殘殃 新學化生
行成不退·

豈唯近忘粗苦 抑亦佛果非遙 戲翫瓊林 灌沐德水 百寶之樓閣華
麗 七重之行樹森嚴 景序長春 地平如掌 衣食隨念而至 天樂不鼓
自鳴受用 出於自然快樂 實非人世 諸天萬億倍 不可比論·

諸佛恆河沙 悉皆稱讚 身具光明妙相 跡踐聖道香階 壽命難量
悲願無盡·捨兩重生死 既非果趣之身 獲本際常光 離去來之相·緣強
德勝 皆由念佛心生·福備壽長 盡是淨因感報·故知：佛有攝生之願
生有念佛之因·如是勝緣 起於信願 以斯妙果 成就正依·

或禪誦七寶池邊 或經行黃金地上 飽禪悅法喜珍味 掛慈悲喜捨天
衣 功德資神 增加悲智 雍容辦道 長養聖胎 入無生門 便登菩薩之
位·得阿跋致 不退菩提之心 住法王家 盡授如來之記 聞大乘法 同
稱補處之尊·念念虛玄 心心靜慮 得三昧正定 具六種神通 獻供十方

往來無礙 分身億剎 不失定心 洒ホ法水於三千 出眾ト生於火宅 自他兼利 行願周圓 可謂：「百千三昧盡唯心 功德莊嚴歸自己。」

功德莊嚴（◎般泥洹——涅槃：不生不滅◎鬘マ鬘——雲起）

大彌陀經菩薩功德章云：「往生彼國者 皆悉容貌柔和 相好具足

禪定智慧 通達無礙 神通威德 無不圓滿 深入法門 具無生忍 諸

佛祕藏 究竟明了 調伏諸根 身心柔軟 安然寂靜 盡般ウツ泥洹註深入正

慧 無有餘習 依佛所行 七覺聖道 修行五眼 照真達俗 辯才總持

自在無礙 善解世間 無邊方便 所言誠諦 深入義味 敷演正法 度諸

有情 等觀三界 空無所有。

知一切法 無相無為 無取無捨 遠離顛倒 堅固不動 如須彌山

智明如日 廣大如海 出功德寶 熾盛如火 燒煩惱薪 忍辱如地 一切

平等 清淨如水 洗諸塵垢。

如虛空無邊不障一切故 如蓮花出水離一切染故 如雷震響出法音故

如雲鬘マ鬘マ降法雨故註如風動樹發菩提芽故 如牛王聲異眾牛故 如龍象

威難可測故 如良馬行乘無失故 如獅子王無怖畏故 如尼拘律樹覆蔭大

故 如優鉢羅華⁵⁴難值遇故 如金剛杵破邪山故 如梵王身生梵眾故 如金翅鳥勝毒龍故 如空中禽無住跡故 如雪山照功德淨故 如慈氏觀法界等故^註（◎慈氏——彌勒菩薩◎波羅蜜——到彼岸◎曜——光明）

專樂求法 心無厭足 常欲廣說 志無疲倦 擊法鼓 建法幢 曜⁵⁵慧日^註除癡冥 修六和敬^註常為師導 為世明燈 最勝福田 以安群生 功慧殊勝 莫不尊重 恭敬供養 無量諸佛 常為諸佛 所共讚嘆 究竟菩薩 諸波羅蜜^註遠離聲聞 緣覺之地·佛告阿難 彼諸菩薩 以念佛故 成就如是無量功德 我但為汝 舉要言之 若廣說者 雖盡億劫 不能窮盡·」

淨土增修聖果

大彌陀經云：諸念佛人 生淨土已 即入七寶池中 澡雪形體 蕩滌⁵⁶情慮 各座一華上 自然微風吹動 諸寶行樹 出微妙音 散諸寶華 異香芬馥 皆作佛事 聞者喜悅無量 自然心開 各往修進·

有在地講經者 有在地誦經者 有在地說經者 有在地口授經者 有在地聽經者 有在地念經者 有在地思道者 有在地坐禪一心者 有在地

經行者 有在虛空中講經者 有在虛空中誦經者 有在虛空中說經者 有在虛空中口授經者 有在虛空中聽經者 有在虛空中念經者 有在虛空中思道者 有在虛空中坐禪一心者 有在虛空中經行者。

其間聲聞弟子 皆發大心 有未得聖果者 因是而得聖果。有未得不退轉地者 因是而得不退轉地。菩薩各隨其資而有所得 莫不忻然適意而悅 遊戲三昧 利樂有情 由念佛之堅心 稱彌陀之本願 往生佛子 同列此班 智慧辯才 神通如意 風帆勢順 速證菩提 超萬劫之輪迴 得諸天之仰重 淨業勝善 大果昭然 寄語同流 無忘此事。蠕動蝸飛猶有分 大丈夫兒當勉旃^註（◎旃—當「啊」字）

淨土三十益

天台智者大師淨土群疑論云：「生西方者 有三十種益：一往生佛土益 二得大法樂益 三親近諸佛益 四遊歷十方供佛益 五親聞佛說益 六福慧資糧疾得圓滿益 七速證菩提益 八諸天人等同集一會益 九無退轉益 十無量行願增進益。

十一鸚鵡舍利宣揚法音益 十二風樹樂響益 十三摩尼水漩演苦空益

十四諸樂奏妙音益 十五四十八願益 十六真金色身益 十七形無醜陋
益 十八具足六通益 十九常住定聚益 二十無諸不善益·

二十一壽命長遠益 二十二衣食自然益 二十三唯受眾樂益 二十四
三十二相益 二十五實無女人益 二十六無有小乘益 二十七離於八難益
二十八得三法忍益 二十九身常有光益 三十得那羅延身力註可謂：

「處處菩提道 明明功德林·」（◎那羅延身力—金剛身力）

淨土成佛

金剛定後 菩薩因圓 解脫道中 如來果滿·具四無量心 得四無礙
辯註十八種法不共二乘註十力現前註說法無畏 塵沙惑盡 萬行功成 十
號俱彰註三身圓顯 具九十七種大人相 放八萬四千大光明 悲智俱融
福慧雙足 現居十重報土 能垂萬類化身 布大慈雲 雨大法雨 滂流
法界 潤澤群生 咸悟本心 同成正覺·**選佛若無如是眼 宗風那得到如
今·**

【卷九 終】（◎十號—如來、應供、正徧知、明行足、善逝、世間
解、無上士調御丈夫、天人師、佛、世尊）

【卷十】（◎反—通「返」◎著龜—以著草、大龜，以卜吉凶）

念佛正論說

夫奉教念佛之士 叨法正之遺蔭 作如來之所使 必以摧邪顯正 激濁揚清 為後學著龜註作生靈耳目 為己任也。苟弗能而默默自守 則尸祿備員於佛門矣！雖講授亦奚以為 豈不聞：因筌然後得魚 體教然後修行。名教未正 行如之何哉？故不得不論也。

是以仲尼為政 正其不正 涅槃遺誠 急在糾過。余嘗觀 吾佛世尊之主西竺也 象無象之象 言無言之言 以復群生之性 由是頓教 漸教—大乘小乘 盈溢乎龍宮海藏 無非摧邪顯正 激濁揚清之旨 而大地生民 率其化 而復其性者 可勝計乎？

其間偏讚西方 謂捷徑修行之道者 蓋以阿彌陀佛 有廣大願力 攝娑婆眾生 而歸淨邦 是令反妄註而證真也。所以諸佛共讚 菩薩同遵。晉社創修 千古之高風不墜 慈照集懺 十方之正化流通。

大矣哉！淨土之道 其為體也。以彌陀即本性 其為宗也。以淨國即唯心 其為用也。以仁恕 即滅惡生善。此之三者 蓋顯三世報應云 制其

事 一心空寂 窮其理 俾達乎理者 反其妄 信其事者 遷乎善 以斯而利于上下 實助於周孔之教 贊翊皇化 其亦至矣！

使一人能行是道 以訓于家 家以導於鄉 鄉以達於邦 以至於無窮。則天下之民 涵道泳德 融神實相 高步無何而極佛境界 豈止以為善人君子而已哉！夫如是 則何患乎 忠孝不修 禮讓不著歟？以此觀之 豈非能仁之道 與仲尼之道 共為表裏 以訓于民耶？（◎洎——及）

洎乎歷朝敬之註廣其教像法事之 非其人 廣其教 則弊倖生 非其人 則淳朴泯 而乃以佛堂高大為奢誇聲利 溫飽為能事 徒以多為貴 則壞其道者眾矣！言以恠為美註則惑其聽者庶矣！遞相沿襲 以成鄙吝 日復一日 紅紫亂朱 使夫清靜仁恕之風消蕩矣！於是蠶食蠹耗之謗 由茲而盛焉 斯乃敬之事之者之失 非其教之咎也。（◎恠——同「怪」）

今之人 多不察其所由 視其徒之不肖者 而遷怒於善人教法焉。亦何異乎 以丹朱而罪堯 因商均而過舜 服藥失度 歸咎於神農 縱火致焚 反怨於燧人也耶？愚乃不佞 學佛之道有年矣 既粗領其旨 而頗有扶傾之心 非敢私於己 而欲公於眾 以救其弊也。

嘗謂教門之利害有四：一曰 師授不明 邪法增熾 而喪其真。二曰 戒法不行 綱常紊亂 而犯其禁。三曰 教理未彰 謬談非義 而惑其眾。四曰 行願不修 迷入邪岐 而墮於魔。由是亂名改作 聾瞽後學 非止一端 可傷乎哉？（●瞽—盲者●躋—升上去●緘—封口）

自是叨濫之徒 一以傳十 十以傳百 百以千萬 流毒於海內 速若置郵 何以知其然？正說難行 邪風易染 此必然之理也。噫！祖道之不振也久矣 欲人之無惑者難矣 吾雖不敏 而實悲焉 思欲分條析理 廣被前聞 截偽續真 開茲後學 恨無慧辯 徒事管窺 由是齋沐一心 投誠三寶 詢求大教 參考玄文 楷定正宗 破諸異說 總成念佛正論 剖證佛祖格言 普告諸方 咸躋覺路 庶使聖教 隱而復彰 眾生罪而還福。有客至 而問之曰：「修行了自己生死 何須論他人長短？」

予應之曰：「理不然也。豈不聞：如來出世 無一法不是利生 菩薩修行 肯纖毫而為自己？佛子示同外道 方便轉彼邪心 楞嚴十種魔民 皆因錯解 華嚴十類魔業 示其正歸。嗟惡慧之邪修 自甘心於險道 遇斯境界 豈可緘言 念彼愚癡 寧容坐視？」

況世尊悲心付囑 留大願而普濟迷津 菩薩如教修行 示同事而化令成佛 是其本行 夫復何疑？如其見迷路 而不指正途 慈悲安在？睹沈溺 而不思拯接 方便何存？隨順正法而破魔 是無上大智之業。調伏眾生而入道 是諸佛之所攝持。

誓當捨命而立真宗 終不為己而忘佛囑。眾生盡 而悲心益固 空界殞 而我願無窮。倘逢有識之賢 必能助弘斯道。可謂：『將此深心奉塵刹 是則名為報佛恩。』」

西方彌陀說

佛說西方極樂世界 其土有佛 號阿彌陀 如經所載 有理有跡 論其理者 西方即自性也。此性無形無相 不變不壞 歷劫堅剛 譬彼精金 在易卦則曰兌 為寂靜故。謂之西方也 金者其色明 金體白淨 舉之喻法性。蓋世間之人 迷於塵境 妄念不息 紛然動作 在易卦則曰震 故謂之東方也。人能反妄歸真 復其本靜 得見自性即名捨。東方執著之穢土 登西域淨明之金地也。

在方無方 以法喻表其理體 華嚴合論謂：文殊自東方來者 蓋文殊

是 根本不動智也。東是萬物發生 震動之者 初明之地 從此智則生信。故華嚴以信位 為初生佛家 丑寅之間為清朝 智日初明 像文殊發起凡夫入信 見道智門漸增故。

巽巽為風 為教化風 能去穢揀淨。辰巳之間 上應角宿 為僧道 為齋戒 為眾善之門 喻進修地位。至午為中道易 卦曰離 為南方為正 為日為明。麗離中虛故明 像諸法空 則智日當陽 徧照天下 法華龍女南方成佛 是其義也。(◎三光—日、月、星)

西南為坤 為地為安靜 為柔順為母 為生養。正西為兌 金旺之地 日沒之所 火死在酉酉為肅寂 為收藏。西北為乾乾 為天為父 為金為剛 健。北方為坎 為水 為君 為師 利生濟物 垂教正治 以水制火 以君對臣 臣明君正。(◎四維—東北、東南、西南、西北)

又水多則濫 故東北為艮 為山為止。下方為禪定 為謙下。上方為觀照 為智慧 為空界 如日月三光處空註照臨萬物也。經中不舉餘方而單指西方者 蓋取淨對穢也 以悟攝迷也 以靜對動也 以果對因也。過十萬億國土者 出四維上下註十方之限量也。超乎四惡道之十惡業

也 超乎人天十善之境界也 不為諸法之所拘也。有世界者 真如實際理地 即自性西方極樂者 即言此性無憂惱也。何以知其然？見性之人 不為塵境惑 了知諸法空 心常坦然 無念無為 無思無慮 安住大寂滅之地 念念常生智慧 法法皆如 我為法王 於法自在 故名極樂也 論其跡 則實有 此箇世界也。佛叮嚀 詳復言之 豈虛語哉？

有者 非方域處所之有 乃不有之有 即是真空妙有也。真空者 即是實相。妙有者 森羅眩目 法界交參 豈有東西之辨哉？圓覺經云：「一切如來 光嚴住持 是諸眾生 清淨覺地 平等本際 圓滿十方 不隨順於不二境 現諸淨土。」阿彌陀是梵語 此云無量壽也。佛者 覺也 即當人分上 廣大圓覺之性 清淨法身之佛也。

此性不生不滅 亙古亙今 上至諸佛菩薩 下至六道眾生 各各具此覺性 所以稱同名同號也。噫！世人昧之久矣 妄取色相 顛倒馳求 甘自沈淪 我佛應世 開方便門 讚說淨邦 令其信慕 苟能自肯自信 方悟堅明 為西方盡西矣 惑火滅盡 土皆淨焉。

則知：十方世界 總是彌陀 觸目遇緣 無非極樂 百千三昧 應念

現前 無量法門 隨心顯發・高超徹見是樓閣 含育利生名宮殿 防非護
善名欄楯_之 清淨無染是蓮華_之 徹底澄清謂之池 隨方逐圓謂之水 仁慈濟
利謂之寶 戒定慧薰謂之香 七菩提樹 覆蔭重重 八聖道路 遊行坦坦
衆善莊嚴花簇_之 萬德成就果周圍・化禽演於法音 風樹傳於道品 到
這般田地 更要保持涵養 直至命終永無退失 脫然而去方為了事・
其或未然 切不可 遺山認培 棄寶拾薪 妄認色身 便為究竟 信
知生死事大 莫作等閑 尋訪真知 決擇心要 確實念佛 求悟大乘 了見
本性彌陀 直達唯心淨土・可謂：「雖然舊閣閑田地 一度贏來方始休・」

真如本性說（◎簇——聚在一塊兒）

真如本性者 父母未生已前 一真無妄之體 謂之本來面目・禪宗則
曰正法眼藏 蓮宗則曰本性彌陀 孔子則曰天理 大易則曰太極 名雖有
異 其實同一真如本性也・此性虛而靈寂 而妙與天地同根・萬物一本
歷塵劫而不朽 世界壞而不遷・人不能任其自如之真 而梏於地水火風
和合之質 方其受形也・（◎楯——欄杆橫的部分◎反——通「返」）
已為陰血濁氣 昏其本然清淨之體 及其生也 六塵五欲之迷倒 昧

於本有之天真 是故佛說八萬四千法門 皆是導人反妄^註而歸真也。其捷徑易行者 唯念佛一門 修之者 心不散亂 三昧現前 是復其本性也。今有一等不究佛理之人 卻將道門修養法 冒濫^註蓮宗^註妄說氣是主人 教人般精運氣 勞其筋骨 枉用身心 甘受苦辛 終無所濟 嘗觀道門張紫陽說 精氣神者 先天地之元精 元氣 元神也。元精 非淫泆之精；元氣 非呼吸之氣；元神 非念慮之神。癡人不曉此意 喚甕作鍾^註眼既不明 理亦不達 矯誘他清信之士 一向在臭皮袋上 造作昧卻一真佛性 妄言此是修行 可悲也哉！普告同修 切宜仔細 究心念佛 啓悟真源。若也了了自見 法法現前 是名見性成佛。一念差錯 天地懸殊。

辨真妄身心（◎冒——同「冒」◎鍾——通「鐘」）

夫身者——有法身 有色身。傳曰：智明真境 盡法為身 故曰法身。父母緣生 虛幻不實 故曰色身。心者——有真心 有妄心。真淨明妙 虛徹靈通 故曰真心。隨境生滅 忽有忽無 故曰妄心。祖師勸修念佛三昧者 於自己真心中 流出一句阿彌陀佛 念念觀照 法法圓通 是謂都攝^效六根 淨念相繼 於一念中 普現色身三昧。

今時有一等人 不知真妄 錯認色身為我身 以妄念為究竟 多是吐納按摩 做模打樣 希望成道 不亦謬乎？可謂棄卻真金 而拾瓦礫也。大凡學道 要辨真偽。●○燕—燃燒●○鍊—同「鐵」●○瞽—過失、災難

故宗鏡云：「修道以心為宗 理須仔細究竟。」約有情界 真妄似分

不可雷同 有濫圓覺 金礦共燕昆●○真偽纔分 沙米同炊 生熟有異 三

乘慕道 見有差殊 錯指妄心 以為真實 認妄賊為真子 劫盡家珍·收

魚目作驪珠 空迷智眼 遂使愚癡之子 陷有鍊之重關●○邪險之人 溺見

河之識浪 戲熾焰於朽宅 忘苦忘疲 臥大夢於長宵 迷心迷性 皆由執

斯緣慮 作自己身 遺此真心 住他聲色 斯則凡夫 外道之失也。

或有法學禪宗 執佛方便 致使撒開八網 乘對四機 越一念 而遠

驟三祇 功虛大劫·離寶所 而久淹化壘 跡困長衢·斯則迷循妄心 不

得真心之失也。●○心賦云：「性非造作 理實豁融。」明之者即動而靜 昧

之者迷西作東·任竭海移山 未是無為之力·縱躡虛履水 皆為有漏之通。

辨玉須真 探珠宜靜·若向境外 以求心焉 知圓光而在瞽●○順法界

性 合真如心 此則頓入如來 大慈悲海·比之著相 修皮袋者 豈可同

日而語矣！

辯明 三寶

教云：「十方薄伽梵 圓滿修多羅 大乘菩薩僧 功德難思議。」三寶者 有三種：一曰 同體三寶——謂真如之理 自性開覺 名為佛寶；德用軌則 自性正真 名為法寶；動無違諍 自性清淨 名為僧寶。二曰 出世三寶——謂法報化身 隨類應現 是為佛寶；六度詮旨 四諦緣生 名為法寶；十地菩薩 四向四果^註 名為僧寶。三曰 世間住持三寶——謂泥龕^{フナ}塑像 名為佛寶；黃卷赤軸 名為法寶；剃髮染衣 名為僧寶。

歸依者 感諸天護持・供養者 獲福田無量・今有邪愚不解 偽撰真宗妙義經 妄言：精是佛寶 氣是法寶 神是僧寶・遞相傳習 致使入善門者 信其邪說 不敬三寶 實可憐憫！若夫不敬世間三寶 則自昧其心；自昧其心 則迷失本性 同體出世三寶 何所得哉？

自賺猶可 又賺他人 可謂岐人天之正路 瞎人天之正眼 昧因果之真教 澆定慧之淳風 無甚於此也・佛言：「一切眾生 若不歸依三寶 永劫墮三惡道。」況我慈照 集經成懺 使學者依大乘經 甚深妙義 從

今身至佛身 為法界眾生 歸依常住佛 歸依常住法 歸依常住僧 正信
善人 既已得聞 聞已誦禮 固當自敬自信·即此敬信之心 端可近於佛
道矣！

凡見一切佛像 起如來想；見一切聖教 生難遭想；見一切比丘僧
起祖師想·禮拜供養 無得輕欺 以佛莊嚴 而自莊嚴 如此 則一體三
寶 唯心備具矣！若也執於鄙見 昧其根本 妄信邪教 疑誤後人 自取
沈淪 永溺惡趣 是誰之咎歟？

辨 見聞覺知

古德云：「在胎為身 處世名人·在眼曰見 在耳曰聞 在鼻嗅香
在舌談論 在手執捉 在足運奔 徧現俱該沙界 收攝在一微塵 識者知
是佛性 不識喚作精魂·」比來 有等愚人 不知佛理 潛吾教中 專
以傳受為宗 妄說六門見性 指四大色身 以為佛體 自立三十六關
七十二信 捏合怪事 誑惑善人·

妄謂這邊肉動 某人來；那裏疼痛 某事至；吉凶禍福 言是先知·
愚者得聞 將謂佛法靈感 傾心諦信 布施供養·傳此邪言 切切記心

未嘗暫捨・（◎祖禰——對已在宗廟中，立牌位的亡父稱謂）

殊不知：一真佛性 清淨湛然 為有妄身 乃有妄識・蓋覆本性 不見光明 一念心空 名為悟道・故楞嚴云：「知見立知 即無明本・知見無見 斯則涅槃・」是故祖師立教 但以念佛三昧 為正宗・未嘗有毫髮許實法 繫綴於人 何期蚩蚩薄俗 迷宗昧旨 棄忠孝而不履 背仁義而不修 假蓮宗之名 行差別之法 貪求冥感 以奇怪惑人 則有邪魔魍魎 附人身體 撓亂正信 盡遭魔攝 可不悲哉！

大凡修淨業人 善察邪正 本分究心 確辦信誠 憶佛念佛 願生淨土 慎勿他求・智覺壽禪師云：「莫摘枝苗 須搜祖禰」豁爾而無明頓開 湛然而情塵自洗・可謂：「直截根源佛所印 摘葉尋枝我不能・」

破 妄說災福

夫佛祖正法 以本性彌陀為體 念佛信願為宗 自行化他為用・乃佛祖之格言 後人之龜鑑・凡曰音聲佛事 點燭道場 蓋是方便法門 以之引權歸實耳・比來學者 迷失宗旨 貪著事相 不遵教典 向外妄為 心眼不明 競稱師長 實法門中一弊事也・

或搜鬼竅 有若師巫 或稱彌勒下生 或言諸天附體 或向燭光上見神見鬼 或在香煙上 斷吉斷凶 瞞昧三光 欺賢罔聖 誑譎閻閻^註邀求利養 及乎問他 平實行願 杜口無言 本性彌陀 罔知下落 熱亂一生 盡是虛誑 誤人自誤 實可悲哉！（◎訐——揭露他人的短處）

故楞嚴經云：「善男子 心愛懸應^云 爾時天魔 候得其便 飛精附人 口說經法 訐露人事^註 不避譏嫌 口中好說 未然禍福 及至其時 毫髮無失 是人愚迷 惑為菩薩 親近供養 破佛律儀 潛行貪欲 此名歷劫精魅 大力鬼神 年老成魔·惱亂是人 不覺魔著^考 謂言證聖 厭足心生^註 去彼人體 師及弟子 俱陷王難^考 汝當先覺 不入輪迴 迷惑不知 墮無間獄。」（◎諱——同「呼」◎閻閻——人民的住處◎厭——作「魔」）

嗟乎初心善人 不知真偽 信彼邪說 不務存心積德 妄想求福 見之謬焉·吾聞積善之家 必有餘慶·積不善之家 必有餘殃·故知吉凶禍福 繫乎人心 烏可諂求富貴 而苟免禍害哉？

永明壽禪師云：「惡從心起 如鍊孕垢 而自毀鍊形·善逐情生 如珠現光 而還照珠體·」故吾勸諸善人 舉心用事 必擇道而行之 擇

禮而從之 擇友而交之 擇里而處之 擇師而事之 兢兢焉而存心 戰戰焉而守節 念念不昧 無失於順天之道 以奉西方之教 而其觀燭談禍福不與焉。

辯明空見

空者 破諸有也。大覺世 尊開示正法 欲令一切人 識知世間萬法皆空 自悟本性之真空也。真空者——是如來之法界 眾生之本心 空而不空 有而非有 悟之者於不有中 運出自家寶藏 探之無窮 用之無盡 謂之一乘妙道 非頑空之空也。

今有一等愚人 一向說空 撥無因果 步步行有 口口言無 便道飲酒食肉 不礙菩提 行盜行姪 無妨般若 縱橫放曠 馳逞顛狂 謗佛謗經 輕毀一切 胡揮亂統 以當宗乘 欺侮聖賢 自稱得道 如此者 滔滔皆是也。

永嘉所謂：「豁達空 撥因果 莽莽蕩蕩招殃禍。」非斯類而何耶？又楞嚴經云：「心若著空 則有大力空魔 入其心腑。其人不知 是其魔著 口說經法 潛行貪欲 輕毀經像 惑亂是人 盡遭邪墜 魔心生厭」

去彼人體 師及弟子 俱陷王難^ヲ 命終 自為魔家眷屬 受魔業 盡墮無
間獄・」

嗟乎！去聖遠 微言絕 異端起 大義乖 不著^セ於有 則蕩於空 著^セ
於有 則執名相・滯有為 固物我 泥怨親 縛於近教 喪於遠理・蕩於
空者 則迷因果 混善惡 棄戒律 背禮義 蓋不知中道之為至善也・
或曰：「何謂中道？」曰：「有亦不著^セ 無亦不空 空不離有 有不
離空 怨親等焉 物我齊焉 因果明焉 善惡分焉 戒律用焉 禮義修焉
近教通焉 遠理至焉 大矣哉中道也！妙萬物之名乎 稱本性之謂乎？
苟達斯理 則不墮於偏・」是謂：得正受 念佛三昧者矣！

辯 一合相（◎牆——同「牆」）

《金剛經》云：「如來說一合相者 即非一合相 是名一合相・」良由世
人 一性昏迷 與塵境相合 即非一合相・智者明見 自己真心 背塵合
覺 一念覺心 與十方諸佛 真空法界相合 即是一合相理也・永嘉云：
「我性同共如來合・」但凡夫 不悟此理 貪著^セ事相 妄自堅執 情心意
識 與山河大地 墻壁瓦礫相合◎註 昧卻理性之真空 即非也・

六祖云：「心有所得 即非一合相·心無所得 即是一合相」是也·
今有愚人 不識佛法 坐吾教中 妄說夫婦 是一合相者 誤矣！蓋其情
生智隔 想變體殊 業累殃深 背因昧果 曲解聖典 毀辱教門 淨業正
宗 豈容是說！真實修行之士 切宜堅秉正信 專念彌陀 於一念中 不
取於相 內心外境 了了一如 自然冥符真理是也·

故佛果勤禪師示眾云：「汝等諸人 但向十二時中 上不見有諸佛
下不見有眾生 外不見有山河大地 內不見有見聞覺知 好惡長短 打
成一片 一一拈出 更無異見·」此則一合相理 歷然明矣！可謂：「日
可冷 月可熱 眾魔不能壞真說·」實履道之通衢 乃悟宗之正訣·

辯明 雙修

雙修者——修福 修慧也·教云：「修福不修慧 象身掛纓絡·修慧不
修福 羅漢應供薄·」福慧二莊嚴 乃能成正覺·古德云：「福不得不作
慧不得不學·」龍舒云：「修淨土者 雖專以念佛 為行門 亦須福慧
兼修 庶得事理兩融也·」內則修慧 究竟涵養 深徹淵源 使慧性增廣
含虛空界 無所不知 無不照了·外則修福 慈悲方便 柔和善順 利

濟世間·見一切人 平等恭敬 隨機說法 教化眾生行一切善 此是福慧雙修也·

今有一等愚人 常行異教 詐稱蓮宗弟子 妄指雙修 潛通姪穢 造地獄業 迷誤善人 沈迷欲樂 甘墮險坑 豈不謬乎！是真狐魅妖精 何異畜生類也？（◎波旬—魔）

楞嚴云：「若諸眾生 其心不姪 則不隨其生死·汝修三昧 本出塵勞 姪心不除 塵不可出 縱有多智 必落魔道·上品魔王 中品魔民 下品魔女 諸修行人 先斷姪心 是名如來 先佛世尊 第一決定清淨明誨·若不斷姪 修菩提者 如蒸砂石 欲其成飯 經百千劫 終不名飯·汝以姪身 求佛妙果 縱得妙悟 皆是姪根 根本成姪 輪轉三塗 終不能出 如來涅槃 何路修證 必使姪機 身心俱斷 斷性亦無 於佛菩提 斯可希冀 如我說者 名為佛說 不如此說 即波旬說註」

今勸在家菩薩 依戒修行 勿犯邪非 清心寡欲 雙修福慧 回向西方·龍舒云：「修福又修慧 深信念阿彌 當生上品 決定更無疑·」其或不然 欲飯蒸砂徒費力 擔柴入火定殃身·

辯明 三車（◎三車—牛車、羊車、鹿車）

法華經譬喻品云：「若有眾生 從佛世尊 聞法信受 慇懃精進 求一切智 佛智 自然智 無師智 如彼諸子 為求牛車 出於火宅 故知眾生喻諸子 三界喻火宅 三乘喻三車^云如來見眾生 在三界中 不得出離 說三乘法 引令離苦 譬如諸子 在火宅中嬉戲 長者以三車引之 令出也。」

有等愚人 假說文殊問佛 妄稱性是牛車 心是羊車 意是鹿車·又云：「牛車載妙法 羊車載蓮花 鹿車載經·」所謂醍醐上味 為世所珍 遇斯人等 翻成毒藥·

夫法華經者 諸法之王 佛所護念 其可妄議哉！何期邪師謬見 以非為是 以是為非 法說非法 非法說法 誑於人謗 於佛毀於法 豈非負五逆之大罪乎？

經云：「若有誹謗是經典者 當知是人 入阿鼻獄 具足一劫 劫盡更生 如是展轉 至無數劫 從地獄出 當墮畜生·」謗斯經故 獲罪如是 細思此等 哀哉切心 敢以忠言 痛告道友 於自己心中 開示悟入

佛之知見 則此心清淨 如蓮華開 是謂之法華三昧·悟斯理者 是乘白牛車 出三界火宅也·

又不見 法達禪師 見六祖大師 呈偈云：「誦經三千部 曹溪一句亡 未明出世旨 寧歇累生狂·羊粗牛權設 初中後善揚 誰知火宅內 元是法中王·」於是曹溪六祖大師 乃說偈 以證之云：「心迷法華轉 心悟轉法華 誦久不明已 與義作讎家·無念念即正 有念念成邪 若能如是解 長駕白牛車」是也·若有執迷不省 自取沈淪者 吾末如之何也已矣！

辯明 三關

三關者——兜率悅禪師示眾語：「一云 撥草參玄 只圖見性 只今上人 性在甚處？二云 識得本性 要脫生死 生死到來 作麼生脫？三云 脫得生死？要知去處 四大分離 向甚處去？是故透此關者 則奚拘生死 徹此道者 豈礙去來 自是天下叢林 宿師大衲 靡不洞究淵源 故能脫白露淨 其旨曉然 決無異說·」

今有愚人 妄指人身 三丹田 作內三關 教人般運氣血 謂之透過

三關·又說：自足至腰 三處疼痛 為外三關·

妄以此處 要定臨終時節 世多傳習 盡入邪路·詳觀念佛之教 乃簡徑法門 祇令修行人 於十二時中 持一句阿彌陀佛 思專想寂 更能回光自看 阿那箇 是我本性彌陀？四大分離 向甚處去？常有此疑 然識得註便知落處·（◎驀然——忽然◎底——的◎覷——看◎猷——道）

即此 是直捷省力底註修行正道 捨此之外 稍涉一毫異說 即墮在邪見林矣！嗚呼！癡人背真向偽 良可憫焉·若也於斯信得 截斷露布葛藤·豁開透地通天眼 覷破邪思妄想心註（◎木鐸——宣布教令的大鈴）

辨明 大小二乘（◎漕輓——從水道轉運米糧）

原夫大法王之垂化也 統攝群品 各有司存 小律比禮刑之權 大乘類鈞衡之任 營福如司於漕輓註製撰若掌於王言 在國家之百吏咸修類吾教之群宗 競演果明此旨·豈執異端 應須量己才能 隨力演布 達則兼濟為善 窮則專門是宜 雖各播於宗猷註而皆處於慈濟 同歸和合之海 共坐解脫之床·夫如是 則迷途之司 南教門之木鐸也註
奈何源遠流別 大道澆漓 好朱者憎其素 愛甘者惡其辛 未契圓宗

各權所據 又豈知生佛本一 凡聖性均！而不能自復者 由迷昧於身心
致籠檻於生死 是知：身之過惡 非戒律不能檢·心之昏散 非定慧
不能融·檢之融之 尚慮乎道之不明 性之不復 沉埋沒於邪岐 而互相
是非也耶？

或云：我學小乘 卻又不知 戒施禮誦 是漸修之法·或言：我學上
乘 卻又不識本性彌陀 唯心淨土之旨·不著於事相 又墮於頑空 大似
深村草裏 生盲之人 坐在一隅 不知東西南北 妄生分別 是非是非
非非是是 所謂：「執著死蛇頭·」錯路修行者 在穢惡 則無所間然
於行解不見可畏 以至積習成性 自滅其身·始學慕於上賢 終見沈於下
惡 如斯之輩 誠可哀哉！

永明壽禪師云：「譬如庭雀 焉攀鴻鵠之心？還似井蛙 豈測滄溟
之闊？或徇他求 如鑽冰而覓火 但歸己解 猶向乳而生酥 慎勿立我慢
幢 張邪見網 輕侮先覺 熒惑後人·」至哉斯言也！昭昭乎 天日在上
蕩蕩乎 佛祖有靈 奉教之者 可不懼乎？但能信念彌陀 可以免斯過
咎矣！（●徇—營、使、徧、略）

辯明 不生不滅

般若心經云：「是諸法空相 不生不滅 不垢不淨 不增不減 是故空中無色 無受想行識」等。又維摩經云：「不善不生 善法不滅 故知色相 有去有來 佛性不生不滅。」今有愚人 妄以不產後嗣為不生 不斷欲心為不滅。駭世怪言 惑人妖崇 密互邪淫 作不淨行 斷佛種性 悖亂人倫。（◎三綱—臣事君、子事父、妻事夫）

故楞嚴云：「善男子 愛極發狂 熾然貪欲 則有欲魔 入其心腑 一向說欲 為菩提道 化諸白衣 平等行欲 疑誤眾生 入無間獄 蓋以愚迷 不知觸淨 不覺遭魔 以致斯苦。」

諦觀天地肇分 有陰陽而有男女 有男女而有夫婦 有夫婦而有父子 有父子而有君臣 有君臣 則有三綱五常之道。註三綱統其人倫 五常正其教化 此聖人 立世間之法也。（◎五常—仁、義、禮、智、信）

吾祖遠公有云：在家者 厚身存生 我倒未忘 以情欲為苑囿 以聲色為遊觀 耽湎世樂 不能特出 吾佛示化令 反本以求宗。在家奉法 則是順化之民 不遺奉親 敬君之禮 是故先導之五戒。不殺存乎仁 不

盜存乎義 不姪存乎禮 不妄存乎信 不酒存乎智·身心既律 然後示之
以出世之法 令修念佛三昧 以為西方之歸 達乎不生不滅之道·是以
王臣外護 法流天下 千載猶一日也·

其奈當斯之際 薰蕕共囿註菽麥同畦 未易分也·敢以衷赤之忱 普
告信士 但除卻一心不亂 繫念彌陀之外 凡所有相皆是邪解 切須子細
註真實修行·善則從之 惡則遠之 邪則遣之 正則守之·

若乃立身行道之事 息心達本之旨 前篇備述 明則典刑 不為不多
矣！遵而行之 則吾門眷屬·違而作者 魔之黨類·所以生遭王法 死墮
阿鼻 殃及累世 莫言不道·何故？擗！欲得不招無間業 莫謗如來正法
輪·（註子細——同「仔細」註蕕——臭草）

辯明 曹溪路

昔永嘉大師 往曹溪禮拜六祖 印證心地 述證道歌云：「自從認得
曹溪路 了知生死不相干·」是言 天下禪宗 出乎曹溪之源 目曰曹溪
路也·

何期愚人 妄指人身 有浹脊雙關 作曹溪一派·又妄說：「六祖云：

『寧度白衣千千萬 不度空門半箇僧。』如斯之輩 非特惑於後人 是亦誣於先聖！

豈不聞：永嘉云：「第一迦葉首傳燈 二十八代西天記 佛法東流入此土 菩提達摩為初祖· 六代傳衣天下聞 後人得道無窮數·」又豈有度白衣 而不度空門乎？於戲 邪妄之徒 不知來歷 竊祖師之名 同魍魎妖孽見解 迷誤善人 正是一盲引眾盲 相牽入火坑也·

吾知：祖宗實德 是以稱而傳之· 吾知：闡提薄福 謗辱吾宗 是以恐而懼之· 吾尚知而大懼 汝謗聖師之道 誑後學之人 安得不益懼於吾乎？汝速宜磨滅 改而正之 無貽我羞之為愈也·

辨 佛法隱藏

佛法者 出世間之道 無為之法也· 涅槃經云：「如來開發顯露 清淨無翳· 迷者不解 謂是祕藏· 智者了達 即不名藏·」有等愚人 妄說官法堂堂 佛法隱藏 偽撰一落索邪言 閉門傳度 謂之生死 奧典幻惑後人 至死不與人說· 逗到臨時 一場漏逗 大似貧兒得錫 喚作黃金· 明眼人前 如何拈出？自不知非 反誇能會 正是瞞人更自瞞也·

豈知：佛說一切法 為度一切心。蓋以眾生心體 本來是一 用處不同 故說一切法也。祖師云：「瓶盤釵釧 本是一金。名相不同 至體無二。」嗟乎 末運法出奸生 往往失其本體者 多是將新羅漆 高麗鍮^{去反}註^{去反}間貨錯出 巧言令色 瞞昧世人。（◎鍮——似金的石◎煨——同「煨」）

一偽既行 百真莫辨。況愛小利者 上人鋪席 不揀好惡 苟圖價廉 好看易得 等閑被他將一團灰炭 塞卻眼孔 拖向黑地裏 脫換去了。及至眼開 握著黃土 也認不得 又何金鍮真偽之辨哉？

癡人但得入手 貴乎密密珍藏 以為奇貨 生怕人知。驀^{去反}然撞著 識者為伊點破 始知分文不直^註如斯之類 比比皆是 只為愚暗福薄 眼裏無^註觔心鹵莽 兼以不遇真正師匠 以致然也。殊不知：繞指精金 從本來有 自非作家陶鎔。痛下鉗鎚 煨煉一回^註轉見性柔金瑩 燦然一塊 覲體全真^註然後隨意作用 造成眾器 飛光散彩 耀人心目。永無變色者 固知自餘 皆不足言矣！可不至寶哉 正信道流 切宜著眼！

辨明 超日月光（◎覲——見◎觔——筋、斤）

大彌陀經云：「阿彌陀佛 光明極大 而為諸佛 光明之王 故號無

量光佛 無邊光佛 無礙光佛 無對光佛 光炎王光佛 清淨光佛 歡喜
光佛 智慧光佛 不斷光佛 難思光佛 無稱光佛 超日月光佛 其光明
所以照無央數天下 幽冥之處 皆常大明 諸天人民 禽獸 蜎飛蠕動
見此光明 莫不喜悅 而生慈心 悉得解脫 是故十方 諸佛菩薩 緣
覺聲聞 悉皆稱讚 因名曰超日月光佛。」

蓋以日能照晝 月能夜明 其德不全。佛之光明 晝夜常照 無虧無
欠 故名超日月光也。

今有一等愚人 妄指教人 於日月初出之時 以口吸採其光 吞嚥入
腹 欲其成寶 以當修行祕法。謂之超日月光者 其錯大矣！

譬如癡猿聯臂 攀樹懸崖 下捉水月 勞心費力 到底成空。若是智
人達觀 速須捨離 早求正法 免墮迷津 專念彌陀 究明心地。不見
祖師道：「從門入者 不是家珍。」自己靈光 照天燦地 人人分上 本
自圓成 一點靈源 無內無外 頭頭上顯 物物上明 若能悟此 即如來
一段光明超日月。

辨明 髻中珠

髻中珠者——法華經云：「如轉輪王 得法國土 王於三界 而諸小王 不肯順伏 時轉輪王 起種種兵 而往討伐 戰有功者 賞賜諸物 獨王頂上 有此一珠 而不與之 末後付與·如來亦復如是 見賢聖軍 與五陰魔 煩惱魔 死魔共戰 滅三毒 出三界 破魔網 爾時如來 亦大歡喜 為說諸法 而不為說是法華經 今乃說之 如轉輪王 久獲明珠 末後賜與·」

此蓋世尊 最後說是大乘法寶 超出諸聖之上 以輪王髻珠為喻 此珠者 即諸佛之圓智 乃眾生之理性 悟之則三祇頓越 迷之則六道沈淪·今有一等愚人 錯會經旨 妄以運氣入頂 作髻中珠 謂之最上乘法 密密相傳 教人般精運氣 衝入頭頂 要學世尊頂上 有肉髻珠 何其愚哉？

殊不知：世尊肉髻 乃無見頂相 表一乘大法也·無見者 自不能見 離自見故·向上極則 諸聖皆不得見 離他見故·壽禪師心賦云：「高法座 非聲聞短之能升註赫赫日輪 豈外道嬰兒之所見！」無偏無黨 至極至尊·（◎短——短）

嗟乎 愚癡之人 罔知正法 顛倒錯亂 嫁禍移殃 於後人 賺他向
善俗子 墮落深坑 可痛惜哉！奉勸信士 細參本教 恪心念佛 悔悟前
非 了知諸法本無 髻珠自然顯現·堂堂獨露 豈假他求哉！

辯明 無漏果（◎哆—眼汁凝成的疙痂◎饕—貪財）

法華經云：「諸漏已盡 無復煩惱。」此乃羅漢聲聞修行 至習漏俱
無也·無漏者 蓋人之六根 常為色聲香味觸法 六塵所惑 心隨境轉
成有漏緣 所以輪迴不息·修行人 六根自靜 不被六塵所轉 即無漏也·

今有一等愚人 妄將眼眇鼻涕註盡皆喫了 謂之修無漏者 何蠢乎哉！

予嘗憫而問之曰：「六根四大 膿血之袋 屎尿之囊 眇淚涕唾 皆屬不
淨 何得取而食之？」彼則曰：「人身之中 有七寶 不可棄之 善收拾
者 結成舍利 證無漏也·」苦哉苦哉 如斯顛倒 誠可忍耶？更有一等
眾生 以祕精是無漏者 混吾教中 遞相傳習 潛饕貪欲註壞亂正法 此
是妖精鬼怪 夜聚曉散 喫菜事魔之徒 非是蓮宗之弟子·比年以來 多
有此樣 扇動人家 清信男女 不覺不知 鼓入魔道·

故楞嚴經云：「善男子 心愛根本 窮覽物化 天魔得便 飛精附人

說佛涅槃 即是現前肉身 父父子子 遞代相生 常住不絕 無別淨居
愚人信受 亡失本心 惑為菩薩 常說眼耳鼻舌 皆為淨土 男女二根
即是菩提 或食屎尿 廣行姪穢 彼無知者 信是穢言 易入邪悟 此名
蠱毒惡鬼 惱亂是人 師及弟子 俱陷王難ヲク・汝當先覺 不入輪迴 迷惑
不知 墮無間獄 受得地獄業消 復入畜生 餓鬼・」

今觀邪師妄作之徒 假吾佛祖之教門 造不淨之惡業 逆二儀 背三
光 謗佛祖 亂人倫 碌碌如蜣蛆之逐穢 現受眾苦 沒モト後沈淪 是罪果
何逃哉？宜乎不足怪也・非唯死後受報 抑且官法不容・

語云：「道之以政 齊之以刑 民免而無恥・道之以德 齊之以禮
有恥且格・」誠哉是言！今勸善流 諦觀聖訓 宜自知恥 勿憚改過註捐
情絕慮 正己修行・有能古教照心 則其心自明・古鏡照精則其精自形・
若專於淨行 趣於菩提 決無誤矣！其或不然 三塗業海無邊際 千佛出
來難救伊・（◎憚——怕）

辯明 趙州茶

昔趙州和尚 見僧問曰：「汝曾到此不？」僧云：「曾到・」州云：

「喫茶去。」又問僧云：「曾到此不？」僧云：「不曾到。」州云：「喫茶去。」院主問：「曾到 且從 不曾到 如何也喫茶去？」州乃喚院主 主應諾 州云：「喫茶去。」叢林因此 有趙州茶話公案。

今愚人 不明祖師大意 妄自造作 將口內津唾 灌漱三十六次嚥之 謂之喫趙州茶。或有臨終 妄指教人 用硃砂末茶點一盞喫了註便能死去 是會趙州機關！更可憐憫者 有等魔子 以小便作趙州茶 何愚惑哉？非妖怪而何耶？（◎喫——吃）

真正修心者 但依本分念佛 期生淨邦 切不可妄將祖師公案 杜撰穿鑿 是謗大般若之罪人也。不見道：乍可粉身千萬劫 莫將佛法亂傳揚。

辯明 教外別傳

寫悟勤禪師云：「西方大聖人 出迦維羅國 作無邊量妙用 啓迪群靈 其方便順逆開遮 餘言遺典 盈溢寶藏 以至下梢 始露一機 謂之教外別傳。迦葉破顏 承當以來 的的綿綿 直指人心 見性成佛 不立階梯 不生知見 利根上智 向無明窟子裏瞥地 煩惱根株中活脫 應不

時超證 得大解脫· (●剗——削平、革除●太阿——寶劍名)

西天四七註東土二三註皆龍象蹴踏註師勝資強 格外領略 當下業障

冰消 直截承荷 自能管帶 打作一片 頓契佛地·尚不肯向死水裏浸

卻唱出透玄妙句 超越佛祖 剗斷露布葛藤註如按太阿註凜凜神威 阿誰

敢近?作家漢 確實論量 纔有向上向下 談玄說妙作用 纖毫即便叱之

謂不是種草 直下十成 煅煉得熟 履踐得實 始略放過·猶恐他時異

日落草 累人瞎卻正眼· (●臘月——十二月●四七——二十八●二三——六)

嗟!見一等 拍盲野狐種族 自不曾夢見祖師 妄言達摩歸空 謂之

傳法 救迷情 以至借他從上最大宗師 馬祖 趙州名目 脫賺後人 及

誇初祖 隻履西歸 普化空棺 皆謂此術有驗·謂之形神俱妙 生死祕法

遞相傳習·而人皆厚愛此者 生怕臘月三十日悵惶 競學歸程之法 除

夜拜影 喚主人公 真是誑諱閭閻 捏偽造窠 貽高人嗤鄙·

復有一種 假托達摩 胎息趙州 十二時別歌 龐居士轉河車頌 遞

互指受 密付傳持 希望生天 更要預知死日·殊不知:此真妄想 邪心

愛見 本是善因 反招惡果 多見豪傑之士 高談闊論者 不知宗因往往

信之 那知失卻故步 畫虎成狸 遭明眼人覷破 默觀_之憫憫 豈諸佛與列祖體裁 止如是耶？

曾不自回照始末 居然可知矣！海內學此者 如麻似粟 習以成風 恬不知怪·其高識遠見 自不因循 恐乍發意 未入閩奧 立志雖專 跋涉雖遠 遇增上慢 導入邪見稠林 未上一錯 永沒回轉 其流浸廣 莫之能遏 因出此語 以痛告之·庶有志願 於大解脫 大總持者 可以辨之 而同入大薩婆若海_註 汎慈舟 接濟郡品 俾正真妙道 流於無窮 豈不快哉！」（◎薩婆若——一切智）

辯 關閉諸惡趣門 開示涅槃正路

諸惡趣門者 乃身口意三業也·所謂身——殺盜淫·口——妄言 綺語_之 惡口 兩舌·意——貪瞋癡·修淨業人 正心向道 截斷已上 十不善行 則不入惡道 謂之關閉諸惡趣門也·開示者 指出也·涅槃者 不生不滅也·正者 不偏路 即西方之道也·

今有愚人 指口為諸惡門 鼻為涅槃路 教人臨終時 緊閉其口 令氣從鼻出 謂之出門一步·又妄將囡_之字以為公案 教人口裏 著力忍了氣

透這一關·或云：因字四圍 是酒色財氣·或言：地水火風·或言：生老病死等 皆是卜度 妄計曲說·

嗟乎！這一箇因字 瞞盡多少人·殊不知：此字 玉篇明載戶臥切 即阿字去聲呼也·此箇因字 一切世人口中 未嘗不說 喻如失物人 忽然尋見 不覺發此一聲 是因字也·（◎因—喻大徹大悟）

宗門 多言此字者 蓋尋師訪道之人 參究三二十年 忽然心花發現 會得此事 不覺因地一聲註如失物得見 慶快平生 是其字義也·

如是則念佛之人 但於念念中 仔細究竟本性彌陀 忽然親悟親見 真實到因地一聲處 自然明徹矣！

故智覺壽禪師云：「心外求法 望石女而生兒·意上起思 邀空花而結果·」本非有作 性自無為·智者莫能運其意 像者何以狀其儀？言語道亡 是得路指歸之日·心行處滅 當放身捨命之時·可謂：「唯此一事實 餘二即非真·」

辯明 四生

大珠慧海禪師云：九類眾生註一心具足 隨造隨成 無明暗蔽 為卵

生・煩惱包裹 為胎生・愛水浸潤 為濕生・歛起妄念 為化生・悟即成佛 迷號眾生・菩薩只以念念心為眾生 若了心體空寂 名為度眾生也・智者於自本際 上度於未形 未形既空 即知實無眾生 得滅度者・有等愚人 不識自心 胡卜亂度妄說 臨終之時 眼見轎馬 樓臺幡蓋 鏡鉞之類 為四生六道胎窠 不隨他去者 脫四生也・殊不知：臨終現境 是儻平時註所作善惡業相 神識自現 即非外來・故先德云：「作惡而惡境現前 念佛而佛界自至・」若是時中 把捉不住 做不得主 常被妄想 顛倒所使 臨當風火 散壞之時 如落湯螃註似註又焉能作主宰耶？

是以圭峰禪師云：「作有義事 是惺悟心・作無義事 是狂亂心・狂亂隨情念 臨終被業牽 惺悟不由情 臨終能轉業・」

今以此語 直告諸人 當自念言：「我今修行淨業本為生死 佛祖垂教 豈欺我哉！當依正法 真實存心 專念彌陀 捨諸虛妄 朝思夕想 念念願生西方・」（●懈——同「蟹」●儻——同「你」）

如此 則塵勞業識 當下瓦解冰消 反觀自己生死 尚不可得 又喚

甚麼 作眾生乎？故懺云：「於一念中 得念佛三昧 普度十方 六道一切眾生 各各出離苦輪 同生淨土者是也。可謂：「妄心無處即菩提 生死涅槃本平等。」

破妄 立十號

西方文云：「念佛之人 於相好光明之中 得見阿彌陀佛 則無明頓破 煩惱永忘 法界之門 忽然通達 一乘之路 卓爾開明 十號俱彰 三身圓顯」比明修行人 得證佛果 十號俱彰也。十號者——菩薩戒經云：「一曰如來（無虛妄故） 二曰應供（良福田故） 三曰正徧知（知法界故） 四曰明行足（天眼智明 宿命智明 漏盡智明 具三用故） 五曰善逝（不來還故） 六曰世間解 無上士（知二世間故：一國土世間 二眾生世間） 七曰調御丈夫（能調伏眾生惡故） 八曰天人師（為眾生作眼目故） 九曰佛（知善不善法聚 非善非不善法聚故） 十曰世尊（一土之中 無二佛故）。」（◎禪——有襠的禪◎襠——褲子遮住密處之部分）

何期愚人 不知佛法 妄立十號歸程 稱為達摩大師 傳來生死祕法
卻云鵲巢灌頂 蘆芽穿膝 玉柱粗混 蛇入禪襠^註波斯獻寶 天鼓不鳴

蓮花池乾；二祖斷臂 立雪齊腰 神光不現。以此十件 謂之大事因緣。
往往蓮宗 被此等 盲師瞎漢 遞相傳授 賺人性命 從冥入冥 陷於非
道 何不思之甚也？

達摩大師 初至此土 不立文字 直指人心 見性成佛 又安得有一
法 傳授乎？豈不聞：五祖弘忍大師 謂六祖曰：「佛即以心傳心法 即
以心印心 佛佛惟傳本體^註 師師密付本心」是也。莊子云：「使道之可傳
人 莫不傳之子孫。道之可獻人 莫不獻之君親。其不可傳獻者 無他中
無主 而外無其證也。」（◎止——只◎惟——同「唯」）

又嘗聞：「我佛釋迦世尊 千生煉行 百劫修心 迺從兜率 降跡王
宮 棄萬乘榮貴 向雪山修行 餐麻食麥 苦行六年 睹見明星 悟道成
佛 人中聖中 稱為大覺 十號具足 作天人師。」至於鵲巢頂上 蘆芽
穿膝之類 皆當年實事 初無表法 止是端坐不動^註 定久忘形之意。

後之學者 不近智達 不體我佛 建立教門 大不容易 纔得入他門
戶 行願不習 識見俱無 便要為師 傳度弟子 做大模樣 逞我能會
撞入邪魔黨類中 學他許多邪法 雜毒入心 如落水鬼相似 黑地裏 拖

人入地獄去 苦哉苦哉！（◎四心——慈、悲、喜、捨）

且如二祖斷臂 立雪齊腰 的是當時 為法忘軀 猛烈之志 本傳備載分明 學者自當詳究 豈可妄為甘受！謗法之罪 永沉苦海之誅 永嘉云：「非不非 是不是 差之毫釐失千里 是則龍女頓成佛 非則善星生陷墜。」信麼？盡情掃蕩閑家具 鐵樹花開別有春。

誓願流通（◎六念——念佛、念法、念僧、念施、念戒、念天）

切唯 最初一念 元從淨土中來。汨沒多生 未脫娑婆世界 幸逢蓮社 得遇正宗 仰藉三寶餘麻註感沐導師化育 伏為教門之下 多有錯路 修行·嗟 信心盡作魔民 致良善 俱遭邪墜 正因泯絕 慧命難存 反招謗法深愆 豈有誦持功德？（◎麻——庇蔭）

睹斯境界以長吁 痛切身心而不忍 是乃搜大藏之要旨 用證本宗 掃百家之是非 開明大道 並是依經辨理 顯正摧邪 照了無私 故名寶鑑·俾夫後學照心目 而妍醜自知·導彼迷途達家鄉 而免諸流浪·是集克就 鄙志當陳 百拜祖庭 重申大誓 告白十方諸佛 諸大祖師 望賜慈光 證明祈禱 普度敬自 發心立願。

照依所集蓮宗寶鑑篇字數 一字三禮 每一禮 念楞嚴咒心一遍 三
 稱南無觀世音菩薩尊號 望悲心而憐憫 賜法力以冥加 俾魔外以歸依
 冀真乘之流布 與彼盲瞑開眼目 於諸病苦作良醫 昏衢黑暗之中 為燈
 為燭 苦海洪波之內 為舟為航 危險處作大橋梁 迷路中示其正道 ．
 普為十方蓮社 諸上善人 同期懺滌於身心 各願消除於業障 非法
 說法之咎 法說非法之愆 一智能滅萬年愚 一燈能破千年暗 妄意消而
 空花滅 正信生而淨行彰 信禮彌陀 普同回向 與諸大眾 並從今日發
 菩提 盡於未來 永劫常行菩薩道 離非梵行 遠邪見師 ．
 願盡此報身 同生安養國 常修六念註及六波羅 廣運四心註與四弘
 誓註發四十八願如阿彌陀 得念佛三昧 如大勢至 修普賢之行願 等觀
 音之慈悲 學大智慧如文殊 次登補處如彌勒 頓入法界 圓證上乘 ．
 分身徧至於十方 大悲普度於一切 ．建法幢立宗旨 耀慧日除癡冥 ．
 諸魔外道悉歸降 匝地普天皆嚮化 ．辯才無礙 廣利塵沙 威德無邊 拯
 濟含識 ．父母師長 俱登解脫之門 累劫怨親 盡出沈淪之海 ．
 伏望睹是集者 起護法心 蕩歷劫之迷情 破千重之疑網 頓豁正眼

明悟本心 淨土道場 不動足到·西方大聖 如對目前 萬法了然 妙
在茲也·惟冀^註天龍歡喜 聞正法以護持 凡聖歸依 掃邪風而絕跡 弘
揚祖道 廣播宗風·融大千 同為清泰之邦·俾四海 共樂無為之化·正
見邪見 盡入無生·(◎惟一同「唯」)

皇恩佛恩 一時等報 虛空界盡 眾生界盡 眾生業盡 眾生煩惱盡
我願乃盡·而虛空界 乃至眾生界 煩惱不可盡故 我此願王 無有窮
盡·念念相續 無有間斷 身語意業 無有疲厭 普賢菩薩發願如是 諸
大祖師發願亦如是 我今發願亦如是·普為蓮社大眾 發願亦如是·盡未
來際 一切情與無情 發願亦如是·如是如是 無不如是 願同如是恆沙
衆 盡入如來願海中·

〔卷十 終〕

◎六和敬——身和同住、口和無諍、意和同悅、戒和同修、見和同解、利
和同均：第167頁·

◎九類眾生——卵生、胎生、溼生、化生、有色、無色、有想、無想、非
有想與非無想：第202頁·

名德題跋

余嘗觀夫今之所謂崇蓮宗者，多不本遠祖之意，非唯夫其進修之序，亦且惑於邪師謬解，深恨未有能救其弊者。優曇大師乃採經論傳記，至於古今名儒宿衲，集諸善言，刪潤著述而成一書，凡十卷，曰蓮宗寶鑑。立正論以破邪說，發真智以祛妄情，其言理也深而明，其敘事也詳而盡，會三教而歸一源，正一己以規眾信，如鏡照像，洞然明白，豈特俾諸善流，專念彌陀，祈生淨土，直欲人人明自本心，見自本性，立地成佛而已。以余嘗主東林，欲求轉語為證，返復數過，真得我心之所同然者，乃合掌西嚮而歸之曰：善哉善哉，如是如是！（○皆一「時」）

昔註乙巳大德八年八月十五日 明州天童圓應叟淨日 題

寶鑑者，照心之鏡也。鏡主乎明，則燦一切昏□，辨一切妍醜，懸之當臺，靡所不見。東林祖堂優曇大師名普度，具正知見，每念蓮宗，謬解乖真，折衷儒釋之書，撰為寶鑑十卷，發明念佛正宗三昧。凡一字字，一句句，質之佛祖龍天，並是掃空魔說，實為法門一大條。

貫·其用意誠且公 勤且苦 扶宗勇敢之心 與十八賢立教之心 共箇關
 紐 聞者見者 咸趨通途 或順或違 同一清泰 復為偈云：
 千載蓮宗宏正論 明逾寶鑑挂青霄 今將印板打成去 萬兩黃金也合消·

蓮宗 書

參禪主乎見性 閱教貴乎照心·予謂念佛一門 禪教並行者也·今有
 優曇度法師 纂集古今念佛要旨 總成一部 目曰蓮宗寶鑑·若其自信
 得及 淨念相繼 奚以文為？若其執妄謬解 妍醜不分 白日迷程 投吳
 適越者 是當取此為司南·

大德乙巳良月望日 註 婺西峰宗信 跋

大慶壽西雲 題 (●望日—農曆15日)

彌陀自性時時現 淨土唯心法法彰 誰憶遠公千載後 蓮宗寶鑑見重光·

薦福月而 (●舛訛—文字上的錯誤 ●囁—愚 ●敷—同「揚」)

東林蓮社度宗師述：蓮宗寶鑑復以謁遠寄囑□再讀起敬 敬說偈就

簡以謝·（◎鍼—針◎阜—土山、繁多◎瘵—衰病◎捃捃—蒐集）

大地眾生病痛深 向膏肓際巧施鍼註白蓮池□優曇現 萬斛香浮盧阜陰註

參禪予所不去 念佛亦非予所去者 聞禪有禪病 佛有佛魔·去聖時

遙 比比皆是 優曇師眼不忍見 廣援正經 盡祛邪說 是集 不為無補

矣！噫！安得盡大地人 披翻寶鑑 洞見法源 能所識銷 是非情盡·以

唯心淨土 本地風光 並相忘於言象之表·此予所以不能無說焉·

平江幻住明本 敬跋

法不孤起 仗境方生·劍離匣為不平 藥出瓶因救病·優曇大師 傷

蓮宗之凋瘵註搜索大藏 討究百家 發明念佛三昧 捃捃成書註目之曰寶

鑑 事分十門 理符一致 排斥邪說 訂審舛訛註咸有準憑 非私臆論·

洗頑囂於意地註破偏執於心源 坐進覺城光敷註祖道使正教大 明於一統

釋疑 情桎梏於畛畦註導黎庶於重昏 報皇恩於萬世 黃莫及矣 貽諸後

云·（◎畛畦——界域、範疇◎圻——地界、地方千里）

荆岑接待主智通 拜書

結蓮社以開宗 遠祖垂範 於千載之上·集法寶以為鑑 優曇示現
於像季之時·以蓮為名 顯一心□本淨 其為宗也 攝三根 圓證真□·
以寶為喻 濟萬有以無窮 其為鑑也 爍群昏 洞超□劫·卓然為一家正
論 廓然破諸宗異說 披文三復 實非小補·嘗觀□□集中 禪經序有·
所謂千載之下 優曇再證可不圻乎◎註祖師遠記 果符於今日 信而有徵矣！

天峰比丘 致祐 拜手書

禮云：「其人存 則其政舉·」旨哉斯言 三宗聖人 垂世立教 覺
斯民之未覺 途殊而歸同·中古以降 支分派列 愈出而愈政 失其本旨
者 可勝道哉？蓮教自東晉廬山尊者啓其端 當時名流 如劉雷諸賢
皆在社中 其盛集 概可想見矣！逮至宋末 群不逞輩指蓮宗而聚 眾不
知本旨有玷 前賢為世所嗤久矣！（◎湮——滅沒、塞）

東林祖堂優曇大師 憫斯教之湮微^註救流俗之邪舛 搜集善言 纂成一編 目曰蓮宗寶鑑 使佛祖之道 復還舊貫 確然正論 皎如日星·願諸佛子 見自性彌陀 悟本來清淨 又何獨稱揚聖號 想念西方 然後得生淨土耶^註？作如是見者 辜負廬山尊者不少矣！至大改元良月立冬日·

翰林學士承旨資善大夫知制誥兼修國史疇齋張仲壽 書

裂蓋網出愛河 破無明超有漏 唯念佛法門為最·苟不越一念而契證

則塵沙剎海 廓然歸乎！智照無東西之間 淨穢之殊 四生九有 咸入

神通大光^註藏·自遠祖立教 見聞薰修獲益者 不可周知而悉數也·嗟乎！

去古時遙 法久成弊 優曇老師 終見不平 集大藏要文 群賢明跡 曰

蓮宗寶鑑 親捧綸音^註流通于世 真萬古不易之論·俾後之學者鑑斯文

具正見 同遊常寂光土 豈小補哉！（●綸音——綸言、帝王的詔令）

歲甲寅正月旦日廬山無住道人竺源永盛 拜手

父母非我親 誰是最親者？諸佛非我道 誰是最道者？古洪水月 居

士何道昇 為母持齋施財 率眾同緣 刊蓮宗寶鑑一部 流通佛法 報答
四恩 願一切人得念佛三昧 如大勢至 母子歷生 不相違遠 心開意解
同證菩提 可謂孝慈之心 至矣博矣！親恩佛恩 一時報畢。余嘉其志
合掌讚嘆 為說偈云：

流通佛法報慈恩 母子天真一會人 為報諸方求佛者 看他樣子重生身。

廬山優曇普度 謹題

吾佛生於西方 大教流於中國 不言而自信 不化而自行者 以其機
感相投 自然而然而也。至於東晉廬山遠祖 與諸高蹈 賢士大夫 同結
淨土妙緣 專修念佛三昧 惺惺寂寂 寂寂惺惺 發揚先覺之微言 永為
後人之明鑑。上以陰翊皇度^註 下以化利生民 可謂盡善盡美而已。

垂之千年 復有繼踵 茲芻^之優曇^註 應□每見稱蓮宗者 未諳念佛旨趣
謬解錯路 修行目睹耳聞 比比皆是擬避水溺 卻遭火焚 憫斯愚輩
痛切哀憐 由是□尋大藏 博採微言 圖寫四土 綴文十篇 目曰寶鑑。
不唯照分妍醜 抑亦明驗偽真 與盲者點開眼睛 與迷者指歸覺路 言言

有據 字字無虛 修行要旨 勿越於斯 茲者奉佛弟子 眾善人等 生居
聖世・（◎苾芻——比丘◎翊——輔助保衛◎鳩集——聚集◎瓊——珍美的）

感荷皇恩 幸聞佛祖正傳 得獲蓮宗寶鑑 坐閱行披 歡喜踊躍 是

以鳩集同志^註 謹捨淨財 命工刊印流通 請師慈悲跋語 提攜晚進 接引

後來 苟勿拒焉 實為幸矣！余再三辭 義不從讓 遂乃焚香 說偈讚曰：

東晉廬山十八賢 鑿池引水種金蓮 蓮生華發心明朗 華落蓮成道果圓・

普度綴文名寶鑑 善人騰寫錄瓊篇^註 命工刊印流通施 永與人天作正傳・

大明宣德四年 歲次己酉夏末秋初 禪林解制日

僧錄司右 講經古并沙門 敬跋

西蜀楚山和尚 示眾念佛警語（◎騰——抄寫）

原夫佛不自佛 因心而佛・心不自心 由佛而心 離心無佛 離佛無

心・心佛殊名 體無二致・是故 念佛念心 念心念佛 無念無心 無心

無佛 心佛兩忘 念不可得・只這不可得處 脫體分明 纖塵不問 是以

真機觸目 徧界難藏 山色溪聲 頭頭顯露 性相平等 理事混融 箇裏

覓一毫 自他淨穢之相 了不可得 何聖凡 迷悟之有耶？

於此 果能豁開智眼 頓悟其旨 直下知歸 不妨慶快！設或未能領契 須假方便而入。所謂方便而入者 何用別覓玄妙 但只要發起 一箇勇猛堅固信心 將一句阿彌陀佛 頓在心目之間 不拘經行坐臥 靜鬧閑忙 默默提撕 頻頻返照。（◎論——通曉◎三空——我空、法空、俱空）

了知：佛即是心 未審心是何物？要看這一念 從甚麼處起！又復要看破 這看的人 畢竟是誰？如是觀照 念念無間（以今） 久久 自然煉成一片水泄不通 忽於聞聲見色 應機接物處 不覺驀然冷灰 豆爆烈崩 虛空之時 管取參究 事畢到此 便見自性彌陀 頭頭顯現 常光淨土 觸處洞然 始信吾言不欺於汝。而其平生修行之志 亦乃驗於茲矣！恐猶未

諭註重說偈言：

心佛由來強立名 都緣攝念遣迷情 根塵頓處心珠現 幻翳空來慧鏡明
一法不存猶是妄 全機拶碎未為平 直須揣見虛空骨 看取優曇火内生。

淮陽曉山和尚 勸修淨業箴

光明照十方	親叩得醫王	步步著腳牢	遠近與高低	提箇古彌陀	靜裏細思量	生前一聚歡	積金玉如山	棄卻貪嗔癡	光明常照耀	九品妙蓮臺	勸君須猛烈	苦海業因循	一箇彌陀佛	三途罪報因業重
廓爾通三際	示出真妙劑	點點知落處	拄杖為憑據	始終莫令退	一場無滋味	死後誰能替	難買三寸氣	大家秉智慧	無三惡道懼	三空真實際	念佛宜超越	萬劫受迷津	人人本具足	六趣沈淪為惡多
來去得自由	豁開正眼睛	但無能所礙	信手把堅持	猶如患目人	何不早休心	終有散場時	眷屬與恩親	冷眼掛眉間	示汝諸有情	寶殿寶樓閣	西方有世界	不發回頭念	祇緣癡嗔愛	若欲出離生死海
一體無拘繫	點破虛幻翳	終有時節至	一念無有二	投醫王所治	念佛修三昧	有甚風流譬	暫如傀儡戲	看破紅塵事	可以整心趣	黃金以布地	名曰安養國	轉入展轉深	生死虛出沒	速須回首念彌陀

快樂任逍遙 高唱哩囉哩 若能依此修 至道無難易
是人命終時 蓮池定有會 只要辦肯心 山僧無賺意
各各早迴光 想念西方去 九品悟真空 一念超實地
生佛體元同 了證無殊異。

【廬山蓮宗寶鑑 終】（●源錄—新文豐大正藏第47冊第302～354頁）

◎十善—不殺、不盜、不淫、不妄言、不綺語、不惡口、不兩舌、不貪、不嗔、不痴◎十重—不殺戒、不盜戒、不淫戒、不妄語戒、不酤酒戒、不說在家出家菩薩罪過戒、不慳吝戒、不嗔恚戒、不自讚毀他戒、不毀謗三寶戒（第22頁）。

◎六因—能做因、俱有因、同類因、相應因、徧行因、異熟因（第25頁）。
◎十六觀門—日觀、水觀、地觀、樹觀、池觀、寶樓觀、華座觀、像觀、佛觀、觀音觀、勢至觀、自往生觀、雜觀、上品生觀、中品生觀、下品生觀◎九界—菩薩、緣覺、聲聞、天、人、修羅、畜生、餓鬼、地獄（第29頁）。

【附錄】

蓮宗九祖 省庵法師 勸發菩提心文

不肖愚下凡夫僧實賢 泣血稽顙（稽顙：叩頭） 哀告現前大眾 及當世淨信男女等
唯願慈悲 少加聽察·嘗聞入道要門 發心為首·修行急務 立願居先·

願立 則眾生可度·心發 則佛道堪成·苟不發廣大心 立堅固願 則縱
經塵劫 依然還在輪迴·雖有修行 總是徒勞辛苦·故華嚴經云：「忘失

菩提心 修諸善法 是名魔業·」忘失尚爾 況未發乎？故知欲學如來乘
必先具發菩薩願 不可緩也·（◎畧——同「略」◎稽顙——頂禮）

然心願差別 其相乃多 若不指陳 如何趣向？今為大眾 畧而言之
◎相有其八：所謂邪 正 真 偽 大 小 偏 圓是也·云何名為邪正
真偽 大小偏圓邪（邪：不正） 世有行人 一向修行 不究自心 但知外務 或求利
養 或好名聞 或貪現世欲樂 或望未來果報 如是發心 名之為邪·既
不求利養名聞 又不貪欲樂果報 唯為生死為菩提 如是發心 名之為正·
念念上求佛道 心心下化眾生 聞佛道長遠 不生退怯 觀眾生難度
不生厭倦 如登萬仞（仞：八尺）之山◎必窮其頂 如上九層之塔 必造其顛 如是

發心 名之為真·有罪不懺 有過不除 內濁外清 始勤終怠 雖有好心
多為名利之所夾雜 雖有善法 復為罪業之所染污 如是發心 名之為
偽·(●邪—當疑問詞，同「耶」●切—七尺或八尺)
眾生界盡 我願方盡 菩提道成 我願方成；如是發心 名之為大·
觀三界如牢獄 視生死如冤家 但期自度 不欲度人 如是發心 名之為
小·

若於心外 見有眾生 及以佛道 願度願成 功勳不忘 知見不泯
如是發心 名之為偏·若知自性是眾生 故願度脫；自性是佛道 故願成
就；不見一法離心別有 以虛空之心 發虛空之願 行虛空之行 證虛空
之果 亦無虛空之相可得 如是發心 名之為圓·

知此八種差別 則知審察 知審察則知去取 知去取則可發心·云何
審察？謂我所發心 於此八中 為邪為正 為真為偽 為大為小 為偏為
圓·

云何去取？所謂去邪去偽 去小去偏；取正取真 取大取圓；如此發
心 方得名為真正發菩提心也·此菩提心諸善中王 必有因緣 方得發起·

今言因緣 略有十種 何等為十？一者念佛重恩故 二者念父母恩故 三者念師長恩故 四者念施主恩故 五者念眾生恩故 六者念死生苦故 七者尊重己靈故 八者懺悔業障故 九者求生淨土故 十者為念正法得久住故。

云何念佛重恩？謂我釋迦如來 最初發心 為我等故 行菩薩道 經無量劫 備受諸苦 我造業時 佛則哀憐 方便教化 而我愚癡 不知信受 我墮地獄 佛復悲痛 欲代我苦 而我業重 不能救拔 我生人道 佛以方便 令種善根 世世生生 隨逐於我 心無暫捨。

佛初出世 我尚沉淪 今得人身 佛已滅度 何罪而生末法？何福而預出家？何障而不見金身？何幸而躬逢舍利？如是思惟 向使不種善根 何以得聞佛法？不聞佛法 焉知常受佛恩？此恩此德 邱山難喻 自非發廣大心 行菩薩道 建立佛法 救度眾生 縱使粉身碎骨 豈能酬答 是為發菩提心 第一因緣也。（◎邱—通「丘」）

云何念父母恩？哀哀父母 生我劬勞 十月三年 懷胎乳哺 推乾去濕 嘔苦吐甘 才得成人 指望紹繼門風 供奉祭祀 今我等 既已出家

濫稱釋子 忝號沙門 甘旨不供 祭掃不給 生不能養其口體 死不能導其神靈 於世間則為大損 於出世又無實益·兩途既失 重罪甯逃^註

如是思惟 唯有百劫千生 常行佛道 十方三世 普度眾生 則不唯一生父母 生生父母 俱蒙拔濟；不唯一人父母 人人父母 盡可超昇；是為發菩提心 第二因緣也·

云何念師長恩？父母雖能生育我身 若無世間師長 則不知禮義；若無出世師長 則不解佛法·不知禮義 則同於異類；不解佛法 則何異俗人？（◎甯—同「寧」◎葦門蓬戶—喻貧困人家）

今我等 粗知禮義 略解佛法 袈裟被體 戒品沾身 此之重恩 從師長得 若求小果 僅能自利·今為大乘 普願利人 則世出世間 二種師長 俱蒙利益 是為發菩提心 第三因緣也·

云何念施主恩？謂我等今者 日用所需 並非已有 三時粥飯 四季衣裳 疾病所須 身口所費 此皆出自他力 將為我用·彼則竭力躬耕 尚難餬口；我則安坐受食 猶不稱心·彼則紡織不已 猶自艱難；我則安服有餘 甯知愛惜？彼則葦門蓬戶^註 擾攘終身·我則廣宇閒庭 優悠卒歲

以彼勞而供我逸 於心安乎？將他利而潤己身 於理順乎？自非悲智雙
運 福慧二嚴 檀信沾恩^註眾生受賜 則粒米寸絲 酬償有分 惡報寧逃

是為發菩提心 第四因緣也。（◎檀——施主◎効——同「效」）

云何念眾生恩？謂我與眾生 從曠劫來 世世生生 互為父母 彼此
有恩·今雖隔世昏迷 互不相識 以理推之 寧無報効^註今之披毛帶角
安知非昔為其子乎？今之蠕動蜎飛 安知不曾為我父乎？每見幼離父母
長而容貌都忘 何況宿世親緣！今則張王難^尋記 彼其號呼於地獄之下 宛
轉於餓鬼之中 苦痛誰知 饑虛安訴？

我雖不見不聞 彼必求拯求濟 非經不能陳此事 非佛不能道此言·
彼邪見人 何足以知此？是故菩薩觀於螻蟻 皆是過去父母 未來諸佛
常思利益 念報其恩 是為發菩提心 第五因緣也。（◎俄——不久）

云何念生死苦？謂我與眾生 從曠劫來 常在生死 未得解脫 人間
天上 此界他方 出沒^沒萬端 昇沉片刻 俄焉而天^註俄焉而人 俄焉而地
獄畜生餓鬼 黑門朝出而暮還 鍊窟^窟暫離而又入 登刀山也 則舉體無完
膚·攀劍樹也 則方寸皆割裂·熱鍊不除饑 吞之則肝腸盡爛·洋銅難療

渴 飲之則骨肉都糜註利鋸解之 則斷而復續；巧風吹之 則死已還生。

猛火城中 忍聽トク叫トク嗥トク之慘註煎熬盤裏 但聞苦痛之聲 冰凍始凝 則

狀似青蓮藥結註血肉既裂 則身如紅藕華開。一夜死生 地下每經萬徧。

一朝苦痛 人間已過百年。頻煩獄卒疲勞 誰信閻翁教誡？受時知苦 雖

悔恨以何追？脫已還忘 其作業也如故。鞭驢出血 誰知吾母之悲？牽豕

就屠註焉識乃翁之痛？食其子而不知 文王尚爾。噉トク其親而未識 凡類皆

然。○糜——腐爛○叫——同「叫」○嗥——走獸叫○藥——同「慈」)

當年恩愛 今作冤家。昔日寇讎 今成骨肉 昔為母而今為婦 舊是

翁而新作夫。宿命知之 則可羞可恥。天眼視之 則可笑可憐。糞穢叢中

十月包藏難過。膿血道裏 一時倒下可憐。(○豕——豬)

少也何知 東西莫辨 長而有識 貪欲便生 須臾而老病相尋 迅速

而無常又至 風火交煎 神識於中潰亂 精血既竭 皮肉自外乾枯 無一

毛而不被針鑽 有一竅而皆從刀割 龜之將烹 其脫殼也猶易。神之欲謝

其去體也倍難。心無常主 類商賈而處處奔馳。身無定形 似房屋而頻

頻遷徙。大千塵點 難窮往返之身。四海波濤 孰計別離之淚。戕トク戕積骨

註過彼崇山 莽莽橫尸 多於大地・向使不聞佛語 此事誰見誰聞 未覩佛經 此理焉知焉覺・（◎我——同「峨」◎泥犁——地獄◎濯——洗）

其或依前貪戀 仍舊癡迷 祇恐萬劫千生 一錯百錯 人身難得而易失 良時易往而難追・道路冥冥 別離長久 三途惡報 還自受之 痛不可言 誰當相代！興言及此 能不寒心？是故宜應斷生死流 出愛欲海 自他兼濟 彼岸同登 曠劫殊勛 在此一舉 是為發菩提心 第六因緣也・

云何尊重己靈？謂我現前一心 直下與釋迦如來 無二無別・云何世尊 無量劫來 早成正覺 而我等昏迷顛倒 尚做凡夫？又佛世尊 則具有無量神通智慧 功德莊嚴・而我等 則但有無量業繫煩惱 生死纏縛・心性是一 迷悟天淵 靜言思之 豈不可恥？

譬如無價寶珠 沒在淤泥 視同瓦礫 不加愛重 是故宜應以無量善法 對治煩惱・修德有功 則性德方顯・如珠被濯 懸在高幢 洞達光明 映蔽一切 可謂不孤佛化 不負己靈 是為發菩提心 第七因緣也・

云何懺悔業障？經言：「犯一吉羅 如四天王壽 五百歲墮泥犁中 吉羅小罪 尚獲此報 何況重罪？其報難言・今我等日用之中 一舉一

動 恆違戒律 一殮註一水註頻犯尸羅註一日所犯 亦應無量 何況終身歷劫 所起之罪 更不可言矣！且以五戒言之 十人九犯 少露多藏。五戒名為優婆塞戒 尚不具足 何況沙彌 比丘 菩薩等戒 又不必言矣！

問其名 則曰我比丘也。問其實 則尚不足為優婆塞也。豈不可愧哉？當知：佛戒不受則已 受則不可毀犯。不犯則已 犯則終必墮落。若非自愍愍他 自傷傷他 身口併切 聲淚俱下 普與眾生 求哀懺悔 則千生萬劫 惡報難逃 是為發菩提心 第八因緣也。（◎尸羅—戒）

云何求生淨土？謂在此土修行 其進道也難。彼土往生 其成佛也易。易故一生可致 難故累劫未成。是以往聖前賢 人人趣向 千經萬論 處處皆歸。末世修行 無越於此。然經稱少善不生 多福乃致。言多福則莫若執持名號。言多善 則莫若發廣大心。是以暫持聖號 勝於布施百年。一發大心 超過修行歷劫。（◎殮—餐◎畊—同「耕」）

蓋念佛 本期作佛 大心不發 則雖念奚為？發心原為修行 淨土不生 則雖發易退。是則下菩提種 畊註以念佛之犁註道果自然增長。乘大願船 入於淨土之海 西方決定往生 是為發菩提心 第九因緣也。

云何令正法久住？謂我世尊 無量劫來 為我等故 修菩提道 難行能行 難忍能忍 因圓果滿 遂致成佛。既成佛已 化緣周訖 入於涅槃 正法像法皆已滅盡 僅存末法 有教無人 邪正不分 是非莫辨 競爭人我 盡逐利名 舉目滔滔 天下皆是 不知佛是何人 法是何義 僧是何名 衰殘至此 殆不忍言。（◎吉羅——於作惡事後，追悔之心）

每一思及 不覺淚下 我為佛子 不能報恩 內無益於己 外無益於人 生無益於時 死無益於後 天雖高不能覆我 地雖厚不能載我 極重罪人 非我而誰？由是痛不可忍 計無所出 頓忘鄙陋 忽發大心 雖不能挽回末運於此時 決當圖護持正法於來世。

是故偕諸善友 同到道場 述為懺摩^註 建茲法會 發四十八之大願 願願度生。期百千劫之深心 心心作佛 從於今日 盡未來際 畢此一形 誓歸安養。既登九品 回入娑婆 俾得佛日重輝 法門再闡。僧海澄清 於此界 人民被化於東方 劫運為之更延 正法得以久住 此則區區真實 苦心 是為發菩提心 第十因緣也。（◎懺摩——懺悔）

如是十緣備識 八法周知 則趣向有門 開發有地。相與得此人身

居於華夏註六根無恙 四大輕安 具有信心 幸無魔障·況今我等 又得
出家 又受具戒 又遇道場 又聞佛法 又瞻舍利 又修懺法 又值善友
又具勝緣·不於今日 發此大心 更待何日？

唯願大眾 愍我愚誠 憐我苦志 同立此願 同發是心 未發者今發
已發者增長 已增長者 今令相續·勿畏難而退怯 勿視易而輕浮 勿
欲速而不久長 勿懈怠而無勇猛 勿萎靡而不振起 勿因循而更期待 勿
因愚鈍而一向無心 勿以根淺而自鄙無分·(◎華夏—中國)

譬諸種樹 種久則根淺而日深·又如磨刀 磨久則刀鈍而成利·豈可
因淺勿種 任其自枯？因鈍弗磨 置之無用？又若以修行為苦 則不知懈
怠尤苦 修行則勤勞暫時 安樂永劫·懈怠則偷安一世 受苦多生·況乎
以淨土為舟航 則何愁退轉！又得無生為忍力 則何慮艱難！

當知：地獄罪人 尚發菩提於住劫 豈可人倫佛子 不立大願於今
生？無始昏迷 往者既不可諫 而今覺悟 將來猶尚可追·然迷而未悟
固可哀憐 苟知而不行 尤為痛惜·若懼地獄之苦 則精進自生·若念無
常之速 則懈怠不起·又須以佛法為鞭策 善友為提攜 造次弗離 終身

依賴 則無退失之虞矣！勿言一念輕微 勿謂虛願無益·心真則事實 願
廣則行深·虛空非大 心王為大·金剛非堅 願力最堅·大眾 誠能不棄
我語 則菩提眷屬 從此聯姻 蓮社宗盟 自今締好·所願同生淨土 同
見彌陀 同化眾生 同成正覺·則安知未來三十二相 百福莊嚴 不從今
日發心立願而始也？願與大眾共勉之 幸甚幸甚！（◎四智——成所作智、
妙觀察智、平等性智、大圓鏡智◎三身——法、報、化之各身）

蓮宗八祖蓮池大師西方發願文（◎五體——頭、兩手、兩腳）

稽首西方安樂國 接引眾生大導師 我今發願願往生 唯願慈悲哀攝
受·弟子某甲普為四恩三有 法界眾生 求於諸佛 一乘忍無上菩提道故
專心持念阿彌陀佛 萬德洪名 期生淨土·又以業重福輕 障深淺慧 染
心易熾不 淨德難成·今於佛前 翹勤五體註披瀝一心 投誠懺悔·我及眾
生 曠劫至今 迷本淨心 縱貪瞋癡 染穢三業 無量無邊·所作罪垢
無量無邊 所結冤業 願悉消滅·從於今日 立深誓願 遠離惡法 誓不
更造 勤修聖道 誓不退墮 誓成正覺 誓度眾生·阿彌陀佛 以慈悲願
力 當證知我 當哀愍我 當加被我文·願我禪觀之中 夢寐之際 得見阿

彌陀佛 金色之身 得歷阿彌陀佛 寶巖之土·得蒙阿彌陀佛 甘露灌頂
光明照身·手摩我頭 衣覆我體 使我宿障自除 善根增長 疾空煩惱
頓破無明 圓覺妙心 廓然開悟 寂光真境 常得現前·至於臨欲命終
預知時至 身無一切病苦厄難^{ヲク} 心無一切貪戀迷惑 諸根悅豫 正念分
明 捨報安詳 如入禪定·阿彌陀佛 與觀音勢至 諸聖賢眾 放光接引
垂手提攜·樓閣幢幡 異香天樂 西方聖境 昭示目前 令諸眾生 見
者聞者 歡喜感歎 發菩提心·我於爾時 乘金剛台 隨從佛後 如彈指^{ヲク}
頃 生極樂國·七寶池內 勝蓮華^{ヲク}中 華開見佛 見諸菩薩 聞妙法音
獲無生忍·於須臾間 承事諸佛 親蒙佛授記·得授記已 三身四智^{ヲク}五
眼六通^{ヲク}無量百千陀羅尼門^{ヲク}一切功德 皆悉成就·然後不違安養 回入
娑婆 分身無數 徧十方刹 以不可思議自在神力 種種方便 度脫眾生
咸令離染 還得淨心 同生西方 入不退地·如是大願 世界無盡 眾
生無盡 業及煩惱 一切無盡 我願無盡·願今禮佛發願 修持功德 回
施有情 四恩總報 三有齊資 法界眾生 同圓種智·
◎陀羅尼——咒◎困——積穀的圓形物◎庀材——準備材料·

蓮宗八祖蓮池大師（◎袿——紅衣◎嫗——老婦人）

袿^ㄉ宏^註字佛慧 號蓮池 杭州仁和沈氏子也。年十七補諸生 以學

行稱。鄰有老嫗^註日課佛名數千 問其故。嫗曰：「先夫持佛名 臨終無病 與人一拱而別 故知念佛功德 不可思議。」宏自此棲心淨土 書

「生死事大」四字 於案頭以自策。年三十一出家 謁徧融 笑巖諸大老

參「念佛者是誰」有省。隆慶五年 乞食雲棲。見山水幽絕 居焉。山

故多虎 為放瑜伽餓口 虎不為患。歲亢旱 居民乞禱雨 曰：「吾但知

念佛 無他術也。」眾固請 乃持木魚 出循田塍^註行唱佛名 時雨隨注

如足所及 眾悅 相與庀材造屋^註衲子已歸附 遂成叢林。

宏主張淨土 痛斥狂禪 著阿彌陀經疏鈔 融會事理 統攝三根 至

為淵奧。時有曹魯川者 致書雲棲 略曰：「夫釋尊有三藏十二部教^註所

謂於廣大海 張眾多網 又所謂大困^註小困也者。祇宜談大以該小 詎可

舉一而廢多？比吾黨中 有唱為歷劫成聖 必漸無頓之說者。夫漸亦聖說

未嘗不是 而以漸廢頓左矣！（◎塍——分田界的小路）

尊者內秘頓圓 而外顯淨土法門 諸佛有然 無足疑者。奈近來聽眾

直欲以彌陀一聖 而盡廢十五王子 以淨土一經 而盡廢三藏十二部 則不佞之所不願聞也。時雖末法 而斯人之機 豈無利鈍？有如釋尊 為迦葉 為憍陳如 其說如此。為善財 為龍女 其說如彼。二十五聖 各証圓通 文殊所稱 又如彼。（◎適—同「適」◎鷄—鶴）

正所謂昨日定 今日不定。又所謂說我是空 且不是空。說我是有 且不是有。此所以為善無常主 活潑潑地 如水上按葫蘆然。倘釘椿守窟 焉利人天？所願尊者 為大眾衍淨教 遇利根 指上乘 圓融通達 不滯方隅 俾鵬鷄並適註不亦盡善盡美哉！

又佛華嚴 乃無上一乘圓教 如來稱性之極談 尊者乃與彌陀經並稱 已似未妥。因此遂有著論騰之 駕淨土於華嚴之上者 朱紫遞淆之謂何？亦願尊者 為淨土根人 說淨土 為華嚴根人說華嚴 毋相誚註亦毋相濫。乃為流通佛乘 乃為五教並陳註三根盡攝 奈之何必 刻舟而求劍 且彈雀而走鷄也？（◎五教—小、始、終、圓、頓◎誚—譏刺）

宏報書曰：「夫華嚴具無量門 求生淨土 華嚴無量門中之一門耳。就時之機 蓋由此一門而入華嚴 非舉此一門而廢華嚴也。來諭謂不肖以

彌陀與華嚴並稱^註因此遂有著論 駕淨土於華嚴之上者 此論誰作乎？

華嚴如天子 誰有駕諸侯 王大臣百官 於天子之上者乎？然不肖亦未嘗並稱也。疏鈔中 特謂華嚴圓極 彌陀經得圓少分 是華嚴之眷屬流類 非並也。又來論 謂宜隨機演教 為宜淨土人 說淨土；宜華嚴人說華嚴；此意甚妙。（◎論—訓◎恠—同「怪」◎遮那—毘盧遮那）

然中 有二義：一者 千機並育 乃如來出世事 非不肖所能。故曹溪專直指之禪 豈其不通餘教？遠公擅東林之社 亦非止接鈍根？至於雲門 法眼 曹洞 潞仰 臨濟 雖五宗 同出一原 而亦授受稍別 門庭施設 理自應爾 無足恠者^註況不肖凡品乎？若其妄效古人 昨日定 今日不定 而漫無師承 變亂不一 名曰利人 實悞人矣^註何以故？我為法王 於法自在 平民號曰國王 不可不慎也。（◎悞—同「誤」）

二者 說華嚴則該淨土 說淨土亦通華嚴。是以說華嚴者 自說華嚴 說淨土者自說淨土；固並行而不相悖。今人但知華嚴廣於極樂 而不知彌陀即是遮那也^註又龍樹於龍宮而出華嚴 而願生極樂。普賢為華嚴長子 而願生極樂。文殊與普賢同佐遮那 號華嚴三聖 而願生極樂 咸有明

據 皎如日星。

居士將提唱華嚴 以風四方 而與文殊 普賢 龍樹違背 此又不肖
之所未解也。況方山 列十種淨土 極樂雖曰是權 而華嚴權實融通 理
事無礙 事事無礙。故娼房殺地 無非清淨道場 而況七寶莊嚴之極樂乎！

婆須無厭 皆是古佛作用 而況萬德具足之彌陀乎？居士遊戲於華嚴
無礙門中 而礙淨土 此又不肖之所未解也。不肖與居士同為華藏莫逆良
友 而居士不察；區區之心 復欲拉居士 為蓮胎骨肉弟兄 而望居士之
不我外也。」（◎遲—同「遲」◎僉—都）

魯川復致書曰：「諸不了義經論別行 普賢行願品 與起信等論 皆
稱說淨土 此豈無因？然華嚴經中 未嘗及之 即方山所列第十淨土更晰
也。法華鱗差十六王子 內有彌陀 未嘗定為一尊 其讚持經功德 旁援
安樂 實說女人因果。」

首楞嚴二十五聖證圓通 文殊無所軒輕 但云方便有多門。又云：順
逆皆方便。然繼以遲速不同倫註則於無軒輕中 又未嘗無指歸也者。故要
極於普門而不推詡夫勢至 更加貶剝 曰無常 曰生滅。若夫賢首 清涼

諸師註亟標小始終頓圓五教 僉く以為允註而未嘗品及淨土・心宗家流 尤所蕩掃・如齊己禪師曰：唯有徑路修行 依舊打之遶 但念阿彌陀佛 念得不濟事・（◎清涼—觀澄國師◎三乘—聲聞、緣覺、菩薩）

又曰：其或準前 捨父逃去 流落他鄉 東撞西磕 苦哉阿彌陀佛・此等語言 或以為苛・然豈無謂而彼言之 亦必有道矣！所以達者 亟道祇劫 辛苦修行 不如一念 得無生法忍・（◎漚—泡沫◎顧—故）

又道：一念緣起無生 超出三乘權學 況無論三乘一乘註要之無我我所註今之往生淨土者 我為能生 土為所生 自他歷然 生滅宛然 欣厭紛然 所未及悉 顧從來談淨土者註必曰華開見佛悟無生・蓋必往生而見彌陀 始從觀音 若勢至 抑或彌陀 誨以無生 此時方悟 似為迂遲・

再華嚴性海 所現全身 如人身中 有八萬四千毛孔 東藥師 西彌陀 各各在一毛孔中 說法度生・倘拋撮全身 入一毛孔 不但海漚又倒置註而蠅投牕紙註其謂之何？（◎我所—我以外之物◎牕—同「窗」）

昨不佞手疏所云：為宜淨土人說淨土 為宜華嚴人說華嚴 自謂不悖諸佛法門 亦是為尊者 赤心片片・尊者乃欲攜我入蓮胎 則昔人所云捉

物入迷津 與夫棄金擔草之謂矣！尊者會下聽眾 自杭過蘇者 罔弗津津
九品・間與之言 稍涉上乘 則駭心瞠目 或更笑之 此其過在弟子耶
在師耶？

大丈夫氣宇沖天 度生為急 既出世矣 開堂矣 敷座矣 不具大人
作略 祇作閭巷老齋公 老齋婆舉止 忽被伶俐人問著 明眼人拶著 擬
向北斗裏潛身耶？抑鐵圍山裏潛身耶？佛法大事 非同小可 願尊者重厝
意焉。」

宏又以書復曰：「辱惠書元詞妙辯 汪濊層疊 誠羨之仰之。然竊以
為愛我深 而詞太費也。果欲揚禪宗 抑淨土 不消多語 曷不曰：『三
世諸佛 被我一口吞盡？』既一佛不立 何人更是彌陀？又曷不曰：『若
人識得心 大地無寸土。』既寸土皆無 何方更有極樂國？只此二語 來
論 攝無不盡矣！」

茲擬一一酬對 則恐犯鬥爭；不對 則大道所關 終不可默 敢略陳
之。來論 謂不了義經 乃談說淨土 而以行願品起信論當之。起信且
止 行願以一品而攝八十卷之全經 自古及今 誰敢議其不了義者？居士

獨尚華嚴 而非行願 行願不了義 則華嚴亦不了義矣！

又來論 謂法華記往生淨土 為女人因果 則龍女成佛 亦只是女人因果耶？謂彌陀乃十六王子之一 則毘盧遮那 亦只是二十重華藏之第十三耶？居士獨尊毘盧 奈何毘盧與彌陀等也。

又來論 謂楞嚴取觀音 遺勢至 復貶為無常生滅 則憍陳如悟『客塵』二字 可謂達無常 契不生滅矣！何不入圓通之選？誠曰觀音登科勢至下第 豈不聞龍門點額之喻 為齊東野人之語耶？（◎紀一記）

又來論 謂齊己禪師 將古人念佛偈 逐句著語 其曰：『唯有徑路修行·』則著云：『依舊打之遶·』其曰：『但念阿彌陀佛·』則著云：『念得不濟事·』居士達禪宗 何不知 此是宗師家 直下為人解黏去縛 乃作實法會 而死在句下耶？（◎報一羞愧而臉紅◎筍—同「札」）

果爾 古人有言：『躡毘盧頂上行·』則不但彌陀不濟事 毘盧亦不濟事耶？此等語言 語錄傳紀中◎百千萬億·老朽四十年前 亦曾用以快其唇吻 雄其筆筍◎後知慚愧 不敢復然；至於今 猶報報也◎又齊己謂求西方者 捨父逃逝 流落他鄉 東撞西磕 苦哉阿彌陀佛 往應之曰：

『即今卻是如子憶母 還歸本鄉 捨東得西 樂哉阿彌陀佛。』且道此語與齊己所說 相去多少？

又來論 謂多劫修行 不如一念得無生法忍。居士已得無生法忍否？如得 則不應以我為能生 以土為所生。何則即心是土 誰為能生？即土是心 誰為所生？不見能生 所生而往生 故終日生 而未嘗生也。

乃所以為真無生也 必不許生而後 謂之無生；是斷滅空也 非無生之旨也。又來論 以華開見佛 方悟無生 則為迂遲。居士達禪宗 豈不知 從迷得悟 如睡夢覺 如蓮華開 念佛人有現生見性者 是華開頃刻也 有生後見性者 是華開久遠也。機有利鈍 功有勤惰 故華開有遲速 安得槩以為迂遲耶（分）（◎槩——同「概」◎止——只）

又來論 喻華藏以全身 喻西方以毛孔。生西方者 如撮全身入毛孔 為海漚倒置。夫大小之喻 則然矣！第居士通華嚴宗 奈何止許小入大（註）不許大入小？且大小相入 特華嚴十玄門之一元耳（註）舉華藏不可說 不可說無盡世界 而入極樂國一蓮華中 尚不盈華之一葉 葉之一芥子地 則何傷於全身之入毛孔也？

又來諭 謂荒山僧 但問以上乘 便駭心瞠目。居士向謂 宜華嚴者 語以華嚴 宜淨土者語以淨土。今此鈍根輩 正宜淨土 何為不與應病之藥 而強聒之耶註（●聒——聲音誼華）

又來諭 謂老朽既出世開堂 不具大人作略 而作老齋公 齋婆舉止 被伶俐人問著 明眼人拶著 向北斗裏潛身耶 鐵圍裏潛身耶？老朽曾不敢當出世之名 自應無有大人之略 姑置弗論 而以修淨土者 鄙之齋公齋婆 則古人所謂非鄙愚夫愚婦 是鄙文殊 普賢 馬鳴 龍樹也。豈獨文殊 普賢 馬鳴 龍樹 凡遠公 善導 天台 永明等諸菩薩 諸善知識 悉齋公齋婆耶？

劉遺民 白少傅 柳柳州 蘇長公等諸大君子 悉齋公齋婆耶？就令齋公齋婆 但念佛往生者 即得不退轉地 亦安可鄙耶！且齋公齋婆 庸呆下劣 而謹守規模者 是也 愚也。若夫聰明才辯 妄談般若 喫得肉已飽 來尋僧說禪者 魔也。愚貴安愚 吾誠自揣矣！寧為老齋公老齋婆 無為老魔民 老魔女也。至於所稱伶俐人 明眼人者 來問著拶著 則彼齋公齋婆 不須高登北斗 遠覓鐵圍 只就伶俐漢 咽喉處安單 明眼

人 瞳子上敷座 何以故？且教伊暫閉口頭三昧 回光返照故。抑居士尚
 華嚴而力詆淨土？老朽業淨土而極贊華嚴 居士靜中 試一思之 是果何
 為而然乎？（◎郿塢——奸佞藏財享樂終老之所◎抄——末了）

又來諭 謂勸己求生淨土 喻如棄金擔麻 是顛倒行事 大相屈辱也。
 但此喻 尚未親切 今代作一喻。如農人 投刺於大富長者之門 延之入
 彼田舍 聞者皆笑之。農人更掃徑謀重請焉。笑之者曰：『主人向者不汝
 責幸矣 欲為馮婦乎？』農人曰：『吾見諸富室 有為富而不仁者 有外
 富而中貧者 有未富而先驕者 有典庫於富人之門 而自以為富者 且金
 谷郿塢^々於今安在哉？而吾以田舍翁 享太平之樂 故忘而為此 今知過
 矣！』於是相與大笑散去。」

宏居常廣修眾善 以資淨業。時戒壇 久禁不行 宏令求戒者 具三
 衣 於佛前受之 為作證明 又定水陸儀文及瑜伽餓口 以拯幽冥之苦。
 開放生池 著戒殺文 從而化者甚眾。萬曆四十年六月杪^註 忽入城別諸弟
 子 及故舊曰：「吾將他往。」還山設茶別眾 眾莫測。至七月朔 晚入
 堂曰：「明日吾行矣！」次夕入丈室 示微疾 瞑目坐 城中諸弟子畢至

復開目云：「大眾老實念佛 莫捏怪 莫壞我規矩。」向西稱佛名而逝
年八十一。（淨土聖賢錄）（◎緇—黑，喻出家◎白—喻居士）

蓮宗九祖省庵法師（◎然—同「燃」◎僊—同「仙」）

實賢 字思齊 號省庵 常熟時氏子也。自少不茹葷_葷 出家後參

「念佛者是誰」有省 曰：「吾夢覺矣。」掩關真寂寺三年 晝覽藏文

晚課佛號 詣鄮山禮阿育王塔。嘗以佛涅槃日 大合緇白_註廣修供養。然指

佛前_註發四十八大願 卒感舍利放光。作勸發菩提心文 激厲四眾 誦者

多為涕下 晚居杭州僊林寺_註（◎櫻—犯）

雍正七年 結蓮社 為文誓眾 以畢命為期。判日課為二十分—十分

持名 九分作觀 一分禮懺。其示禪者念佛偈曰：「一句彌陀 頭則公案

無別商量 直下便判。如火火聚 觸之則燒 如太阿劍 櫻之則爛_註八

萬四千法藏 六字全收 千七百隻葛藤 一刀齊斷。任他佛不喜聞 我自

心心憶念 請君不必多言 只要一心不亂。」

十一年臘月八日 告弟子曰：「明年四月 吾其去矣！」遂掩關一室

日課佛名十萬聲 明年四月十二日 告眾曰：「月朔以來^註再見西方三聖 其將往生乎！」遂書偈 辭眾·明日 斷食飲 斂目危坐 五更具浴更衣 十四日將午 面西寂然·送者麋^註至^註忽張目曰：「吾去即來 生死事大 各自淨心 念佛可矣·」合掌連稱佛名 遂逝 年四十九（淨土聖賢錄）·（◎朔—初◎麋—群集）

◎十二部—契經、應頌、記別、諷頌、自說、因緣、譬喻、本事、本生、方廣、希法、論議（第231頁）·

◎十玄門—同時具足相應門、廣狹自在無礙門、一多相容不同門、諸法相即自在門、隱密顯了俱成門、微細相容安立門、因陀羅網法界門、託事顯法生解門、十世隔法異成門、主伴圓明具德門（第238頁）·

◎四弘誓願—眾生無邊誓願度、煩惱無盡誓願斷、法門無量誓願學、佛道無上誓願成（第207頁）·

◎四向四果—須陀洹向、須陀洹果、斯陀含向、斯陀含果、阿那含向、阿那含果、阿羅漢向、阿羅漢果（第179頁）·

佛學名相暨辭彙

- ◎三十七道品——①四念處：觀身不淨、觀受是苦、觀心無常、觀法無我
- ②四正勤：已生惡令斷、未生惡令不生、未生善令生、已生善令增長③四神足：欲、精進、念、思惟④五根：信、進、念、定、慧⑤五力：信、進、念、定、慧⑥七覺支：擇法、精進、喜、除、捨、定、念⑦八正道：正見、正思惟、正語、正業、正命、正定、正念、正精進（第118頁）。
- ◎十力——處非處智力、知業報智力、知諸禪解脫三昧智力、知諸根勝劣智力、知種種解脫智力、種種界智力、徧趣行智力、宿命智力、死生智力、漏盡智力◎十八不共法——身無失、口無失、念無失、無異想、無不定心、無不知己捨心、欲無減、精進無減、念無減、慧無減、解脫無減、解脫知見無減、一切身業隨智慧行、一切口業隨智慧行、一切意業隨智慧行、智慧知見過去世無礙無障、智慧知見現在世無礙無障、智慧知見未來世無礙無障（第169頁）。

補闕真言

南無喝囉怛那 哆囉夜耶 佉囉佉囉 俱住俱住 摩囉摩囉 虎囉吽

賀賀 蘇怛拏吽 潑抹拏 娑婆訶

懺悔偈 (罪從心起將心懺 心若滅時罪亦亡 心亡罪滅兩俱空 是則名為真懺悔)

我昔所造諸惡業 皆由無始貪瞋痴

從身語意之所生 一切我今皆懺悔

懺悔文 (●源錄—八十八佛洪名寶懺 大乘金剛般若寶懺)

弟子○○○至心懺悔 自從無始至於今日 未識佛時 未聞法時 未遇僧時

不知善惡 不信因果·遇不善緣 近惡知識 動身口意 無惡不為·身業不善 行

殺 盜 淫·口業不善 妄言 綺語 惡口 兩舌·意業不善 起貪 嗔 癡·殺

父 殺母 殺阿羅漢 破和合僧 出佛身血·焚燒塔寺 誹謗大乘 侵損常住 汗

梵誣僧 犯諸禁戒 作不律儀 自作教他 見聞隨喜 如是等罪 無量無邊·今日

披陳 發露懺悔·惟願三寶 同賜哀憐 令我罪根 一念霜融 悉皆清淨·

三皈依

自皈依佛

自皈依法

自皈依僧

當願眾生

當願眾生

當願眾生

體解大道

深入經藏

統理大眾

發無上心

智慧如海

一切無礙

和南聖眾

回向

諸佛正法賢聖僧

以我所修諸福德

菩提道中我皈依

為利眾生願成佛

(回向—須從自心發出真實成佛願、行，至誠懇切，普願一切眾生同生西方極樂世界，而我心無所執，如是清淨心，等如虛空，是名回向。)

三皈依 回向

二四五

回向（回向之意義——回小向大、回迷向悟、回事向理、回凡向聖）

願以此念經咒 念佛功德 恭請十方三世 一切佛菩薩 正法
脈三寶 傳承祖師 龍天護法 恆常住世 法輪常轉 有情無情
同圓種智·並加被○○○（所要回向的對象）及其累世冤親債主
生生世世父母師長 歷代祖先 法界眾生 皆能信受正法三寶 每
個當下 清淨佛心相續·十方世界一切眾生 過去 現在 未來之
每個當下 修行施 戒 心 慧 等善妙事 已生而圓滿 未生者
令生·不善事 已生者令消除 未生者令不生·一切怨結 病障
魔障 邪氣 詛咒 皆消除·十方三世諸佛願行 回向如是 我亦
如是·我與法界眾生皆發四弘誓願 及普賢菩薩十大願行之菩提心
並願生西方極樂淨土 修證佛果 度一切眾生 眾生皆成佛·

南無阿彌陀佛！

慈雲懺主晨朝十念法

宋·遵式（慈雲懺主）法師

十念門者 每日清晨服飾已後 面西正立 合掌連聲 稱阿彌陀佛 盡一氣為一念 如是十氣 名為十念。但隨氣長短不限佛數 唯長唯久 氣急為度。其佛聲不高不低 不緩不急 調停得中。如此十氣連屬不斷 意在令心不散 專精為攻 故名此為十念者 顯是藉氣束心也。作此念已 發願回向云：

我弟子某甲（唸自己姓名） 一心皈命 極樂世界 阿彌陀佛。
願以淨光照我 慈誓攝我。我今正念 稱如來名 經十念頃 為菩提道 求生淨土。佛昔本誓 若有眾生 欲生我國 志心信樂 乃至十念 若不 生者 不取正覺。唯除五逆誹謗正法 我今自憶 此生已來不造逆罪 不 謗大乘 願此十念 得入如來大誓海中。承佛慈力 眾罪消滅 淨因增長。
·若臨欲命終 自知時至。身不病苦 心無貪戀 心不散倒 如入禪定。
佛及聖眾 手執金臺 來迎接我 如一念頃 生極樂國。華開見佛 即聞 佛乘 頓開佛慧。廣度眾生 滿菩提願。

般若波羅蜜多心經

為十方三世一切佛、成佛之心要、字字真空妙心、達契實相，能除九界生死之苦，證佛果。每日早晚各念或108遍倍數。

觀自在菩薩行深般若波羅蜜多時照見五蘊皆空度一切苦厄舍

利子色不異空空不異色色即是空空即是色受想行識亦復

如是舍利子是諸法空相不生不滅不垢不淨不增不減是故

空中無色無受想行識無眼耳鼻舌身意無色聲香味觸法無眼界

乃至無意識界無無明亦無無明盡乃至無老死亦無老死盡

無苦集滅道無智亦無得以無所得故菩提薩埵依般若波羅蜜多

故心無罣礙無罣礙故無有恐怖遠離顛倒夢想究竟涅槃三世

世諸佛依般若波羅蜜多故得阿耨多羅三藐三菩提故知般若波羅

蜜多是大神咒是大明咒是無上咒是無等等咒能除一切苦

真實不虛故說般若波羅蜜多咒即說咒曰揭諦揭諦波羅揭諦

波羅僧揭諦菩提娑婆訶

大悲咒

(心誠每日持奈或108遍倍數之咒—當生諸佛國、具足無量三昧辯才、善求皆滿願、治一切病)

蘇盧	囉舍耶	穆帝	罰闍耶帝	摩醯摩醯	醯盧迦帝	薩婆薩哆	南無那囉謹墀	但那怛寫	提薩埵婆耶	南無	南無
菩提夜	呼盧呼盧	伊醯移醯	陀囉陀囉	唎馱孕	迦羅帝	那摩婆薩多	南無悉吉栗埵	南無	摩訶薩埵婆耶	喝囉怛那	喝囉怛那
菩提夜	呼盧呼盧	室那室那	地唎尼	俱盧俱盧	夷醯唎	那摩婆伽	伊蒙阿唎耶	伊蒙阿唎耶	摩訶迦盧尼迦耶	哆囉夜耶	哆囉夜耶
菩馱夜	呼盧呼盧	阿囉嚩	室佛囉耶	羯蒙	摩訶菩提薩埵	摩罰特豆	薩婆阿他	婆盧吉帝	摩訶迦盧尼迦耶	南無阿唎耶	南無阿唎耶
彌帝唎夜	娑囉娑囉	佛囉舍利	遮囉遮囉	度盧度盧	薩婆薩埵	怛姪他	豆輸朋	室佛囉楞馱婆	薩埵囉罰曳	婆盧羯帝	婆盧羯帝
那囉謹墀	悉唎悉唎	罰沙罰參	摩摩	罰闍耶帝	摩囉摩囉	唎	阿逝孕	數	數	爍鉢囉耶	爍鉢囉耶
地	蘇盧	佛	摩囉	摩訶	摩囉	盧	盧			菩	菩

利瑟尼那 波夜摩那 娑婆訶 悉陀夜 娑婆訶 摩訶悉陀夜 娑婆訶

訶 悉陀喻藝 室幡囉耶 娑婆訶 那囉謹墀 娑婆訶 摩囉那囉

娑婆訶 悉囉僧 阿穆佉耶 娑婆訶 娑婆訶 阿悉陀夜 娑婆訶

者吉囉 阿悉陀夜 娑婆訶 波陀摩羯 悉哆夜 娑婆訶 南無喝囉怛那

墀 幡伽囉耶 娑婆訶 摩婆利 勝羯囉夜 娑婆訶 南無喝囉怛那

哆囉夜耶 南無阿唎耶 婆羅吉帝 爍幡囉耶 娑婆訶 南無喝囉怛那

都 漫哆囉 跋馱耶 娑婆訶 娑婆訶 娑婆訶 娑婆訶 娑婆訶 娑婆訶 娑婆訶

如意寶輪王陀羅尼 (心誠每日持奈或108遍倍數之咒一具足佛智、轉煩惱為菩提)

南無佛陀耶 南無達摩耶 南無僧伽耶 南無觀自在菩薩摩訶薩 具

大悲心者 怛姪他 唵 斫羯囉伐底 震多末尼 摩訶鉢蹬謎 嚕嚕

嚕嚕 底瑟吒 嚕囉阿羯利 沙夜吽 發莎訶 唵 鉢蹋摩 震多末

尼 篇囉吽 唵 跋喇陀 鉢亶謎吽

消災吉祥神咒 (心誠每日持奈或108遍倍數之咒，消除災難而吉至)

曩謨三滿哆 母馱喃 阿鉢囉底 賀多舍娑曩喃 怛姪他 唵 佉佉

佉佉 佉佉 吽吽 入嚩囉 入嚩囉 鉢囉入嚩囉 鉢囉入嚩囉

底瑟姪 底瑟姪 瑟致哩 瑟致哩 娑發吒 娑發吒 扇底迦 室哩

曳 娑嚩訶 (◎註：佉佉—文殊大士眷屬◎佉佉—普賢大士眷屬)

功德寶山神咒 (心誠每日持奈或108遍倍數之咒—如禮大佛，臨終至佛淨土)

南無佛陀耶 南無達摩耶 南無僧伽耶 唵 悉帝護嚩嚩 悉都嚩

只利波吉利婆 悉達哩 布嚩哩 娑婆訶

準提神咒 (心誠每日持奈或108遍倍數之咒—可具足善財、健康、正當事業，滿一切善願)

稽首皈依蘇悉帝 頭面頂禮七俱胝

我今稱讚大準提 惟願慈悲垂加護

南無颯哆喃 三藐三菩提 俱胝喃 怛姪他 唵 折戾主戾 準提

娑婆訶

聖無量壽決定光明王陀羅尼

(心誠每日持奈或108遍倍數之咒—可消除短命夭折、增壽吉祥—)

唵 捺摩巴葛瓦帝 阿巴囉密杳 阿優哩阿納 蘇必你 實執杳 牒

左囉宰也 怛塔哥達也 阿囉訶帝 三藥三不達也 怛你也塔 唵

薩哩巴 桑斯葛哩 叭哩述杳 達囉馬帝 哥哥捺 桑馬兀哥帝 莎

巴瓦 比述帝 馬喝捺也 叭哩瓦哩 娑訶

藥師灌頂真言

(心誠每日持奈或108遍倍數之咒—具足成辦藥師佛之悲願—)

南無薄伽伐帝 鞞殺社 寔嚕薜瑠璃 鉢喇婆 喝囉闍也 怛他揭多

也 阿囉喝帝 三藐三勃陀耶 怛姪他 唵 鞞殺逝 鞞殺逝 鞞殺

社 三沒揭帝 莎訶

觀音靈感真言

(心誠每日持奈或108遍倍數之咒—可契觀世音悲心—)

唵 嘛呢叭彌吽 麻葛倪牙納 積都特巴達 積特此納 微達哩葛

薩而幹而塔
卜哩悉塔葛
納補囉納
納卜哩
丟忒班納
唵麻嚧吉
說囉耶莎訶

七佛滅罪真言

(心誠每日持奈或108遍倍數之咒—可除四重五逆、過去重罪情寃、孽緣之業)

離婆離婆帝
求訶求訶帝
陀羅尼帝
尼訶囉帝
毘黎你帝
摩訶伽
帝
真陵乾帝
莎婆訶

往生淨土神咒

(心誠每日持奈或108遍倍數之咒—可消災、滅罪、超度亡者至西方淨土)

南無阿彌多婆夜
哆他伽多夜
哆地夜他
阿彌利都婆毗
阿彌利
伽彌膩
伽伽那
枳多迦利
娑婆訶

善女天咒

(心誠每日持奈或108遍倍數之咒—早日修成金光明三昧、轉三障速証菩提)

南無佛陀
南無達摩
南無僧伽
南無室利摩訶提鼻耶
怛你也他
波利富樓那
遮利三曼陀
達舍尼
摩訶毗訶羅伽帝
三曼陀
毗尼

伽帝カセ 摩訶迦利野マカカリノ 波禰ハミ 波囉ハラク 波禰ハミ 薩利サリ 縛栗他ハクシタ 三曼陀サンマンダ 休鉢シュハツ
 黎帝カセ 富隸那フクニナ 阿利那アリナ 達摩帝ダマテ 摩訶毗鼓畢帝マカヒクヒテ 摩訶彌勒帝マカミレテ 婁簸ルハ
 僧祇帝ソウキテ 醯帝シテ 徒僧祇トソウキ 醯帝シテ 三曼陀サンマンダ 阿他阿菟アタアツ 陀羅尼ダラニ (●註：縛——字
 典，音「ㄉㄨˋ，咒音「ㄉㄨˋ」)

◎**解毒神咒** (釋迦佛應世初期，外道常在水與食物中下毒，佛即傳此咒。唸者，
 中毒即止。今時〔民國九十二年農曆四月十五日〕中台禪寺上惟下覺老和尚在法會中，
 因應SARS之緣，心誠每日早晚各108遍之倍數)

三鉢囉佉多サンハツラクハタ

- ◎飲水前與飲食前各唸三遍。
- ◎迴向：願一切眾生皆免疫、免毒，皆成佛。

◎**解冤咒** (三寶僧眾道場，晚課中當日持念——凡緣遇他人對吾：毀謗、成見、
 誤解、不和、嫉妒、欺壓、孽緣等，皆可念此咒，心誠則契——每日早晚各108遍之倍數)

唵オン 三陀囉サンダラク 伽陀娑訶カダサカ

◎迴向：弟子○○○願念此解冤咒，蒙十方三世一切佛菩薩加持，弟子○○○與○○○（所要迴向之一切對象）之過去、現在、未來惡因、惡緣皆消除，並轉化為善因、善果、善緣、佛緣，一切皆清淨，眾生皆佛。

◎虛空藏菩薩真言

（心誠每日早晚各或108遍倍數之咒—具諸三昧、加強記憶力，懺罪滿善願）

阿彌 邏闍鞞鈴 浮娑闍鞞耶 婆奈闍鞞 博廁 娑迷 波吒 邏闍
 鞞 他奈婆邏鞞 薩多邏伽 邏泥 休磨 休磨 摩訶伽樓尼迦 娑
 婆訶

◎地藏菩薩滅定業真言

（每日早晚誠心持念108遍之倍數—拔三障苦，施三德樂，除罪具智証佛果）

唵 鉢囉 末隣 陀寧 娑婆訶

◎金剛心陀羅尼

唵 烏倫尼 娑訶

解毒神咒 解冤咒 虛空藏菩薩真言 地藏菩薩滅定業真言

二五五

天台智者大師觀心誦經法（緇門警訓卷第八）

夫欲念經滅罪·第一先須盥漱整威儀 別座跏趺而坐·

第二入觀所坐之座高廣嚴好·次觀座下皆有天龍八部 四眾圍繞聽法·次須
運心作觀—觀我能為法師傳佛正教 為四眾說想所出聲 非但此一席眾 乃至十
方皆得聽受 名為假觀·

次觀能說之人所念之經 何者是經 為經卷 是為紙墨 是為標軸 是誦者
為當心念 是口念 是為齟齬和合而出？為有我身 為無我身 誰是念者？觀此
四眾 為是實有 為後想生 四眾非有 推尋畢竟無有我 能念者是名空觀·雖
無所念之經 而有經卷紙墨文字·雖無能念之人 而有我身為四眾宣念·雖非內
外不離內外 雖非經卷不離經卷 雖非心口不出心口 從始至終必無差謬 名不
可思議·能作此解能作此觀 名為三觀·於一念得不前不後 三觀宛然 雖無施
者而有法施 雖無受者四眾宛然 雖無法座登座宣說 非一二三而一二三 名為

法施檀波羅蜜・專心執持無諸遮礙 名為持戒・忍耐惡覺 名聞財利皆不能惱
名之為忍・一心不息從始至終無有慚愧 名為精進・專念此經無有愛味 名之為
禪・分別無謬^只 序 正 流通無不諦了^カ 字句分明 名為般若^ウ・是名六波羅蜜具
足・自行此法名之為實 傳授外人名之為權 若從生至老一生已辦 以此成功德
・於無始心名為正因種子 若有心觀名為了因 高座四眾說授因緣名為緣因 三
因具足・若觀未明但是性德・研之不已觀心相應^云 名托聖胎 以胎業成就名為修
德・中間四十二位亦名性修 至於極果名為種智・伊字三點不縱不橫 名大涅槃^ヲ
名到彼岸 名第一義空平等大慧 是名念經正觀・三世諸佛無不從此而生 信
者可施無問莫說・

第三流通者 若自調自度不名為慈 見苦不救不名為悲 既修正觀現前 復
應莊嚴法界所念經竟・出觀之後 以此道觀功德 已登正覺之者 願度眾生入位
之人 悉登上地 未入位者即運慈悲二法 願未來世成等正覺也・

印光大師開示

無論在家出家 必須上敬下和 忍人所不能忍 行人所不能
行 代人之勞 成人之美·靜坐常思己過 閒談不論人非 行住
坐臥 穿衣吃飯 從朝至暮 從暮至朝 一句佛號 不令間斷·
或小聲念 或默念 除念佛外 不起別念·若或妄念一起 當下
就要教它消滅 常生慚愧心及懺悔心·縱有修持 總覺我工夫很
淺 不自矜誇 只管自家 不管人家 只看好樣子 不看壞樣子
看一切都是菩薩 唯我一人實是凡夫·果能依我所說修行
決定可生西方極樂世界·

南無阿彌陀佛

印光大師 十念記數法




當念佛時 從一句至十句 須念得分明 仍須記得分明。至十句已 又須從一句至十句念 不可二十三十 隨念隨記。不可掐珠 唯憑心記 若十句直記為難 或分為兩氣。則從一至五 從六至十。若又費力 當從一至三 從四至六 從七至十 作三氣念。念得清楚 記得清楚 聽得清楚 妄念無處著腳 一心不亂 久當自得耳。須知此之十念與晨朝十念 攝妄則同 用功大異。晨朝十念 僅一口氣為一念 不論佛數多少 此以一句佛為一念 彼唯晨朝十念則可。若二十三十 則傷氣成病。此則念一句佛 心知一句 念十句佛 心知十句。從一至十 從一至十 縱日念數萬 皆如是記 不但去妄 最能養神。隨快隨慢 了無_之滯礙 從朝至暮 無不相宜。

淨戒十益

月燈三昧經·卷六

- 一者滿足一切智。
- 二者如佛所學而學。
- 三者智者不毀。
- 四者不退誓願。
- 五者安住於行。
- 六者棄捨生死。
- 七者慕樂涅槃。
- 八者得無纏心。
- 九者得勝三昧。
- 十者不乏信財。

尺牘（信札）規範

輩		長			
俗	僧				
老大老長 居 師士者	大吾師住法大老長和翁公恩師 法 上 德師尊持師師老尚人師父			稱呼	開首
用		通			
<p>蓮澄清法淨慧</p>  <p>覽 鑒</p>		<p>講紺佛 仁尊慈</p>  <p>席目眼 座鑒</p>		稱呼	首
		<p>跪 恭 祇 敬</p>  <p>頌 叩 頌 請</p>		稱呼	結
<p>法喜無量</p>		<p>智慧圓滿 得大自在 慈航普渡 福慧無量 法化無疆 尊慈安 慈安</p>		稱呼	尾
用		通		僧	
<p>末學 敬上</p>		<p>晚學 敬稟</p>		<p>侍學 稽首</p>	
				<p>弟子 跪白</p>	
				<p>徒 和南</p>	
				<p>頂禮</p>	
				自署	

尺牘（信札）規範

(封 信)

○
○
○

學 同 居 法
長 學 士 師

法 淨 道 安 慈 尊

敬 緘 啓

(片 信 明)

○
○
○

(平 輩) (長 輩)

淨 慈
收

輩	平
同學戒禪蓮道師居開 學長兄兄兄兄士士	
如	蓮 蓮
晤	席 右
即	此 即 順
頌	祝 請 頌
淨學修法法道淨法慧禪	
祺	喜 充 滿 喜 綏 安
輩 晚	輩 平
具 啓 字	兄 弟 學 後 慚 愧 弟 學 弟 合 十 敬 謹 合 手 書 啓 掌

妙音印經會

●宗旨：承紹如來家業 毛端現寶王刹 塵無上法輪 共入毘盧性海。

●方法：郵政劃撥帳號 19842911 戶名：劉明印（釋見海）

●說明：①約每二個月（偶數月底）募款助印及付梓經書（以大藏經為主）

②擬請經書者 可聯絡電話：〇九六三—〇五三〇七〇

③共發菩提心 同結無生緣—感緣隨喜 收到助印經費 俟經書出時

依「通信欄」註明本數及「功德芳名錄」而郵寄。

④累積功福二資糧 普結衆生淨法緣—勸人一世以口 勸人百世以書。

●預印經書：①百業經（25 K本）②高峰禪師禪要（25 K本）

（一〇六年・二月）

淨財入妙音 功德歸十方 解行具正見 衆生皆成佛





མི་གཞི་ལོ་རྒྱུ་རྒྱལ་ལ་འདི་དཔེ་ཚལ་ནང་དུ་བཞག་ན་དཔེ་ཚད་ཉི་འདུང་
འགྲོ་མཁུ་ལྱང་ཉེས་ལ་མི་འཕྲུང་བར་འཕམ་དཔལ་རྩ་རྒྱུ་ལས་གསུངས་སོ།།
書籍中設置此二十六梵字，任何逾越及失誤皆不生效
—《文殊根本經》所宣說

普為出資印贈及讀誦受持
展轉流通者回向偈曰：

願以此功德 消除宿現業
增長諸福慧 圓成勝善根
所有刀兵劫 疾疫饑饉等
悉皆盡除滅 國泰民康寧
出資印贈者 誦持流通者
現眷咸安樂 先亡獲超昇
所求皆果遂 隨願得往生
法界諸含識 同證無上道

廬山蓮宗寶鑑

◎敬印者：妙音印經會

承印者：耿欣印刷有限公司

住址：新北市中和區立德街72巷30號3樓

電話：(〇二) 二二二五—四〇〇五

傳真：(〇二) 二二二五—四六二六

中華民國一〇五年十二月 敬印

版存耿欣·感緣弘化

開放版權 請勿販售 隨喜助印 發菩提心

所印經書 若有錯缺 退承印處 功德無量

發菩提心 發菩提心 發菩提心